



11543

M.Ü.İlahiyat Fakültesi Kütüphanesi  
Fen Edebiyat Koleksiyonu



\* F 0 0 2 4 4 \*



۸۶۲۷

# اداره صايت

۵

حياتك حسن استعمالنى . سعادتك اسبابنى كوستر

مترجمى :

محمد على

مؤلفى :

انكيز مشاهير حكما سندن

سيرجون لوبوق

طابع و ناشرى



کتابخانه عسکری - تجار زاده ابراهيم حلمى

۴۶ - بالى على جاده سى ۶

۱۳۲۸

Q. No

1563





## افاده ناشر

تقریباً بش سنه اول ، هکبه اینک لطیف چاملقلرنده او قودینم ایکی بیوک اثر بنده عمیق وسویملی تأثیرلر براقشیدی . حتی او وقت بو ایکی اثری ترجمه ایتدیرمک لسانزه نقل ایتک ایسته مش فقط بر درلو سانسورک ساطور جانیانه سنه تسلیمه کوکلم قائل اولمامشیدی . ناصل اولسه معارف بو ایکی اثرک برایکی فصلانی محو ایدمک ، کتابک قیمتنی هیچه ایندیره جکدی . حیات نه غریبدر . انسان برحس و املک زبونی بواندجه و بو املی منفعت عمومیه خادم اولدجه مطلق بر کون عزم و قرارینک شدتیه امتزاج ایدرک ساحه فعل و تطبیقه قور و املنک ثمره دار اولدیغنی کورمکه مباحی بوانور . ایشته بو اختیارلردن بریسی ده بنم . دور استبداده نه بی آرزو ایتدم ایسه هپسی تدریجاً حصوله کلیور . چونکه هپسنده وطنه قارشو بر محبت ، وطنداشلمک استفاده سنه خادم بر حسن نیت واردی .

موفقیتسنلک حسن امله صاحب اولماقدن ، بر مقصد مستحسنه خدمت ایتامکدن ، قرار و عزمنده ثبات ایتامکدن تولد ایلر .

کندیسی بر انکیز اولدیغنی حالده هر وقت کمال احترامله سلاملیه جفم و آلنی اوپه جکم ( سیر جون لوبوق ) ک بو ایکی اثر نفیسی تربیه شخصیه واحوال روحیه مده نه بیوک تصحیحات اجرا ایتشدی . چونکه مؤلفی ده بو اثرلی کندی قومنه ، باخصوص بتون انسانیته قارشو درین برحس عالیجنابانه ایله یازمش و املنی انسانیتک تکاملنه ، اخلاق فاضله نلک انتشارینه ، مغموم و مکدر انسانلرک تسکین اضطراباته ، حیاتدن بر درلو مستفید اوله میان بیچاره کانک تعدیل حسیات و احتراصاته حصر ایتدیکی ایچون بتون قارئلرینک اعماق قلبنده بر پدر محترم حس معززینی قازانمشدر .

ای شبان وطن ! شائبه حرص و منفعت آلنکیزی کیرلتمزه ،

## کتابخانه اسلام و عسکری

تجارزاده ابراهیم حلمی

آرتین آصادوریان و مخدوملری مطبعه سنده طبع اولمشدر



احترافات وهوسات نفسانيه قلبكزي قرالمازسه ، سر ؛ استقبالمزك  
برر خورشيد تابداريسكز . هر بريكزك افعالي شمس اقبالمزك شعاعات  
منوره سني تزيبدايده جك ، افراد ملتي ظلمت جهالت و اسارتدن  
قورتاره جقدر .

يوق مقصدهسز برطريق تعقيب ايدر ، حسن املدن عاري برحرص  
ومنفعتك محكومي بولنورسه كز ايستديككز قدر عالم ، فاضل ، صاحب  
ثروت اولكز ، بو وطنه ، بو ملته قطعياً خادم اوله مازسكز ، حتي  
كندی نفسكزه بيله .

اك پارلاق آثارموفقيت ، شخصيتدن ، منفعتدن زياده منافع عموميه ،  
وطنيه وانسانيه خدمت ايدنلرده تجلي ايلشدر .  
هركس كنديني سومليدر . فقط بو سومك باشقه لريني دوشنامك ،  
باشقه لرينك ضررينه تأمين موجوديت ايلك درجه سنه قطعياً واصل  
اوله مليدر .

في الحقيقة حيات برساحة مجادلاتدر . بو غوغاي معيشت ايچنده مظهر  
اولق ، ياشامق بيوك برهزدر . هر كس بومجادلهيه حاضرلنملي ، تسليح  
ايدملي ، اوغراشمليدر . فقط بو مجادلاتده مظهر اولق ايچون وحشيانه  
غوغالره ، حقسزلقلره ، مغاير اخلاق و تربيه حركانه لزوم يوقدر . ذاتاً  
بو وسائط مغلوبيت وهزيمت علائمي در . معقول بر طرز حيات ، انسان  
ايچون سعادتدر . ذاتاً ساحة حياتده او قدر مسعود دورلر واردركه  
برانسان كاملك اسباب سعادتني تأمين ايدر . بوكا وصول ايسه حياتك  
اداره سني ، استعمالني بيلمكدر . اكر هر كس آز چوق بولنديغي محيط  
حياتدن استفاده ايتكي بيلسه ايدى بو كون كورنديكندن ده بختيار  
اوله بيليردى . هر كس بيلميدركه دنيا ده سعادت ابدية يوقدر . فقط  
مسعود كونلر بك چوقدر . اكر بو مسعود كونلردن استفاده ايتكي  
بيليرسه كز بختيارسكز .

بونوده اونوتمايلي زكه اك بيوك كدر و مشاق كنديمز توليد  
ايديورز . بر چوق اضطراب وفلاكتلرك عامل يكانه سي بزز . خسته

اولديفكز زمان سكوتله دوشونكز و اسبابني آراييكز ، مطلقاً  
كنديكزك اهل و دقتسزلفكزدن تولد ايتديكني آكلارسكز . ينه بر  
موفقيتسزلق آنده تحري اسبابه توسل ايديكز مطلقاً او ايشه اولجه  
لايقيله حاضرلنديفكز ، حسابانده قصور ايتديككز و يا ثبات كوستر .  
مديككز آكلاشيلير . ايشته بو قصورلر ، بو نقصانلر بريكه بريكه  
بلالر ، فلاكتلر ، مصيبتلر توليد ايدر ، بزبتون مصائب طالعه ، حياتك  
مولد اكدار واضطراب اولديغنه حمل ايلرز .

ياشامق بيوك بر فندر . حياتدن استفاده ايتك ، حياتك آوان  
سعادتدن ، اذواق بي پايانندن حصه ياب اولق آريجه بر صنعتدر .

انسان ناصل مسعود اوله بيلير ؟ بو هم بك بسيط ، همده اك مشكل  
بر مسئله در . بونكچون چوق اوقوملي ، فلسفه حيات بشرله اشتغال  
ايدن حكيمانك آثاريني تدقيق ايلميدر .

مثلاً بوخصوصده سير (جونلوبوق) ك (اداره حيات) ي ، (سعادت  
حيات) ي حاصل بو ايكي اثر مهمي ياشامق و مسعود اولق ايچون يكانه  
رهبردر .

بك چوق مستفيد اولديغم بو ايكي اثر دن بردانه سني طبع ايديورم .  
اكر اوقونور ومظهر رغبت اولورسه ديكر اثريني ده طبع ايدورم .  
ذاتاً كتابخانه ملتي اك زياده حيات اجتماعيه عائد آثارايله تكثير  
ايدجكم . انسان ايچون باشليجه اوقونه جق و تتبع اولسه جق شي  
شبهه سز حياتمزه تعلق ايدن آثاردر .

كتابخانه عسكري صاحبي

تجار زاده ابراهيم حلمي



## برنجی فصل

### اك مهم مسئله

حياتده اك مهم شى ياشامغى اوكرنمكدر . انسانلر محافظه  
حياتى هرشيدن زياده آرزو ايتدكلرى حالده اداره حيات ايله  
پك آرز مشغول اولورلر . بوكا پك قولاي موفق اولمه مدىغى  
دوشونولمز . بقراط حكيمات طبيه سنك مقدمه سنده « حيات  
قيصه ، صنعت اوزون ، فرصت كچيچى ، تجربه مغفل ، محاكه  
كوچ » دييور .

سعادت وموفقيتك حصولده اسباب خارجيه دكل ؛ بلكه  
بالذات بزمؤثرز . پك چوق كيمسه لرك خراييسنه باشقه لر ينك  
بدخواه لغندن زياده كندى خطالرى سبب اولمشدر . برچوق  
اولر وشهرلر ، فورطنه لر و حركات ارضيه دن زياده انسانلر  
طرفندن محو وتخریب ايدلمشدر .

دنياه بري زمان ديكرى انسان طرفندن اجرا ايديلان  
ايكى دورلو تخریبات واردر ؛ فقط انسانك تخریباتى هپسندن  
زياده مؤلدر .

« سه نهك » دييوركه « هر كسك اك فنا دشمنى كندى  
قلبنده در . » « برويه ر » ك ديديكى كى بعض كيمسه لر مدت  
حياتلرينك بر قسمنى باشقه لر ينى فلا كته دوچار ايتمك پولنده



صرف ایدرلر. وا کثریا « دلیقانلیق بزه اوپله شیلر یاپدیریرکه متالم اولان وجودیمز سن شیخوخته اوندن نادم اولور (۱) » زیرا « کچن ونهایت بولان شیلرک آرغاجنی قلو تو یکیدن اوره مدیکی کبی آتروپوس ده اوکا یکیدن باشلایه مز (۲) » انسان عقلندن زیاده هوا وهوسنه تابعدر .

بعض کره نیکییندکله اتهام اولونیورم . حالبوکه بن حیاتک آلام ومزاحمنی هیچ بر وقت اونوتوب استخفاف ایتدم . بن انسانلرک بختیار اولدقلرینی اصلا سویلدم ؛ یالکیز بوکا مستعد اولدقلرینی ، موفق اوله ماملری کندی خطالردن ایلری کلدیکنی ؛ وبر چوق انسانلرک الارینه کچن فرصتلرک پک آزدن استفاده ایتدکلرینی ادعا ایتدم .

« زیرا سویلنان ویازیلان شیلرک اک حزن آوری

ایواه ! بو اوله بیله جکدی سوزیدر . » (۳)

اکثریا فنا دیدیکمز شیلر استفاده ایتسنی بیلمدیکمز یاخود افراطه واردردیغمز اییلکلردر . افراطه واران شجاعت ، تهور ؛ محبت ، ضعف ؛ تصرف ، خست اولور . بونکله برابر قوانین طبیعیه نک تبدیلیه بر صلاح حصوله کله جکی ارانه واثبات ایدیه مز . دوشن بر آدمک باجانی قیریلیور . فقط جاذبه

(۱) لیلی ( اون طقوزنجی عصرک انکلیزجه فاجعه مؤلفی )

(۲) لوسیئن .

(۳) واپته پر .

قانوننک دکیشمه سیله احوال موجوده ده بر تبدل وقوعه کله جکی ظن اولونماملیدر .

ایرانیلر سعادتک اییلک منبعی اولان هر مزدن ، بدبختلغک ده کوتولکک روحی اولان آهریمان دن کلدیکنی ادعا ایدرلردی . حالبوکه حقیقتده بزم آلامز کندی جزای عملمزددر . اونلر کله نک بوتون معناسیله خطالریمزدن ، اکثریسنی بیله رک بر طاقنی جهالتله یاپدیغمز خطالردن ایلری کلیور . خطالریمزک بو برنجی قسمی ایچون قلمزده لایخطی بر محک وارددر ؛ زیرا فنالق بیله رک ارتکاب ایدلمش اولویور . واکر بر شی کورمامک ایچون کوزلریمزی قاپارده فنالغی کورمز ایسه ک اوزمان جریمزله دکل غفلتمزله متهم اولورز .

بیلمیه رک یاپدیغمز خطالر ایچون ایسه عائله مزک ، بویوکلریمزک . دوستلریمزک عقل و تدبیرینه ؛ تربیه مزه وکندی نفسمزه اعتماد ایتمه مز لازمدر . انسان تربیه سنی قسماً کندی اجرا ایدر . هیمزک هیچ اولمازسه تک بر شا کردی وارددرکه اونی تعلیم و تربیه ایتمکله مکلفز .

عرفانمزی وجوده کتیره جک باشقلرینک بزه اوکره تد کلرندن زیاده بالذات اوکره ندیکمز شیلردر . تربیه مز مکتبدن چیقنجه اتمام اولنمش صاییه مز ؛ بلکه اصل او زماندن اعتباراً باشلار عمرمز اولدجه دوام ایدر . ( سه نک ) دیورکه : « انسانلرک ریاضت بدنیه اولدیفی کبی ریاضت دماغیه لرنه ده



اهتمام ایتدکارینی و نائل ذوق اولمقدن زیاده اکتساب فضیلت  
ایچون چالیشدقارینی کورسهك نه قدر ای اولور . «

هر شیء قضا و قدره اسناد ایدن بعض اقوام واردر .  
بونلرك دنیا حقنده کی فکری ؛ هر شیءك اولدن  
ترتیب ایدلیکی و اوله جق شی بزم ایسته یوب ایسته مدیکمه  
باقه دن وقوع بولدیغی بولنده در . بو اقوام انسانی بویوک بر  
قوتك الده عادى بر آلت ، بر اویونجاق اولق اوزره تلقی  
ایدلر . بناءً علیه هر شیدن اول تدقیق ایدلمسی لازم کلان ؛  
بر علم حیات اولوب اولدیغی مسئله سیدر . حرکتیمزى عمان  
زمان ایچنده اداره یه مقتدر می یز ؟ یوقسه یولیمزى شاشیرمغه می  
محکومز ؟ بو سؤالك واضح اولان جوابی شودر : « انسان  
انساندر و طالعنك صاحبیدر (۱) » و اگر بوکا مالک اوله من  
ایسه خطا کندیسنه عائددر . « من هر نه اولق ایستر ایسه کز  
اولورسکز ؛ زیرا انسانك قوه ارادیه سی اوله بر شیدرکه ،  
اراده قدسیه ایله توافق ایتدیکی حالده ، جداً وعزم ایله اولق  
ایستدیکمز هر شیء بهمه حال بزى موفق ایدر . (۲)

مادامکه طالعمره تصرف ایدیورز ؛ نه اولق ایستدیکمزى  
وحیات سرمایه سندن استفاده ایتك اك زیاده نه یولده ممکن  
اوله جغی حقنده کندی کندیمزه برسؤال ایراد ایدلم . دنیاده

(۱) تنیسون . آنید

(۲) ژان - پول ریختر

بر مقصد تعقیب ایدن کیمسه لر بولندیغی کی بعضیلری ده هیچ  
بر مقصد تعقیب ایتمز لر . بزم اك برنجی املمز کندیمزدن اك ای  
واك مكمل بر صورتده استفاده ایتك اولمیدر . (هومبولد)  
دیورکه ؛ « هرکس ایچون اك اول تعقیب ایدله جك مقصد ؛  
بوتون موجودیتك اك متین واك واسع اوصافى الده ایتك  
ایچون كافه ملکاتى اك مكمل واك آهنگدار صورتده تمیه  
ایتك اولمیدر . « یاخود بر کره دها ( پول ریختر ) ك سوزینی  
نقل ایدرسهك « انسانك ، وارلغندن بو ماده ابتدائیه دن حاوی  
اولدیغی كافه فوائدى استحصال ایتك اولمیدر . « مع مافیه بو  
حرکتى بر منفعت قصدیله اختیار ایتاملى یز . بوسورتده انسان  
هیچ بر شیءه موفق اولمامغه محکوم اولور . باقون ك افاده سینه  
نظراً « هر هانكى بر انسانك موفقیت شخصیه سی اصلا  
موجودیتك مقصد اساسی عد اولونه مز . « افلاطون ، ارسطو  
بودا کی ارواح عالیه یالکز نفسلری ایچون تکملى  
تعقیبدن اصلا ممنون اولمیدلر بو جهتله بن کندی تکملمه  
چالیشمه نك ، سائر انسانلرك منافعه خدمت مقصدیله ، اولمسی  
تصدیق ایدلمش بر مسئله اولق اوزره قبول ایدیور و موضوع  
بحث ایتدی کمز مسئله نك نه قدر فائده لی اولدیغی شمیدن  
سویلک ایستیورم . « کندیکى بیل « حکمت معروفه سی انسانك  
کندینی بیلمسی نه قدر مهم وعین زمانده مشکل اولدیغی بزه  
کوسترپر . « مونته ن « طاتلی افاده سیله ؛ « عالمده کیندمدن دها



ای بر اعجوبه و غریبه کورمدم . « دیور .

نصیحت و یرمك دائما غیرمثمر بر وظیفه در . یکی زه لاند  
قبائلندن برینك رئیس بر میسیونره « قبیله من افرادندن  
خرستیانلغی قبول ایتش اولان بزه او قدر نصیحت و یریوردی که  
صو صدیرمق ایچون نهایت کندیسنی یمکه مجبور اولدق »  
دیمشدی . یکی زه لاندالینك بو تجربه سی دائما خاطرمدده در .  
فقط باد هوا نصایح قبول ایتك ایستیمیانلر صو کره غایت بهالی  
ندامت صاتون آلرلر (۱) « آرزو ایدیورم که ؛ برشی اولمق  
یا خود برایش یامق ایستیمیانلره و کندیلرندن ، موجودیتلرندن  
اك ای بر صورتده استفاده ایتك ایستیمیانلره بعض فائده لی  
نصیحتلر و یره یم .

انسانك انه كچن فرصتلی غفلتله غائب  
ایتدیكنی کورمکدن ده ها حزن آور برشی اوله من . مجنونانه  
بر صورتده ضایع ایتدیکمز و استفاده ایتکی بیه مدیکمز منافعدن  
سائرلرینی حصه دار ایتسه ایدك همجنسمنك نه درجه لرده سعادتنه  
خدمت ایتش اولوردق !

اذواقنك خیالی دکل ؛ حقیقی اولدیغنی قبو ، ایده لم . شو قدر  
وارکه برچوق شیلرك ایفاسندن ممنون اولیشمنز اونلرك ذوقه  
عائد اولدیغنی بزه سویلنلمسندن ایلری کلیور ؛ باشقه نام و یریلیر  
ایسه در حال واز کچیورز . چوق کیمسه لر ایشلرنده بر فائده

کورمدکاری ایچون اکلنجه آرادق لرینه قاعدلرلر . بعضیلری ده  
اذواق یالکیز مادی اوله بیلیر ظن ایدرلر . حقیقتده ایسه نشوه  
بخش و دائم اولان آنجق اذواق فکریه در .

بر وجوددن باشقه سنه مالک اولمدیغمنز حالد غفلتله اون  
اهمال ایدیور یا خود تخریب ایدیورز ؛ خصوصیه عقلک صحتی ده  
بدنك صحتنه محتاجدر ؛ صنایع نفیسه نك بزه تأمین ایتدیکی اذواقك  
یاریسندن بیه استفاده ایتکی بیه میورز . دوشونورم پارسلیمزدن  
قاچ کیشی « لوور » موزه سنی زیارت ایتشددر . فنونك فوائدینی  
آکلامق ایچون ده حاضر لغمنز یوق ؛ تاریخ طبیعی موزه لرینی  
فنی قولکسیونلری زیارت ایدنلرك عددی نه قدردر ؛ ارض و سمانك  
محاسنندن استفاده ایده میورز . واقعا موسیقیدن بالنسبه فضله  
مستفید اولویورز ، فقط ایدله سی قابل اولان استفاده  
یاننده بوده اهمیتسنز قالیر . منحصرأ کندیمنك عقله  
مالکیتی ایله مغرورز ؛ فقط سعادت منزی تزیید ایچون بوندن نه قدر  
آز استفاده ایدیورز ؛ حکماء کلیونك موضوع بحث ایتدکلری  
اوزره — فکرك منبع آلام اولوب اولمدیغنی مسئله سی جای  
نظردر . — معلومدرکه حیواناتده بزم اندیشه لریمز یوقدر ؛  
« انسان بوش برالم ایچنده یورور و بوش بوشنه معذب اولور . »  
قورقو ، اندیشه و فکر اضطرابلریله معذب اولورز ؛  
سرار بزی هر طرفدن استیلا ایتشددر ؛ فقط بوکا قارشی بزی  
نصیان ایتدیرمك ده بوشدر . بونکله برابر اندیشه ناك اولمق



نه قدر بوش برشی ایسه لایق دله او قدرتها کدایدر. ای بیلورز  
ظن ایتدیکمز شیرله ده مشغول اولمه من ایجاب ایدیور؛ زیرا  
خطا ره طرفه بزی بکلمه کده در. فقط «بو عالمده بتون فناقلرینه  
رغمأ جناب حق بزم چابو جاق فیا بر آدم اولمه مزه مساعده  
ایتمه کده. بوسبتون ضیاعه او غرامق ایچون چوق زمان و مزاحمه  
محتاجز. مرتبه فضیلتدن، سماوی (ووالکن (۱) کی برکون طرفنده  
دوشمیورز (۲)» شخصی بر طرفه براقه رق عرقی نظر دفته آلیر  
ایسه ک منافعمزی نه درجه لره قدر اهمیت ویرمدیکمز بوسبتون  
تظام ایدر. بشریت بو کون دخی «نیوتون کی اعتراف ایده بیلیرز که؛  
بز دکنار لرنده اوینایان و اوکنده محیط وسیع حقایق  
غیرمکشوف اوله رق طور و طورور ایکن پارلاق  
حیوانات قابوقلری طوبالایان چو جقلره بکزه یورز. بر تک ماده  
یو قدر که خواص و منافعی حقیقی صورتده بیلمش اوله لم.  
صباحدن آقشامه قدر چالشیورز. حالبو که کافه خواص اشیایی  
طانیمش، بوتون قوای طبیعی نك طریق استعمالی بیلمش  
اولسه ایدک حوائج ضروریه مزک تدارکی ایچون یومیه بر ایکی  
ساعت چالیشمق کافی کلسی محتمل اولدیغندن افکاریمزی تنویر  
و احتیاجات معنویه مزی استکمال ایچون لازم کلان زمانی  
بول بول الده ایتمش اوله جق ایدک.

(۱) اساطیردن

Sir T. Browne (۲)

بخار قوتندن هنوز تمامیه استفاده ایدلمیور. قوای الکتریقیه  
نك استعمالی الی سنه اول غیر معلوم ایدی؛ هر نه قدر ایوم  
بوندن استفاده ایدیلمیور سده ایر ماقلردن بر چو غنك قوای  
محرکه سی ضایع اولوب کیدیور. و اگر انسان مبطل حس  
موادی بر از اول کشف ایتمش اولسه ایدی نه قدر آلامدن  
قورتولمش اوله جق ایدی. بومدعای تأیید ایدن مثاللر بر جلده  
صیغمایه جق قدر چو قدر. یکیدن بیکلرجه کشفیات دها وقوع  
بولمق اوزره اولدیغی شبهه کوتورمز. بونکه برابر غریب  
دکلیدر که ملتلر خراب عمومیلری ایچون میلیارلری هدر  
ایدیورلر عمان وسیع حقیقت غیرمکشوف اوله رق اوکلرنده  
متمد اولورایکن بر پارچه اراضی الده ایتک ایچون وحشی  
حیوانلر کی مجادلاته قیام ایدیورلر

انجق بر بطن وار که؛ چو جوقلرک یاریسی او قویوب یازمه  
او کر نمه دن بویودکاری سویلنمیوردی. بو کون ایسه اکثریا  
تدریساتده کی افراطک تقبیح اولوندیغنی ایشیدیورز. طوغرو  
سویلک لازم کلیرسه بوتنقیدات؛ حیات ایله طوغرو دن طوغری یه  
مناسبتدار اولمیان تدریساتی تزیف ایدر. حتی مکتبلر ایچون  
وقوع بولان صرفیاتی پک فضله کورمن بعض کیمسه لر بیه  
واردر. بونلر جهلک تحصیلدن دها بهالی یه او طور دیغنی درک  
ایده میورلر. واقعا چو جوقلریمزک هپسی ابتدائی بر تربیه  
آلیورلر. شو قدر وار که؛ (بو بحثی بوراده تدقیق ایتک ایستمیورم)



قبول ایتدیکمز اصول تربیه نك اك موافقی اولدیغی جای سؤالدر.  
 بنظن ایدیورم که مکتبلریمزده تربیه اخلاقیه پك متروك قالیور.  
 بوندن (واقعا و امر آلهیه به اطاعت ایدلمز ایسه شبهه سز فنالق یاپیلیر.  
 و بوفنالق باشقه لرینك ضررینی مؤدی اولور. فقط قبایح؛ ارتکاب  
 ایدن کیمسه یه دنیاده استراحت و فوائد تأمین ایدر) فکری میدان آلیور  
 بونظریه و طرز تفکره کوره؛ خود پسندك، افراط پرستك،  
 طمعکارلق و تنبلك کبی قبایح برر منبع اذواق اولمق لازم کله جك.  
 کندندن باشقه سنی دوشونمیان کیمسه لر ذوق آرایه جق.  
 حالبوکه بالذات عالی و شریف اولان ایلك و فضیلت معصومانه  
 اکلتیلردن بیله اجتناب ایدوب و صاحبی فراغت دائمه حالنده  
 بولوندیره جق. حقیقت حال قطعیا ذکر اولونان نظریه نك عکسیدر.  
 سفاهتک نه ادب نه ده قانونی طانیماقله اله ایتدیکی امتیاز  
 پك آزدر.؛ اصل اك فنا بر اسارته، احتراصاتنك اسارته دوشن  
 سفیه کیمسه لردر. بونکله برابر اکثر کنج لر ظن ایدر لرکه؛ فضایل محده  
 مردلك ده واردر. حالبوکه بوکا مستعد اولانلر اك ضعیف  
 و اك احمق کیمسه لردر. فضیلت؛ ایشته حریت حقیقیه  
 اونده در. فضایل ایسه اسارت حقیقیه در. بو طرز حیات مفسد  
 اخلاق اولدیغی جهته انسانی ذلیل ایدر. و بوندن طولانی مفسد  
 اخلاق در. اکلایلماز بر صورتده طوغروی اکر یی یکدیگرینه  
 قاریشدیره رق کوتولکه ایلك نظریله باقیلیر ایسه سعادت و سلامتده  
 اونستنده محو اولمش دیمکدر.

آلهیونك فنالق آلامك توأم اوله جغی حقنده کی بیاناتی  
 اثبات مدعا ایچون بوراده ایراد ایتك ایستمیورم. بالعکس  
 تام بردنیا آدمی اولان لورد «چه ستر فییهلد» ك ادله سنی اتیان  
 ایتکی ترجیح ایدیورم. بوذاتك اوغلنه یازدیغی نصیحتنامه لرك بری  
 شویله نهایتله نیور: فضیلتك احراز ایده جکی مکافاتلر و فضیلتمند  
 ممتاز بر آدم اولمق ایستر ایسه کز تقلید ایتکمز ایجاب ایدن  
 اوصاف ایشته بونلردر که سعادت ده بونلرک مکافاتیدر. «  
 ده قارت» اداره حیات حقنده کی قواعدینی درت  
 دستورده خلاصه ایدیور:

«برنجیسی» جناب حقك چو جقلغمندن بری او کر نمکلمکی  
 لطف ایتدیکی دینی محافظه ایله مملکتک عادات و قوانینه  
 اطاعت ایتك.

«ایکنجیسی» مقتدر اوله جغم ایشلرده غایت جدی  
 و عزیمکار اولمق.

«اوچنجیسی» ثروتدن زیاده کندیمه مالک اولمغه چالیشمق.

«دردنجیسی» حیاتی مقتدر اوله جغم درجه حقایقه

وقوف یولنده ایلروله مک ایچون استعمال ایتك.

کندی منفعتلرینه خادم ظن ایتدکلی شیلری بلا حجاب  
 تعقیب ایله هم کندیلرینك همده سائرلرینك بدبختلغنه سبب  
 اولان یالکمز خود پسندلر، لاقیدلر و اشراد کلدلر؛ حسن نیت صاحبی  
 غایت ای آدملرک و مقاصد خیریه یه خادم برچوق کوزل



کتابلرک اساس اعتباریله عین خطایی تولید ایتدکلرینی ده بیلملی یز . بونلر اخلاقسزلقله ذوقی یکدیگرینه قاریشدیریورلر فضیلتی محرومیت دائمه و دینی نفسه ادا کی تلتی ایلورلر . انکیزیسیون ، بو طرز تفهیمک واضع بر مثالیدر . انکیزیسیون ایجرا ایدنلردن بر چوغی حسن اخلاق و شفقت صاحبی کیمسه لر ایدی . فقط خریستیانلغک اساسلری حقنده ایدن ایییه آدامشلر ایدی . اطرافزده هرکون بر طاقم ایی آدملر کوریورزکه ، لطیف اولان هرشیئک برکناه اوله جغه ، حقیقی فکر دیانتک تمامیه ریاضت ، حزن و تعذیب نفسدن عبارت ایدوکنه ، اشعه شمس ایله و مسرتله جوش و خروش ایدن طبیعت منوره نک لطف دکل بر فالح و بوتون اییلکلرک خالق طرفدن احسان اولنان اک بیوک منبع مسرت دکل نفس اماره نک آرزو و هوسدن عبارت اوله جغه قیامت حاصل ایتمش برحاله کورنیورلر . «غودپهر» ایکی کوزل مصراعنده دیورکه :  
( انجیق الم یولیدرکه ، هر درلو آلام مفقود اولان یره انسانی کوتوریر . )

خلاصه ؛ کدر والم کورمکسزین مسافه حیاتی قطع ایدمییورز . هر ضیا برکولکه یاییور . حدود مضیقّه موجو- دیتمزک سودیکمز کیمسه لک ضیاعیله بزده حصوله کتیردیکی ناقابل احتراز آلامی نظر دقنه آلماسه ق دخینه حیاتمز پک قاریشیق برحاله در . هنوز عالمی او قدر تدقیق ایتماشزکه

موجودیتمزک احتیاجاتی محاط اولدیغمز قواو موادک طبیعت و خواصنی پک آز طانیدیغمز جهته کنیدیغزی بر چوق آلام واکداره بلا اختیار معروض بولدیریورز ؛ فقط غووپهر ، سمایه ایصال ایدن یولک ، یالکیز طریق الم اولدیغنی بوعالمده کی برمسعود حیاتک عالم دیکرده همه حال بر عذابله اوده نمسی لازم کلدیکی بیان ایدیور . تمامیه یاکلش بر فکر ؛ شو قدر ضعیف قلبلری زیاده سیله متالم ایدیور واونلره اندیشه وشبهه کتیریور نیجه کنج ونشئلی طبیعتلر وارکه کوکل عذابی چکمیور نائل اولدقلریته متشکر اولملری لازم کان نعمتلری خوش کورمیورلر . « غووپهر » عادی برپوریتن ، دکلدر ؛ فقط مذهبی ، ماقولای نک دیدیکی کی بوغایاریشنی و خوروز غوغاسنی حیوانلرک سبب اضطرابی اولدیغنی ایچون دکل ؛ انسانلری اکاندیردیکندن طولای تقبیح ایدن کیمسه لک فکر یله مشبوعدر .  
چوق کیمسه لر موجودیتی آکلایه مامقدن طولای معذب واندیشه ناک اولورلر . ایی آدملر بعضاً عالمک تشکیلاتندن غضبناک بعض کرده مکدردرلر . فقط ایی بیلکیزکه وظیفه سنی ایفا ایدن هیچ برکیمسه بوندن مشتکی اولمز . زیرا سه نکک قولیجه « ایفا ایدلمش هیچ بروظیفه یوقدرکه بزنی مسعود ایتسون ونفسک هیچ بر آرزوسی یوقدرکه اوکاقارش برچاره بولنسون » « میلتون » دیورکه طبیعتی اتهام ایتمه ؛ اوسکا قارش وظیفه سنی ایفا ایتدی سن ده کنیدی حصه که دوشنی یاپ » امین اوله بیلیرزکه



اگر خالق مکونات مدت حیاتم زده بزم مستفید اولمقلغمزی  
اراده بیورمه یه ایدی طبیعتی کوزلریمزه کوزل کوسترمز ،  
وموسیقتی نك لطافتی سامعه مزه اسماع ایتمز ایدی . « حیاتی  
حسن اداره ایدن انسانك كرك کندیسی و كرك همجنسی  
ایچون الده ایتدیکی ایلك ونشاطك قیمت حقیقیه سنی تقدیر  
ایتمك غیر ممکندر . »

اگر بوعصر دنیانك اك مكمل ، اك فائده لی واك منور  
بر عصری ایسه (که بنم فکر محجه بویله در .) بوندن طولانی یاوراولان  
طالع مزه تشکر ایتلی .

وکندی مزه بر مظفریت اسناد ایتاملی یز ؛ اوندن ممنون اوله لم  
فقط غرور ایله دکل شکران نعمت مقامنده .

ایمدی حیاتك صاییسز منافعه قارشو ایفای تشکرله برابر  
امکان دائره سنده اوندن استفاده ایتلی و فقط حیاتده کی آلام  
وا کدارده حاضر لایم لیدر « ووالپول » ( حیات ) ارباب  
تفکر ایچون بر مضحکه ، حس ایدنلر ایچون فاجعه در دیور  
فی الحقیقه بعضاً فاجعه لی اولدینی کی اکثریا قومدی یه یاقیندر ؛  
فقط اکثریت اوزره نه حاله قویمق ایستر ایسه ك اوله اولور .  
شبهه سز که دنیاده کی اییلکلی کوزلر بدبختلقلری آراشدیر .  
انلردن زیاده حقلیدر لر . بونکه برابر ایام مسعودیتمز هیج  
نظر دفته آلتقمسزین کلوب کچوردده کدرلی زمانلریمزی آغیر  
آغیر تعقیب ایدیورز .

هرایشده موفق اوله جغمزدن امید وار اوله میز . طبیعت  
بیله اکثریا موفق اوله مز . فقط « اقبال ومسعودیتله اصلا  
مغرور اولمکیز ، ادبار زماننده ده مسعودیتدن امیدیکزی  
کسمیکیز (۱) . »

کتاب مقدسك اك معلوم اولان بریرنده دنیلور که :  
« کنیش یول وکنیش قپو هلاکه طوغری کوتورور ، چوق  
کیمسه بونلره کیره طار یول وطار قاپو ایسه حیاته ایصال  
ایدروپك آز کیمسه بونلری بوله بیلیر . » فقط بکا کورنیور که ،  
بوققره لردن چیقاریلان نتیجه اکثریا یاکلشدر . بزه سویلنمك  
ایستنیلان شی طریق حقیقتك صرپ عارضه لی اولدینی دکل ؛  
بلکه اونی بولمه نك کوچ اولدیغیدر . شبهه سز ، طریق حقیقی  
بر ، ویا کلاش یولار متعدددر . سفرده بولنان برکمی صوب مقصودینه  
وصول ایچون آنجق برطوغرو یول تعقیب ایده بیلیر ؛ دیگر  
یوللر بارینه جنی لیماندن اونی اوزاقلاشدیریر . فقط بوندن ذکر  
اولنان یولده دیگر لرندن زیاده قیالقلر بولندیغی یاخود اونك  
فورطنه لی اولدینی نتیجه سی چیقماز .

فنالق واحقلغك اکثریا ذوقلی و آنی اوله رق لطیف شیلر  
اولدیغی انکار ایتك شبهه سز غیر ممکندر . بو ، عین صورته  
آرزوی نفسانی پی ده حکمدن اسقاط ایتك اولور که بیوده در .  
یالکیز شونی سویلك ایسترم که ؛ بو آرزولره مغلوب اوله رق



بزالم دائمی مقابلده کلوب کچیجی برذوق صاتون آلمش اولیورز؟  
چوق شی غائب ایدرک از قازانیور، «ندامت سنه لری مقابلده  
برساعتلک ذوق آلیورز» و دنیا ده کی موجودیت مزه عائد اولمق  
شرطیه شونی ده سویلک ایسترم که؛ بز انجق ایسلک یولنی تعقیب  
ایدرک مسعودیته نائل اوله بیلیرز. خودپسندلکدن زیاده  
محرومیتده سعادت واردر.

موفقیت و سعادت تمامیه یکدیگرینک عینی شیلر دکادر.  
زنکیئلکک مساعداتنه مظهر نیجه آدم لر واردر که بدبختدر لر.  
واقعا ثروت چوق ایش کورور، فقط حائر اولدیغی قدرت  
ومزیتله باعث ممنونیت اولان انسانده کی اراده وعزمدر.  
«فکرم بنم ایچون حقیقی بردولتدر. هر دقیقه بکا ذوق  
ونشاط تدارک ایدر. (۱)»

پک طوغرو اوله رق سویلنمشدر که؛ «ثروت، بویوک  
بر منصب و دبده و دارات هر کسه نصیب اولمز، فقط صاحب  
فضیلت، کریم و عقل اولمق هر کس ایچون ممکندر»  
ثروت حقیقیه مالک اولدیغمز شیلردن زیاده کنیدی  
نفسمزده موجوددر. و بزم استفاده ایتدیگمز هر منفعت مسئولیتی  
موجبدر.

«سن قریسوستوم» دیور که: «حیات حاضره من  
صحیه تماشادن باشقه برشی دکادر. انسانلرک ایشی ایه بر فاجه؛

فقر و ثروت، حاکمیت، اسارت و انسانلر آراسنده کی بوتون  
فرقلر هپ ظواهردن عبارت. فقط بو حیات دنیویه دن صکره  
صحیه قاپانه جق ویوزیمزده کی نقاب قالدیر یله جق، ایشته اوزمان  
هر کس حقنده ثروتی، منصبی، قدرت و نفوذینه نظراً دکل  
بلکه عملنه کوره حکم ویر یله جکدر. «تمنی ایدم که اعمالمز  
بوامتخاند بزی موفق ایتسون.

بوامتخان نهدن عبارتدر؟ حتمزده کی حکم افعال مزه نظراً  
دکل: نیت مزه کوره ویر یله جکدر.

حیاتده کی موفقیتمیزی حسابیه قایمه جق. یالکیز دکریمیزی  
نظر دفته آله جقدر و مسعودیتک انجق حیات فاضلانده  
موجودیتی و کناهکار، خودپسند کیمسه لرکده کنیدی لری  
فنالقه هبایدنلر اولدیغی قطعاً پک عیان کور یله جکدر.

حضرت سلیمان اوغله دیور که (۱) او غلم؛ ویردی کم  
درس لری اونوتمه اوامری حفظایت. زیر ابونلر سکا عمر مدید  
واقبال و سعادت کتیریر. (۱)



« الله ایتمك ایستدیکك شیئی بر کولر یوز ایله قلیجکک  
اوجندن دهاقولای ، قازانه بیلیرسك (۱) »

سیاستده دخی «زیاده اداره ایتماک» قدرایی بر اصول یوقدر .  
مناسبتده بولندیغکز آدملرک اعتمادینی قازانمغه ، دها  
طوغریسی اوکامستحق اولمغه چالیشیکز . انسانک تأثیر و نفوذی  
مزیتندن زیاده عزمی سایه سننده در .

فطانت وعدالتک مساعد اولدیغی درجه ده باشقه لرینک  
آرزولرینی اجرا ایدیکز ؛ فقط « خیر » دیمکدن اصلا  
قورقمیکز .

یولنده سویلینلر آز اولمغه برابر هرکس « اوت » دیمسینی  
بیلیر . فقط ( خیر ) دیمسینی پک کوچدر . بو عجز ، چوق  
کیمسه لرك خرابیسنه سبب اولمشدر . ( پلوتارک ) دیورکه ؛  
آسیای صغرا اهالیسی یکانه بوسببله اسارته دوچار اولمشدر :  
اوده « خیر » دیمسینی بیلما ملریدر . بونکله برابر بعضاً ردایتمکه  
مقتدر اولمق نه قدر لازم ایسه یولنده ردایتمسینی بیلماکده او قدر  
لازمدر . بزغیرت ایتلی یزکه ؛ کندیلر یله کوروله جک ایشیمز  
اولان کیمسه لر بزمله مناسبتده بولونمقدن ممنون اولسونلر  
و یکیدن معاملاتده بولونمغی آرزو ایتسونلر . عمومیتله فرض  
ایدلایکنک خلافت اوله رق امور و معاملاتده حسیات دها زیاده  
حاکم اولویور . هیچ کیمسه یوقدرکه نزا کتدن ، لطفدن

## ایکنجی فصل

### درایت

حیاتده موفقیت ایچون مزیتدن زیاده درایت لازمدر .  
فقط بونی طبیعه حائز اولمیان کیمسه لر چوق کوچکله اکتساب  
ایدرلر . بونکله برابر اطرافزده بولونان کیمسه لرك محتمل اولان  
آرزولرینی نظردقته آلارق قسماً الله ایدیله بیلیر . بر کیمسه نك  
جلب ممنونیتی ایچنه فرصت فوت ایتمیکز . هرکسه رفق ونوازشله  
معامله ایدیکز . ( لیدی مونتاك ) دیورکه ؛ نزا کت پاره ایله  
آلینمز ؛ فقط کندیسینی هر شیئی صاتون آلیر حتی بعضاً پاره نك  
الله ایدمه مدیکي شیریدی . او حالده هرکسک قلبنه مالک اولمغه  
چالیشیکز -- « لورد بورلوف » قرالیچه الیزابته « انسانلرک  
قلبه مالک اولورسه کز عین زمانده کیسه لرینه ده مالک اولمش  
اولورسکز » دیور ایدی .

نوازش ، تضییقک غیرمقتدر اولدیغی ایشلره اکثریاموفق  
اولور . لافونته نك ( فهبوس ایله بوره ) حکایه سی هپمزک  
خاطرنده در .

انسانلری شدتن زیاده اقتناعله اداره ممکن اولدیغی دائماً  
خاطرکزده طوتوک؟ تحت اطاعتهمقندن زیاده قازانمهنک دکری  
وارددر .



متحسس اولسون . بعض کره ایشلر باره دن زیاده مخادننکارانه  
وسائطه تنظیم اوانیور .

براز زحمت چکمک ایستنیرایسه سائرلرینه خوش کورونمک  
هرکسک یداقتدارنده در . سائرلرینی ممنون ایتمک ایستیان  
آدم عمومیتله بوکا موفق اولور ؛ بونی آرزو ایتمایلدن ایسه  
کیمسه خوشلانماز (۱) :

سز بو قیمتدار خاصه یی کنجلیککیزده قازانه مزسه کیز  
مؤخرأ قازانیلمسی پک کوچ اولور .

چوق کیمسه لر اوصاف حقیقیه سندن زیاده حسن معامله سی  
سایه سنده ایشلرنده موفق اولمشدر . حسن نیت صاحبی دیگر  
ای و محترم بر طاقم ذوات ایسه خشونت طبعلری سببیه دشمن  
کی تلقی اولنورلر . بوندن باشقه دیگرلرینی ممنون ایدن انسان  
حقیقی بر حظ معنوی حس ایدر . بو یولده یالکیز بر دفعه  
غیرت کوستریکیز ؛ امین اولیکیز ، آلدانمزسکیز .

دائما تدبیری و صوتوق قانی اولیکیز . - حرارتلی بر قلب  
قدر منور بر دماغه ده احتیاج واردر - هر ایشده متانت  
و صوتوق قانلیق غایت قیمتدار شیلردر . تهلیکه و مشکلات  
زمانلرنده اکثریا بو سایه ده ساحل سلامته واصل اولورسکیز .  
سزدن دهها آز مزیتلی اولان کیمسه لری اصلا استخفاف  
ایتمایلسکیز ، بوکا اصلا حق = سز یوقدر . هنرکزه و توارث

ایتدیگیز ثروته مغرور اولمق ده معقول بر شی دکلدر . اصل  
ایش بونلرک هر ایکسندن ده استفاده ایده بیلمکیزده در . بوندن  
باشقه ، انسانلر مالک اولدقلری ذکایی هر زمان کوسترمزلر .  
روحلری اوقومق کتاب اوقومق کی قولای دکلدر . کوزلر  
مراجعت ایدیلرک ای اماره لردر .

« کوز باشقه ، لسان باشقه سویلر ایسه تجربه لی آدم  
کوزلره اینانیر (۳) »

کرك ارکک ، کرك قادی اولسون انسانلر یکدیگرینی  
بردن بره سوه مزلر . کندیسنی ای طانیدیگیز بر آدم  
خیرخواه لغمه دائر سزه دائما تأمینات ویریر ، اعطای وعده  
مسارعت ایدر ایسه بویله آدملرک مواعدینه علی العمیا اینانمیکیز .  
بونلرده صمیمیت بولونسه دخی دوشوندکارندن فضله سوز  
سویملری یاخود سزی قازانمقده منفعتلری واردر . دوستکیز  
اولدیغنی بیان ایدن هرکسک سوزینه اینانمیکیز . بونکله برابر  
بر آدمک دشمن اولدیغنه حکم ایتمکده دخی عجله ایتمایلسکیز .  
بز عقللی و ذکی مخلوقلر اولمق لغمزله مفتخر اولویورز ؛  
فقط انسانلرک حرکاتنده عقلک رهبر اولدیغنی فرض ایتمکده  
زیاده سیله آلدانیلیور . بز رابطه سزلق و غرابته مشحونز  
و حرکاتمیزک اکثریسی اوهام و احتراصاتمیزک نتایجیدر . بوجهته  
عقللرندن زیاده حسیاتنه مراجعت ایتمک صورتیه انسانلر



اوزرینه ده قوتله اجرای تأثیر ایده بیلیرسکیز . و بو نظریه بر جماعت حقننده ده زیاده قابل تطبیق قدر .

مباحثه دائما بر از تهله کلیلدر؛ اکثریا سوء تفهم و برودت تولید ایدر . سزک ایچون صوگ سوزی سویلیوب آرقداشکزی غائب ایتک احتمالی واردر که بو ، ای برشی دکلدرد . اگر مباحثه ایتکه مجبور اولورسه کز ، مسئله نک اهمیتلی نقطه سی اونودلایغنی اثباته سعی ایدرک ، ممکن اولدایغنی قدر مساعده کار طاور انیکز . پک آز کیمسه واردر که بر مباحثه ده مغلوب اولدایغنی ایستسون . مغلوبیت حسی خوش برشی دکلدرد . مغلوبیتدن صوکره نادرأ قناعت حصوله کلیر . شونی ده سویلک ایسترم که دلائل ایله اقناعه چالیشمق ده فائده سزدر . دلائلکزی آچیقجه و ممکن اولدایغنی قدر مختصراً ایراد ایدیکز . بلکه خصمکیزک اصرار و ثباتی صارصه بیلیرسکیز که بو ایجه بر شیدر و مباحثه ده حصولی امید ایده بیه چککیزده بوندن باشقه سی اوله من . سوز سویلک بر صنعتدر . بونده اک زیاده موفق اولار مطلق تربیه کورمش فکرلر دکلدرد . مع مافیه (لورد چه ستر فیله ایله برابر « مصاحباتی ده قارت و نیوتون قدر لطیف اولمیا پیاده یوز باشیسی نادردر » دیمک ده طوغرو دکلدرد . بن ای دیکله مک ای سویلکدن ده کوچ اولدایغنی ادعا ایتیم ؛ فقط نسبه اهمیت آزا اولقله برابر ای دیکله مک ده اولدجه کوچ شیدر . هر ایشتدیککیز شی تنقید ایتیکز . حکمکزی تاخ

ایدیکز . سزه خطاب ایدن کیمسه نک حسیاتی کشفه چالیشیکز . خیر خواه و صمیمی کورونورسه کز اکثریتله سزدن نصیحت ایستنیله جک . بو صورتله ، بر کدر ویا اندیشه سی اولان کیمسه لره یاردم ایتمش و اونلری تسلیت ایتمش اولدایغکزی حس ایتکه ، محظوظ اوله جقسکیز . اگر کنج ایسه کز شهرت قازانغی ایستمییکز . سویله نیلان سوزلری ساکتانه دیکله ییکز ووقوعاتی اوزاقدن تماشا ایدیکز . محاربه یی ای تعقیب ایدنلر اونی تماشا ایدنلردر . و کندیکز نه قدر کورونورسه کز او قدر ای کورورسکیز .

بعض کیمسه لره پک کوچ کلن دوشونمک و ملاحظه ایتک زحمتندن قاچلایغنی ایچون سزه کندیکزه لایق کوردیککیز دگری ویررلر . ( برویه ر ) ک دیدیکی کی « هرکسک خلق نظرنده کی دگری کندیکی کوسترمسی درجه سنده در . »

هرکسی کندیکزه دشمن ایتیکز : قازانیلان اک فنا شی بودر . « دلییه دلیجه جواب ویرمیکز ؛ چونکه اونک کی یامش اولورسکیز » در خاطر ایدیکز که « ملایم بر جواب حدتی تخفیف ایدر . » فقط متهورانه جواب ده استهزادن ده ایدر . اونده طقوز کشی استهزا ایدلمدن ایسه کندیلرینه فنالق اسناد ایدلمسی حتی کندیلرینه ک اضرار ایدلمسی ترجیح ایدرلر . انسانلر استهزا اولنمقدن باشقه هر شیئی قولای اونودیرلر . آلدانق ایقناظ اولنمقدن ده خوشدر . بر آتنه لی تجن



ایدر، بواثناده بوتون پیرده کی کیملرک کندی مالی اولدیغنی ظن  
ایدر؛ (قریتون) طرفندن تداوی ایدیلرک کسب عافیت ایدنجہ  
کیملرینی بو ذاتک چالیدیغندن طولایی آجی آجی شکایت ایتکه  
باشلار .

سنه حرمتده قصور ایدلدیکنی یاخود قومدیده کی سیقرو بک  
« بندن بحث اولوندیغنه امینم ؛ چونکه قهقهه ایله کولونیور »  
دیدیکی کی سنزکله استهزا اولوندیغنی ظن ایتکه مهیا اولمیکز .  
و اگر سنزکله استهزا اولونورسه بوکا اصلاحدت ایتیمکز ؛ ممکن  
ایسه باشقه لریله برابر کولیکز . بویولده حرکتدن چوقشی  
قازانیرسکز . بحق سببیت ویردکاری آلایه اشتراک ایدنلری  
هرکس سوهر ؛ زیرا بو ، نشئه لی وعقل سلیم صاحبی اولمق  
علامتیدر . تحفلغکزه اولا سنز کولر ایسه کز باشقه لری از  
کولر لر . فکرکزی بیانده جسور اولیکز . سنزکله بعضاً استهزا  
ایدیله بیلیر ؛ فقط بوسنزه اصلاً بر ضرر ایراث ایده من . انسانک  
اولدیغنی کی کورونمسنده بر غرابت یوقدر . تحفلق کندنده اولمیان  
شیئی وارکی کوسترمکده در . سربست اولیکز و بونکله برابر  
براز احتیاط کارلغی ده محافظه ایدیکز . کندیکزدن چوق بحث  
ایتیمکز . نه کندیکزدن طولایی ، نه کندیکز ایچون ، نه  
کندیکزک علیه سوز سولیمکز . فقط باشقه لرینک ایستدکاری  
قدر کندیلرندن بحث ایتلرینی خوش کوریکز . اونلرک  
بویولده حرکت ایتلری بوندن خوشالاندقلری ایچوندر .

و نه قدرارنلری دیکلر سه کز او قدر سنزه محبت ایدر لر . وظیفه کز  
مجبور ایتدکجه کیمسه نک حماقتی و حسیاتدن محرومیتنی یوزینه  
اوره جق درجه ده ایلری وارمیک ؛ چونکه بالآخره بوندن  
شکایت حقلی اولور . بو خصوصده کی محاکمه کز یا کاش اولمق  
احتمالی زیاده در . او حالده کندیلری حقنده بسا دیککز فکره  
عین فکرله و حقلی اوله رق مقابله ده بولونور لر .

« بورک » بوتون ملت حقنده اتهاماتده بولونمق کندیلی  
ایچون غیر ممکن اولدیغنی برکون سویله یور ایدی . فی الحقیقه  
بوتون بر صنف ویا برمسکه هجوم ایتمکدن دها حقسنز و دها  
احقجه برشی اوله من . اشخاص بعضاً اونودیر لر یاخود عفو  
ایدر لر ؛ جمعیتلر ایسه بویله دکدر . بوندن باشقه اشخاص  
بر حقسنرلغی ، تحقیردن دها قولای ، عفو ایدر لر .

استهزادن دها اضطراب آور بریاره اوله من . سز انسانلری  
علیه کزه چویرمک و اونلرایله استهزا ایتمکله اصلاً مقصدیکزه  
واصل اوله منسکز (کوته) ، (اقرمان) ایله وقوع بولان بر محاوره  
سنده انکلیزلری شو یولده مدح ایدیوردی : « انکلیزلرک  
بر جمعیتده کی حضور و حرکتلری اودرجه امنیتکارانه و اودرجه  
کباراندرکه هریره صاحب و بوتون دنیا کندیلرینه عائد ظن  
اولونور . - (اقرمان) جواب ویردی - « وه یمارک بوکنج  
انکلیزلری کنج آلمانلردن دها ذکی ، دها کبار ، دها تربیه لی  
و دها زیاده شایان حرمت اولدیغنی تصدیق ایتیم »



(کوته) تکرار دیدی که - «عزیز دوستم، موضوع بحث بو دکلدرد. بونک نسله ویا ثروته ده مناسبتی یوقدر. انکلیزلی تمیزایدن اوصاف، اولدقلری کبی طور مق خصوص صنده کی غیر تلیدر. اونلرده اکسیک برشی یوقدر. تام مخلوقلردر. امنیت قلب ایله سویلیورم: واقعا بعضاده تام بدلادرلر؛ فقط بوده برشیدر. و کندینه کوره اهمیتی واردر.

کافه معاملات و تشبثات کزده صبرلی اولیکز. سزدن طلب ایتدیکنی استیفا ایتکدن زیاده سویلیدیکی سوزی دیکله مکز ایستیان نیجه آدمدر یورغو نلقله محاربه بی براقان چوق خصملر بولونور. خصوصیه اصلاحات ایتیکز و هر صورتله کندیکزه حاکم اولغی و سکوت ایتکی بیلیکز. «حدتکی یهک واونی ترک ایت. تهور برفنالق حصوله کتیرمک ایچون سنی تحریک ایتسون. زیرا ملایم بر جواب حدتی تخفیف، سرت سوز ایسه تحریک ایدر (۱)»

فضله کوروله جککز یره اوطور میکز. بوندن بشقه یر یوق دکل آ؟ برنجی ژاق برسینکه دیمش دی که. «بن اوچ قرالغه صاحب بر آدم کوزمدن باشقه یر بوله مادکی؟» بعض آدمدر لزومی اولمیان شیرلی سویلکه مشغول اولورلر و دائما بر طاق شیرلی ایما و کنایه ایدرلر که اوشیلر بزده خاطرات الیه اویاندرر و اختلاف افکار تولید ایدر.

السانلری طایمق قدر مهم برفن اوله مز. یالکزر بعض آدمدره اعتماد و بر طاقلرینه عدم اعتماد لزومنی دکل؛ نه درجه یه قدر وهانکی مناسبت تحتنده اعتماد ایدیه بیه جکنی تدبیرله تقرر ایتدیرمه نک اهمیت کامله سی واردر. بوده قولای برشی دکلدرد؛ خصوصیه انسان رفیقلرینی ایش نقطه نظرندن طرفین آره سننده توافق اوله جق بر طرزده انتخاب ایتکی بیلیمیدر. «امنیت ایتدیکز کیمسه بی استخدا ایتیکز. استخدا ایتدیکز کزده اعتماد ایلیمز (۱)»

انسانلره اعتماد ایتک اکثریا اعتماد ایتامکدن ده معقول اولور، فقط بو اعتماد بر اعتماد تام اولمی و علی العمیا اولمالمیدر. دائما کتوم اولیکز سکوت ایتکی بیلیمز. اگر کندیکز کوزه ایسه کز بشقه رینک ده کوزه لکنه متعجب اولمامکز اقتضا ایدر. «عقلی آدمک آغزی قلبنده؛ احقک قلبی ایسه آغزنده در، زیرا بیلیدیکی و دوشندیکی دائما اعلان ایدر (۲) فکر کزی قولالانکز. و دائما عقل کزه مراجعت ایدیکز. عقل لایحطی اوله مز؛ فقط سزی چوق خطالردن محافظه ایدر. دینمشدر که: سوز کوش، سکوت التوندر.

چوق کیمسه فکرینک وسعتندن زیاده کوه زلکی سود. یکندن طولایی چوق لاقیردی سویلر. سوز لساندن زیاده



فکر ایچون برادمان اولمیدر . کوه زلك ، چوق سويلکي  
سومك موفقيت نقطه نظرندن ده مضر در . « انسانلر نطقلرينك  
حرارتيله ايستمدكاري شيلري سويلكه مجبور اولورلر .  
وسوزده كي بوسرعت وامساكسزلك برچوق فنالق و جان  
صقنتيلرينه سبب اولور . (۱) »

( برويه ر ) ديوركه « اي سويلك ايچون براز فكره ،  
سكوت ايچون براز محاكمه مالك اولماق بريوك فلاكتدر . »  
بر مجلسده حماقندنمي يوقسه سوز بولامامقندنمي سكوت  
ايتديكي حقنده واقع اولان سؤاله ( ده مارات ) ك « احمق  
سكوت ايتكي بيلمز » ديه جواب ويرديكني ( پلوتارك ) حكايه  
ايدر . حضرت ( سليمان ) ديوركه « نطقنده بلاتامل حركت ايدن  
كيمسه يي كورور ايسه ك بيلمليسك كه براحمقده اميد واردر  
اما بوندن برشي اميد ايديله مز . »

انسانلره قارشى كندى تفوقكزى اثباته چاليشميكز .  
كنديسنى كوچك كورمك قدر هيچ برشي انسانلرك جاني  
صيقماز .

بياناتكز پك قطعي اولسون اطمئنانكزه رغما الدائمكز  
محمملدر ؛ حافظه بزه غايت غريب دسيسه لر ياپار وقولاقلريمز ،  
كوزلريمز اكثريا الدانير . غايت قيمتلى عد ايتديكمز اعتقادات  
اكثريا متين براساسه مبتنى دكلدر . بوندن باشقه اكر

سز حقلی اولسه كزده فكر كزى اعلان ايتمامكه برشي  
غائب ايتمز سكز . حرکات و معاملاتكزده دخى زياده سيله  
امنيتكار اولميكز . هيچ بر استفاده يي ترك ايتميكز .  
بكلمكي بيلن آده هرشي وقتنده كلير : وقتا كه فرصت ظهور  
ايدر ؛ اونى درت الله ياقالا يكز . « مقتدر اولدينى زمان  
اistemian آدم اistemiyكي زمان مقتدر اوله مز . »  
قاچيريلان فرصت اله كچمز .

انسانلرك ايشلرنده برمدوجذر واردر . اوندن استفاده  
ايديكز مد سزى سعاده ايعمال ايدر ؛ واكر كيرو قالير ايسه كز  
سياحت حيايه كز آلچقلارده و بدبختلقده كچر . ايشته بومد  
جزر اوزرنده بوكون يوزمكده يز . يا موافق زماننده بونك  
جريانندن استفاده ايتك يا خود هرشي غائب ايتكي كوزه  
الديرمق انجاب ايديور (۱) .

تديرلى اوليكز ؛ فقط بونى افراطه وارديرميكز .  
الدائمقن قورقميكز . « اصلا الدائمق اistemian هيچ برشيئه  
تشبت ايدمه مز . »

تلبسكزه دائما اهتمام ايديكز . مادامكه كينمكه مجبورز اي  
كينمك زحمتنه قاتلانملى ؛ شو قدر واركه چوق آراماملى . البسه  
ايچون نه چوق زمان نه ده پاره صرف ايتميكز . فقط اثوابكز  
طيانقلى اولسون .



تووالته ویریلان اهمیتک فضلہ لغنی هرکسه آ کلا تمق براز  
زوردر . بعض انسانلر بوکا نظراً حکم ایدرلر و اکثریا  
ظواهردن باشقه محکمری یوقدر . بوندن باشقه سز شخصکزی  
دقت واهتمامدن محروم بولونديرير ايسه کز ، اکثریا یا کلش  
اولق ايله برابر ، سائر ایشلری ده بویله ترك ایتدیگکزه حقلی  
اوله رق حکم ایدنلر بولونور .

بر جمعیتده بولوندیگکز زمان حرکاتی خوشکزه کیدن  
کیمسه لری تدقیق ایدیگکز . زیرا « اطوار حسنه هویتی اخبار  
ایدن آچیق مکتوبلردر . » « اوضاع واطوار هرکس ایچون  
بعض شیلر ، بعض کیمسه لر ایچون ده پک چوق شی افاده ایدر »  
دکر ومعلومات هر وقت کوکلری قازانه من فقط بر دفعه ده  
قازاندیمی اونلری کندینه باغلار . وضع وطوریکز ، قیافتکزه  
اولا انظارى جلب ایدیگکز ؛ متعاقباً قلبلریمزدده مجلوب  
اوله جقدر . ( ۱ ) « هرکس کورور وایشیده بیلیر ؛ قوه  
محاکمه یه ايسه آز آدم مالکدر »

دنیا بر تیاترودر ؛ هپمزک اوراده بر وظیفه سی واز .  
هرکسجه معلومدرکه بر اویونک موفقیتی آقتورینک مهارتنه  
باغلیدر .

غراسلرک ( جمال آلهلری ) حیات ایچون فائده لری  
صنایع نفیسه آلهلرندن ده آاز دکلدر . هپمز بیلیرز : « بریسی

کیمسه یه ضرر ایراث ایتیمکسزین تارلادن آتی چالدیغی حالده  
بردیگری چیتک آرقه سندن بیلله باقه ماز ( ۱ ) « بونک سببی  
اولکینک بونی آلمه نک اک موافق یولنی بیلرسی ، دیکرینک  
حرکاتی هرکسک خوشنه کیتامسیدر . ( هوراس ) دیورکه :  
کنجک وبلاغت آلهه سی اولان « مهرکور » غراسلرک معاوتی  
اولقسزین برایش کوره من .



احوال عالمدن خبردار یاشلی بر «قوایگر (۱)» دیور  
ایدی که: «سنی فقیر ویا زنی کین ایدن قازاندیغک دکل صرف  
ایتدیگکدر»

زنکین اولمغی ایستمزدن اول تصرف ایتک و قطعیتله معلوم  
اولمیان بر مستقبل ایچون تدارکاتده بولمق لازم و مشروعدر.  
«فقر قیودن کیرنجه محبت پنجره دن چیقار» دین ضرب مثل  
پک خزن آورددر. انسان زوجه سنی، چوجق لری نی  
غدادن، البسه دن، برطبیبک مداواتندن محروم کورور و  
استراحتلری نی، هوای صافدن استفاده لری نی تأمین ایده مزکن  
حسن اداره سایه سنده و مشروع اولسه دخی بعض  
اذواقک فدا ایدلمسیله بونلرک تخفیف اضطرابی ممکن اولدیغی  
درخاطر ایتک به قدره مؤلدر. پاره بریکدیرمک ایچون تصرف ایتک  
سفیلا نه بر ایشدر؛ فقط کندی استقلالنی محافظه ایچون  
تصرف طوغرو و مردانه برحرکتدر.

بر مصرف دفتریکز بولملی و بونی ای طوتملیسکز. اک کوچک  
بر مصرفی ده دفتره قید ایتکز لازمدر دیم؛ فقط پاره کزی

(۱) (قوایگر) اونیدنجی عصرده تأسیس اولونوب باشلیجه انکاتره  
وامریقاده انتشار ایدن مذهبک اعضاسندن بری.

ترهیه صرف ایتدیگکزه و صاتون آلدیگکز اشیانک قاچه مال  
اولدیغنه هرکون واقف اولیکز. جیبنده کی پاره یی، صاتون  
آلدیغی اشیانک فیئاتی بیلن آدم اسراف ایتز وسائط معیشتی  
تبدیر ایدنلر بونی کوزی قاپالی یاپارلر. هیچ کیمسه کوزی  
اوکنده کی خرابی نی کورمیه جک درجه دلی اوله من.  
مصرفکز ایرادیگزی اصلا کچمسون. نه قدر آزاو لورایسه  
اولسون هر سینه بر طرفه بر از پاره قوییکز. و خصوصیه بوج یا مییکز.  
دیکنس بر اثرنده بزه دیور که: «بشیوز فرائق ایرادیگز وار، بونک  
درت یوز طقسان طقوزنی صرف ایدیورسکز؛ نتیجه نه اولیور:  
سعادت. بشیوز فرائق ایرادیگز وار؛ بشیوز بر فرائق صرف ایدرسه کز  
نتیجه سفالتدر.» بونکله برابر آرده ایکی فرائق قدر بر فرقدن  
باشقه برشی یوق. اضحوکه پرداز بر آدمک آغزینه دوشمک  
ایچون بوایکی رقم آز مناسب دکلدر.

بورج حقیقی بر اسارتدر دینلیر ایسه مبالغه ایدلماش  
اولور. «بورج ایدهرک کیدن الله کیدر.»

واسع بر تجربه صاحبی اولان (هوراس غره ثله ی)  
شویله سویلمکده حقلیدر: «آچلق، صوئوق، بعض وعداوت  
تحملفرسا بر طرزده چالیشمق، تحقیر، شبهه، بغیر حق تکدیر  
بونلر کدر ویره جک شیلر در، فقط بورجلی اولمق هپسندن دهافنادر.  
اصلا بورج ایتیکز. جیبیکزده الی پاره کز وار ایسه اونکله  
بر اولچک مصر آلیکز و آتشدن قاوورب ییکز فقط هر کیمه



اولورسه اولسون بردولار بیه بورج ایتیکز .

( غوبدهن ) دیورکه : « عالم ایکیه منقس-مدر ؛ بری تصرف ایدنلر ، دیکری صرف ایدنلر . بتون اولر ، دکرمنلر کوپرلر ، کمیلر ، مدنیتی وسعادت بشریه یی حصوله کتیرن آثار جسمیه تصرف ایدنلر طرفندن یاپیلمشدر . موجودلرینی هبا ایدنلر ایسه بونلرک اسیری اولمشلردر . الوهیت وطبیعت بونک دائما بویله اولسنی ایستیور . دور اندیش اولماق مبالا-تسزلق وعظالتله موفقیتک ممکن اولدیغنی برقسم انسانلره سویلر ایسه م بن شارلاتانلرک صوکنجیسی اولمش اولورم »

( پلوتارک ) دیورکه : « نه فس ده کی آرتهمیس معبدی داینلری طرفندن تعقیب ایدیلان مدیونلرک کافه سی ایچون برالتجاگاه ، برحرمدر وفقط تصرف ملجای قناعتکارروحلر ایچون هریرده آچیقدر اوراده شرف ، مسرت وبر چوق منافعدن مستفید اولمق سربستیسنی الده ایدرلر » او حالده امور ومعاملات مستثنا اولمق اوزره بورجی نه الیکز نه ده ویریکنز زیرا نه پاره کزی ، نه ده اونی ویردیککنز آدمک تشکرنی الده ایده مزسکنز ؛ مدیونکنز دائما بونلری سزدن بکلیه جکدر . بر معاونت اولمق اوزره وارداتکنز نسبتنده برپاره ویره بیایرسکنز فقط بونک اعاده اولونه جغنی امید ایتیکز .

پاره الیکزه پک آغیر کچیور ایسه اصلا مأیوس اولمیکز . غایت اوزون کیجهلری تعقیب ایدن کوندوزدر . واکر ثروت

تصادفاً سزه چهره بیمانه سنی کوسترر ایسه مسرف اولمیکز وتخطر ایدیکز که ثروتلر الی آخره دوام ایتمز . بدایت موفقیتله سرمست اوله رق چوق آدم محو اولمشدر .

صاحب ثروت اولمکنز ایچون زیاده عجله ایتیکز وپاره اندیشه سیله کندیکنزی اوزمیکز . بعض کیمسه لره بیوک ثروتلر نصیب اولمش ایسه ده هرکسک حیاتی قازانمسی براز حسن اداره وتصرف سایه سنده در . اکثریا فنا بر یوله قازانیلمش ثروتلردن بحث اولنور فقط طوغرو سویلک لازم کلیر ایسه فقر دخی اکثریا ناموسزلق نتیجه سیدر . حقیقی فقرا هیچ برشیئه مالک اولمیانلر دکل پک چوق شیئه محتاج اولانلردر . ( سیرجمیس پاژه ت (۱) ) فائده بخش قونفهراسلرندن برنده

کندی طلبه سی حقنده بعض استاتستیکلر ویریور : اخلاقی تدقیق ایتدیکی بیک طلبه دن ایکی یوزی مسلک طبابتی ترک ایدیور ، میراثه قونیور ، یاخود کنج یاشده وفات ایدیور . سکنز یوز کشیدن الی یوزی شرفلی موفقیتلره ، بعضیلری ایسه غایت بیوک موفقیتلره مظهر اولیورلر . الی الیسی تمامیه موفقیتسنلک کوستریورلر . اون بشی امتحانلری کچیره میولر ، اونی سفاهت وهوا وهوسه تبعیله محو اولیور . بو طلبه نك مجموعندن یالکزی یکر می بشینک عدم موفقیتنه کندی عزم واراده لرینه تعلق ایتیمان شیلر سبب اولمشدر . امین اولیکز که هانکی



مسئله اولور ایسه اولسون، اگر سز خدمت ایتک ایستر ایسه کز، استخدام اولور سکز. حیاته جدآ لازم اولان شیلرله مشغول اولمق بصیرتی کوسترن پک آز آدم واردر. طبیعت آز برشی ایستر و بزه چوق شی ویرر. فضله سی دائما بهالیدر. (فرانقلن) ک برسفاهت ایکی چو جوغی بویوته جک پاره یه مال اولور «دیمکده حق واردر. ماملک کزک هپسینی برطوره ایچنه قویمیکز.

نه قدر کوزی آچیق اولسه کز و نه قدر ایشکزی بیله کز حسابکزی شاشیرمق احتمالی واردر. غایت معلوماتی تجارت و بانکرلر اکثریا آلدانیرلر.

بزه ایکی، ایکی ده دت ایتدیکی اوکرتیلیر. ایکی ایله ایکی یکر می ایکی ده ایدر.

صبره ادمان ایدیکز و ایجابنده صیقله می اوکره نکز.

بازمت (۱) دییور که چوق آدم حجره مساعیسه نده

کمال سکون ایله مشغول اولمغه مقتدر اوله مدیغندن طولانی معاملاتنده غائب ایدیور.

هرکسی ایستر ایسته من ضروری اوله رق ایش آدمیدر. هپمزک وظائفمز، اداره اولنه جق اویمز تنظیم

اولنه جق مصارفز وار: و کوچک ایشلر بعض کره بویوکلری قدر قاریشیدر.

ایشلرده موفقیت، شایان تبریک اولمق اوزره، ذکادن زیاده دوشونشدن، حسن تطبیقندن و انتظامدن ایلرو کلیر. اسکی برضرب مثل «دکانکزه کفایت ایدیکز اوده سزه کافی کلیر» دییور. (قسه نفون) برکوزل آت کورمرک بونی نه ایله سمیرتمک ممکن اوله جغنی اک ماهر سایشلره سؤال ایدن برعجم شاهنه «افندیسنک کوزی» ایله جوابی ویرلدیکنی سویله یور.

ایشلرده عملی اعتیادات حسنه اکتسابی فوق العاده مهمدر غایت صمیمی دوستلردن بری مقدا بکا دیمش ایدی که: دکرلی و اخلاق عالیله صاحبی کیمسه لک عدم موفقیتده دوچار اولدقلری احوالی خاطر مدن کچیره رک بونلرک موفقیتسنز لکلرینی بطائتلرنده، انتظامه عدم رعایتلرنده وسعیلرینی کمال صمیمیتله دیکرلرینک مساعیسنه تشریکه غیر مقتدر اولملرنده خلاصه عنادلرنده، افکار عملیه یه مالک اولملرنده بولیورم.

کوچک، بیوک هرایشده انتظام و اصول لازمدر. هرشی یرلی یرنده اولمق؛ اک طوغری قاعده بودر. هرشی اهتمام ایله ترتیب ایدیکز زمان غائب ایتماک ایچون چاره بودر. (قسه نفون) دییور که: «آرپه، بغدادی و سبزه یی قارمه قاریشیق دیکوب صکره جانی بوره ک، اتمک یا خود بریمک ایستدیکی زمان، بونلری آیرمغه مجبور اولان برچفتجی تصور ایدیورم



عدم انتظام حقننده بو آماك حر كتی بنده طوغرو بر فكر حصوله كتی ریور.» بوندن صوكره مثال اوله رق بر كینك حالی شویله حكایه ایدر: «اكر جناب حق دكزده بر فورطنه كوندیر اایسه آرتق نه لازم كلدیكنی یاخود كینك تجهیزاتی اكسیك اولدیغنی دوشونمك صیره سی دكلدر. جناب حق تنبللری اخافه وتجزیه ایده جكلدر. و اكر اساساً قباحتمی اولمیان كیمسه لری محو ایتماكمی لطف ایلر اایسه بوندن ممنون اولملی. و اكر لازم كلان هیج برشیئی متروك بر اقیانلری محافظه وتخلیص ایدرسه جناب حقه قارشو اك بیوك تشكراتی ایفا ایتلیدر.»

ارسطودن قارلایله كلنجه یه قدر بر چوق حكما تجارت و معاملات ایله مشغول اولان كیمسه لری وبوایشلرك كندیسنی عادی و خسیس كورمشلردر. افلاطون (جمهوریت) نام اثرنده اصناف ایچون حقوق مدنیه طانییور. تجارت؛ بو حقیر ایش، اونی ممنونیتله درعهده ایدن، اجانبه ترك ایدلمش ایدی. فقط مادامكه تجارت هر زمان بر چوق آدملر ایچون امور ضروریه دندر؛ بونك طبایع اوزرنده بر تاثیر مشئومی بولونمسی و معلومات عالیله غیر قابل تألیف اولمسی صوك درجهده تأسفه شایاندر. واقعا ایش ایچنده بوكلمش اولان آدملرك باشقه شیلر ایله مشغولیته وقتلری یوقدر. فقط یالکیز فن ایله ادیباتی نظر دفته آله رق بونلرك ایش حیاتیله تألیفی ممكن اولدیغنی كوسترملك ایچون شو اسملری ذكر ایتك كافیدر؛ علم هیئت

علماسندن و صنعتكار (ناسمیت)؛ بانكر ومورخ (غروت)؛ كاغد فابریقه توری، آثار عتیقه جمعیتی رئیس و جمعیت قرالیله وزنه داری (سیر ژ. نهوانس)؛ تاجر و اوقسفورد طبقات الارض معلمی (پرسویج)؛ بانكر وشاعر (روژدس) و (پرهید). مساعده ایدیلیر اایسه بولیسته یه بانكر و ریاضی اولوب بر چوق سنه لر جمعیت قرالیله كن وزنه دارلغنی و ریاست وكالتی ایفا ایدن پدرمی ده علاوه ایده جكم.

(قارلایل) استفاده لی پیاسه لردن صاتون آلوب بهالیرنده صاتمق مسلكنه قارشى شدتله پروتستو ایدیور. زیاده ایضاحات ویرمكیزین آرزو ایدیوركه، مثلاً پاموق وشبهه سز سائر اشیا ایچون بر اصغری آلم صاتم فیئاتی تعیین ایدیلسون.

اوكا نظراً بزم قوللانمه من لازم كلان لسان شویله اوله جق: «فضله صاتمق ایچون دیگر ملتلك ككندن ده اوجوز پاموق اعمال ایتك ایستمیورز؛ اونلردن ده اوجوز صاتمقندن واز كچه جكز؛ عین فیئاته صاتمغه موافقت ایده جكز.» غیر قابل تطبیق وغریب بر فكر. اكر بز آز پاموق صاتار اایسه ك آزغدا صاتون آلیرز. «قارلایل» بر محصولك فیئاتی نه قدر اوجوز اولور اایسه او قدر زیاده صاتیله جغنی قبول ایدیور: شو صور تله كه كندی قاعده سی تطبیق ایدلمش اولسه، بر طاقم آدملر بولنه جق كه البسه یه محتاج اولدقلری حالدله اونى یوكسك فیئاتله صاتون آلمق



ایچون پاره‌یه مالک اولیه جقلمر . اوجوز فیئاتله ممنونیتمزک  
حصولنی تأمیننه موفق اولورز ؛ فقط بونی قبولدن بزی منع  
ایدن ، بر قسممزی البسه‌دن دیکرینی غدادن بعض مرتبه محروم  
ایتمکدر . تجارتک روحی اوجوز فیئاتله اعمال ایدیلان اشیایی  
قولای شرائط داخلنده اعمال اولنه میانلرله مبادله‌در . ممکن  
اولدینی قدر اوجوز صاتون آلوب امکان دائرہ‌سندده بهالی  
صاتمق تجارتک یالکمز غیر قابل اجتناب دکل ؛ بلکه هرکس  
ایچون غایت استفاده بخش بر قاعده‌سیدر . زیرا اک زیاده  
صاتمغه احتیاجی اولانلردن آلمیر ، آلمغه محتاج اولانلره  
صاتیلیر . دیکر صورتله حرکت «ایرماغه بر طرفدن صوطاشیمق»  
ضرب مثلنی انسانه اخطار ایدر .

غایت مشهور ، بختیار و عالی آدم‌لردن بعضلری فقر  
و ضرورت ایچنده یاشادیلر . (ووردس ووردس) همشیره‌سیله  
برابر سنه‌لرجه هفته‌ده اوتوز یدی فرانق ایله یاشادی و بو ،  
حیاتنک اک بختیارانه کچن ادواری ایدی .  
زنکینلک بختیارلغنه مالک اولمز ایسه کزده بر آز معاشکمز ،  
کوچوک بر اویکمز اوله‌بیلیر ؛ برقاج سویملی سیمایه ، سزه  
کفایت ایده‌جک بر عالمه مالک اوله‌بیلیرسکمز .

پارمنک قوتی حقنده‌کی مفرط اعتقاد قدر انتشار ایتمش  
بر خطا یوقدر .

غدا بمحنده «اگر زنکین ، حال صحنده یاشامق ایسترایسه

بر فقرگی یاشامسی لازمدر (۱) « ساده وایی حاضر لائمش بر اوکله  
طعامی غایت کبارانه ضیافت‌یرینه کچر . غایتله صحی و لذیذ برغدا ،  
موسمندده اولورسه ، آزه‌مال اولور ؛ موسمسزایسه لذتی یوقدر .  
تازه بر یمورطه حقیقی بر ضیافندر .

کتابلری دوشونورایسه‌ک : اوقومق آرزو ایدیلان هر کتابی  
صاتون آله‌مامق ایچون پک فقیر اولمق لازمدر . اکایی کتابلر ؛  
کتاب مقدس ، شکیسپیر ، میلتون ؛ بوکون جزئی بر فیئاتله  
الده ایدیله‌بیلور .

پاره بزه صحت ، ذکا ، احباب ، ایملک یاخود عائله خلقنک  
حسن آمیزشی ویره‌بیلیرمی ؟

قونفوجیوس دیورکه ؛ چه‌دوقی غایت زنکین ایدی . فقط  
اونی کیسه‌سه سومز ایدی . «په‌یکه» آچلقدن اولدی . فقط  
بوکون بیله ملت اونک ایچون آغلا یور .

(باقون) دیورکه ؛ «بویوک ثروتلره مالک اولان آدم‌لر  
کندی نفسلرینی دوشونمزلر : کندیلرینی استیلا ایدن امور  
ومعاملات آره‌سندده کړک جسماً و کړک روحاً صحتلریله مشغول  
اولمق ایچون وقتلری یوقدر .»

آلتوندن دخی معمول اولسه زنجیرلرک هپسی آغیردر .  
شبهه‌سز پاره راحتسزلغک بویوک برسبیدر . فقر و ضرورت‌کی  
بوده چوق اندیشه تولید ایدر . اکثریا زنکینلر ثروتلرینک



صاحبی اولمقدن زیاده اسیری درلر .

نه قدر زنکین واردرکه آلتونلری فساد اخلاقی موجب اولمشدر. زنکینلر بعضاً سرایلرنده ، فقیرلرک کلبه لرنده کندن زیاده ، کدرطویارلر. ثروتده سعادتیی بوله بیلان یالکزه عقالدر. کسب ثروت ایچون عجله ایدن کیمسه دائما فقیردر. (روسکین) دیورکه؛ بر سرایده اقامت ایدوب هیچ برشیئه غبطه احتیاجنی جتس ایتمامکدن ایسه علی العاده بر اوده یاشایوب سرایلرک پارلاق تزیناتنه نظر تحسره باققده البته دهها زیاده مسعودیت واردر.

انسان ثروتندن مستفید اولمق ایچون پارهیی چوق دوشونماک ایجاب ایدر. سعدی دیورکه : « کافی مقدارده مالک اولدیغکز شی سزنی حامل اولور فقط بر چوق ثروته صاحب اولور ایسه کز سزک اوننی یوکلنمکزه لازم کلیر . » (باقون) ک قولنججه دخی « امل ایده جک پک آز وقور قاجق پک چوق شیئه مالکیت قدر سفالت اوله مز »

سن زنکین اولسه کده فقیرسک زیرا یوکلندیکی آلتون حموله سی آلتنده ازیلان مرکب کبی بو آغیر حموله ثروتی نقل ایده جکسک . یوکنی کیم ایندیره جک ؟ » (۱)

زنکینلک بخلی انتاج ایدر. بزه مکتبده شوپله سویله نیور ایدی : *Crescit amor nummi, quantum ipsa pecunia crescit*

( سده نه ک ) دیورکه :

« فقیر بر چوق شیلردن محرومدر ؛ بخیل ایسه هرشیدن . » ( عطریاته و اکلنجیه مصرف ایدمک لازم کلمه مرحمتلی آدملر دهها چوق اولور ایدی ) کلامی عاقلانه بر سوزدر . باقون دیرکه : « کمال حرارتله ثروتی دائما تحری اتمک دهها ای شیلرله اشتغال اتمک مقتدر کیمسه لک زماننی اضاعه ایدر . زیرا ثروتک دگری حیاته بر شی علاوه ایتسیله در . و تحری ثروتدن عبارت قالان حیاتک هیچ بر دگری یوقدر . » مشهور سوزدر : فقر شاعریک نشانلیسیدر . دینیر ؛ و « سمای خیالاتده پرواز ایدن کیمسه قاطرله سپتیلرندن واز کچه بیلیر (۱) »

پارهدن بحث ایدرکن قوللانیدیغمز تعبیرات پک معنیداردر؛ مثلاً بر آدم حقنده ؛ ( فلانجه ثروت صاحبی اولدی ؛ التونه غرق اولدی ، التون اوزرنده یووارلانیور ) دیرز ، فقط ( التونلرندن مستفید اولیور ) دییه اصلا سویله میز. فی الحقیقه اکتساب ثروت ایدنلر اوندن بالذات استفاده ایدهمیورلر . « بر چوق مال جمع ایدیورلر ، فقط کیم بیلیر کیمک انه کچه جک ؟ » ( قسه نه فون ) ک مسامره سنده ( شارمیده س ) فقرک زنکینلکه مرجح اولدیغنی اعتقاد ایدیور و دیورکه ؛ زیرا « قورقو ایچنده یاشامقدن ایسه امنیتله یاشامق ، اسیر



اولمه دن ایسه حر برانسان اولمق ، ستایشه مجبور اولمه دن ایسه اوکا نائل اولمق ، شبهه لره معروض بر آدم اولمه دن ایسه وطنك اعتمادینه مظهر اولمق دها دكرلى اولدیغی هر كسجه معروف بر حقیقت دكلیدر ؟ ایمدی بو شهرده بن زنکین اولدیغیم زمان برخیرسنز اویمه کیروب پاره لریمی چالما سندن وحتی شخصمه بر فنالق یامسندن قورقوردم ، شمدی ایسه بویلی بویجه یاتوب راحت او یویورم . حر بر آدم اولمق صفتیه سیاحت ایتك یاخود بوراء قالمق حقنه مالك بر آدم . زنکین اولدیغیم زمانلر سو قراطه مناسبتم اولدیغندن طولای بكا قارشى حقسنزلق ایدیليوردی شیمدی ایسه فقیرم ؛ کیمسه بندن شبهه ایتیمور . بر چوق ثروته مالك اولدیغیم صیره لره بدبخت ایدم ؛ زیرا اموالك حكومت طرفندن غصب ایدلیدیكى کیریوردم . شیمدی ایسه هیچ بر شی غائب ایتیمورم ، زیرا هیچ بر شیئه مالك دكم و دائما بعض شیلر قازانمق امیدندهیم .

(شارمیدهس) ك سوزلرنده بك چوق حقایق وار ؛ فقط سوزلرینك كافه سی ده حقیقت دكلدر . فضله اوله رق (شارمیدهس) بونی سویلر ایکن موسیقی صدالزینك نشئه لر ایثار ایتدیكى مکمل برضیافتدن چیقیوردی .

حسن استعمال اولوندیغی تقدیرده پاره چوق اییلکلر یایابیلیر . آلتون قوتدر . برذکی فرانمنز دیور ایدی که ؛ پاره قرالرك قرالیدر . پاره مالك اولمق ایستدیکمنز شیلری قازانمق

وسائطنی بزه ویریر . اگر صاف هوا ، برکوزل او ، کتابلر ، موسیقی بونلر برطاقم ای شیلر ایسه پاره بونلری بزه صاتون آله بیلیر ؛ اگر اکلنجه آرزو اولنورشى ایسه پاره بونی الده ایتکه بزی اقدار ایدر ؛ دنیایی کورمك سویملی بر شی ایسه پاره بزم ایچون سیاحت وسائطنی استکمال ایدر ؛ دوستلری بزه معاونت ایده بیلیمك ، باشقه لرینك فلاکتلرینی تسلیه ایتك بر امتیاز ایسه پاره ممنونیت بخش اولان بو بویوك ایشه بزی موفق ایدر . (سویفت) ك قولنجه « اوکا مالك اولیکز ؛ بونکله برابر اوکا فکر کنزی ویریکز ، قلبکزی دکل . »

بخیل او کیمسه درکه پاره بی پاره اولدیغی ایچون سهوهر وتصرفی بر درجه یه واردیررکه کندى عادتا آلتون طوپلامغه مخصوص عادى بر ما کینه حاله کیردر . حیادتدن اوکره نمه من لازم کلان درسلك بریده بایاغی وحقیر اندیشه لره قارشو کندیمزی مدافعه ایتکدر پاره یه محبت ایسه بو اندیشه لرك اك بایاغیسیدر .

اصل مسئله ، ثروتی حسن استعمال ایده بیلیمکدر . « پاره سنی صرف ایدن کیمسه بر یاندن اونى آرتیریر . اونى لازم کلدیکندن فضله حبس ایدن ایچون ایسه قیتلق واردر (۱) » ( ادوارد قورتناى ، قونت دو دهوونشیر ) ك مشهور

گتابة سنك مزارنده شویله یازلمشدر :



هر نه ویردی ایسهك اوکا مالکیز

صرف ایتدکلریمزی ینه الده ایتدک

براقدفلریمزی ایسه غائب ایلدک

عین فکرک تعبیردیگرله افادسی ایسه شویله اولمق لازم کلیر:

جمع ایتدیگمی غائب ایلدم

صرف ایتدیگمی قازاندم

ویردکاریمه ایسه دائماً مالکم

لطفکار اولیکیز ؛ فقط افراط ایله دکل . « هیچ برشیئه

مالک اولمیان زنکین اولور . بر چوق ثروته مالک اولان ایسه

فقیر . فقرایه آجییان کیمسه جناب حقه اعاره ایتمش دیمکدر ؛

یابدیغی ایملک کندیسنه اعاده اولونه جقدر . (۱) »

حضرت عیسانک کنج زنکینه ویردیکی نصیحت یالکیز

اکا مخصوص کی عداولنه بیلیر چو نکه فقیرلری دوشوندیگمز قدر

کندی چو جو قلمزیمزی ده دوشونملی یز . ایرادلریکیز سزکدر ؛

فقط اجدادیکزدن توارث ایتدیگکیز سرماییه یالکیز سزه عائد

اوله مز .

« بو دنیانک زنکینلرینه اخطار ایتکه ؛ اصلاً متکبر

اولسونلر ، ثروتک بقاسنه دکل ؛ استفاده ایتکلکمز ایچون

هرشیء مبدولیتله بزه ویرن جناب حی لایموته اعتماد ایلسونلر ،

(۱) ضرب مثل . قرآن کریمده ده (من یأت بالحسنة فله عشر امثالها)

مترجم

بیورلمشدر .

ایملک یاپسونلر ، خیرات صاحبی اولسونلر ، ویرمکده ویرم

ثروتزدن دخی مستفید اولمقده متردد بولونمسونلر و بویله جه ،

حیات ابدیهی الده ایتک اوزره ، استقبالیاری ایچون ای

اساسلر اوزرینه مؤسس بر خزینه جمع ایتمش اولسونلر (۱) »

پاره دکل ؛ پارهیه محبتدرکه ، کتاب مقدسه نظراً ، هر

فمالغک منبعیدر . « ثروتکیز چوغالیر ایسه اونی سومیکیز . »

طاع اوزرنده اولان نطقده دخی عین سوزلر بولونیور :

« قوردلرک وپارسلرک هر شیء تخریب ایتدیکی وخرسزلرک

نهب و سرقت ایلدیکی یریوزنده جمع ثروت ایتیکیز . کوکده

جمع خزاین ایلکیزکه اوراده نه تخریب ایده جک قورد وپارس

نده نهب و سرقت ایده جک سارق واردر . زیرا خزینه کیز

نرده ایسه عتلیکیزده اوراده اوله جق . »



استراحت و تنفس

برانکلیز ضرب مثلی دیرکه : « اصلاً کلنمیهرک چالیشان چوجوق احمق اولور » ، اکر اوده دائماً چالیشیر ایسه صحتی خللدار اولور و بویوک آدم اولدیغی زمان ضعه دوچار اولور . اویون اوینامق اصلاً زمان غائب ایتک دکلدر . بالعکس اویونلرک پک بویوک اهمیت و ایدر : زیرا وجودک وبالخاصه کوسک و قوللرک نشوونماسنی تسهیل ایدر .

اویون یالکیز صحتی محافظه ایتکله قالمز ؛ بلکه سعی ایچون دخی بویوک بر جسارت حصوله کتیریر ؛ انسانلره بر آرده کچینمکی ، قیمتسز و اهمیتسز شیلره منهنک و منفعتپرست اولمامی ، حقپرست اولمغی اوکره دیر ؛ وجودک صحتی کبی اخلاقک متانتی ده تأمین ایدر . جرأت ، یورغونلغه مقاومت ، نفسه حاکمیت ، اعتدال کبی کتابلرک بزه اوکره تهمدیک اوصافی حصوله کتیریر . ( دوق دو وهلینگتون ) واترلو محاربہسی (ایتون) اویون میدانده قازانیلمش ایدی دیمکده حقلیدر .

بویوک مکتبلریمزک اک ای واک فائده لی درسلی چوچو- قلیمزک اوینایه رق اوکره ندکاری شیلردر . فقط اویونلرک مشغولیت دکل ؛ اکلنجه طرزنده اولمسی لازمدر .

اویونلرک صحت نقطه نظرندن اهمیتنه کلنجه ؛ حفظالصحه مسائلنده اک بویوک مرجعلمزدن ایکسینک افکارینی بورایه نقل ایده جکم : ( سیر جمیس پاژت ) دیورکه : « اویونلر اخلاقاً غایت بویوک حسن تاثیر اجرا ایدر . مشاغل یومیهمزه ومعاملاتمزه قدر شمولی نتایجی واردر . زیرا بونلر هرهانکی صورتله بر وسیله منفعت اولقسزین بر طاقم بویوک آدملی وکنجاری عین مقصده تشریک ایدر ، عین وظیفه ایچون مشروعیت دائره سنده غیرتله چالیشان کیمسه لری آرقداش اوله رق قبول ایتکی و حیاته موفقیته ک قوتلی واسطه سی اولان تشریک مساعی قاعده مهمه سنی تعلیم ایدر . اویونلر هر نه قدر طبیعتلریله دکل ایسه ده عنعنات ایله انسانه حقپرستلک اعتیادی ویریر ؛ چونکه میدانده اولان منفعت نه قدر بویوک اولور ایسه اولسون حقسنزلق ایتنه ک موجب عار برشی اولدیغی هرکس بیلیر . اویونده کیمسه نک حقنه تجاوز ایتیان کیمسه لر معاملاتده ده حقه رعایت ایدر لر . اویونده موقع حرمت قازانان کیمسه نک حسیات رقیقه سنه مالک اولان کیمسه لر قانون نظرندن قورتولوب حسیاتک محکوم ایتدیکی بعض کوچوک وسائطه اهمیت ویرمامکی ده اوکره نیرلر . »

جمعیت قرالیسه کاتبی معلم ( میخائیل فوستهر ) کچنلرده ویردیکی بر قونفرانسده دیورکه : « مساعی عضلیه ده بیله یورغونلق بالخاصه دماغدن کلپر وهرکس بیلیرکه عضلاتدن



منبعث اولیان بر یورغونلق ده واردر . بونلر ارئه ایدرکه ؛ مساعی دماغیه مساعی عضلیه کی تحولات کیمیویه ایله مترافقدر . بو تحولات ، بعض جهتله ره مستثنا اولمق اوزره ، دماغ وعضلاتده عین ترتیب داخلنده وقوعه کلیر . بو تحولات دماغده زیاده وسعت پیدا ایتمز ایسه ده بوکا مقابل ماده عصبيه نك حساسیت مفرطه سی واردر . . . . .

حرکتک جمع ایتدیکی مواد سمیه دن عضلاتی تخلیص ایله قوتنی تجدید ایچون صاف قانک جریان دائمیسنه ناصل احتیاج وار ایسه دماغ ایچون بو جریان دها زیاده لازمدر . « وقتیه هر نوع اویونی جامع اولان سپور کله سی نهایت یالکز دکز قره آوینه انحصار ایتشدیر . اکلنجه لرینی بوادمانلرده آرامیانلر بیله اونلرک قوه ساحرانه سی حس ایتمکن خالی قالمالر . بز بودنیاده یالکز سپور ایله وسپور ایچون یاشامقله قالمایه رق بونلرک آخرت ایچونده فائده سی اولدیغنه معتقد اولان اجدادیمزک تمایلاتنی توارث ایتدک .

صاف صویه اولان احتیاجمزدن چوق بحث اولونور ؛ فقط هوایه ده بونک قدر مدیون شکرانز . هوا نه کوزل شیدر ! وجودیمزک هر طرفه نفوذ ایدر ، وجودیمزی اودرجه لطیف ورقیق بر ماده ایله ییقارکه بز اوماده نك موجودیت و تماشندن خبردار بیله اوله میز بونکله برابر اوقدر قوتلیدرکه کپلریمزی دکز لرده پوروتیرودکیزک ، طاغیرک احتوا ایتدیکی

مواد جیده هوائیه یی شهرلیمزک سرکزینه قدر کتیرر . اصواتی ، سودیکمز کیمسه لرك سسلرینی ، طبیعتک بوتون آهنکلرینی بزه ایصال ایدر . بوندن بشقه هوا ارضی صولایان یاغمور ایچون کنیش بر خزینه در . کوندوزک حرارتی ، کیجه نك برودتی تعدیل ایدر . باشمز اوزرنده محتشم طاق لاجوردیسنی رسم ایدر ، صباح ایله اقشامک سمانی شعله لره طولدیریر . هوانک اوقدر ، طاتلی صاف ، لطیف وفائده بخش بر ملائمتی واردر که آریهل ( ۱ ) ک ارواح لطیفه دن اک سویملی ، اک نازک واک دلرباسی اولدیغی قبول اولنه بیلیر .

اکثریا فنا هوالردن بحث اولنور ، حقیقتده هیچ برهوا فنا دکلدیر : کافه سی لطیفدر ؛ فقط مختلف طرز لرده . شهره سزکه زراعت و یا حصاد ایچون مضر هوالر واردر فقط انسان ایچون هر درلوسی ایدر . کونش لطیف یاغمور سرینله تجی ، روزکار حیات بخش وقار محرکدر . نته کیم ( روسکین ) دخی « فنا هوا یوقدر ؛ یالکز ای هوانک انواع مختلفه سی واردر » دیور .

استراحت مطلقا تنبلک دکلدیر . یازین اغاجلرک آلتنده ، اوتلرک اوزرینه یاییلوب اوطور مق ، صولرک صدای خوش جریانی دیکله مک کوکده بیاض بلوطلرک پروازینی تماشا ایلک

( ۱ ) ( آریهل ) وقتیه بحرلوطک شرق طرفنده ساکن « موآبیت قومنک » معبود اتخاذا ایتدکری برپتک اسمیدر .



اصلاً اضاعه وقت ایتک اوله من . قیر هواسی وجوده اولدینی قدر فکرده لازمدر کویا که طبیعت خفایای عظیمه سندن بعضیلرینی دائماً بزه تودیع ایتک اوزره بولنیور . دها طوغریسی فی الحقیقه اونی بزه تودیع ایتکده در .

ارض و سما ، تارلار ، اورمانلر ، ایرماقلر کوللر ، طاغلر و دکنز اک ایی مکتبلردر . بونلر بزه کتابلرک اصلاً اوکرنمد . کلری شیلری تعلیم ایدرلر . بوندن باشقه بر آقار صو اوزرنده صندال ایله کز مک ، اورمانلرده چیچک طوپلامق ، طاش او جاقلرندن مستحائله لریا خود دکنز کنارلرنده حیوان قابوقلری ویوصونلر جمع ایتک ایچون صحرایه کیدرسه کز ؛ غولف یاخود قریکه اویونلریله مشغول اولور ، هر هانکی بر ریاضت بدنیهدن مستفید اولورسه کز کورورسکیز که یالکیز صحتکیز دوزلمکله قالمز بلکه کدرلرکز زائل اولور یاخوده هیچ اولمزسه تخفف ایدر . طبیعت مسکن مفرج و مغدیر ؛ فیکری آسوده ونشئه دار ایدر .

بونکله برابر یالکیز اکلنجهیه حصر ایدیلان بر حیاتکده یک خود پسندانه وزیاده طاتسنز اوله جغنه شبهه یوقدر انسان اویونی ، اکلنجهیه اشتغالات حیاتیه سی صیره سنه قویما ملیدر . بوندن معتدل بر صورتده حصه دار اولمده ایسه تنبلک اثری موجود اوله من .

ایمدی اکلنجهیه تشکیل ایدن شیلر نه لردر ؟ ؛ چونکه

اکلنجهیه حقیقیسی ویالانجیسی اولور . افلاطونک سقراطه پروتارک واسطه سیله واقع اولان ( حقیقی اکلنجهیه نه لردر ؟ ) سؤالنه سقراط شو یولده جواب وییور : « حقیقی اکلنجهیه ؛ کوزل رنک و کوزل منظره لی شیلر ، اصواتک و قوقولرک و پردیکی بعض حظار حاصلی اوشیلرکه اونلردن محرومیت بر اضطراب تولید ایتدیک کی استفاده دخی هیچ بر اضطرابنر لطیف بر تأثرله مترافقدر .

حواسمنز اذواق حقیقیه یی بزه تدارک ایدیور ایسه ده بو اذواق اک عالی ذوق دکدر . ( فیله ب ) دییورکه ( ذوی الارواح نظرنده ممنونیت بخش شیلر نشئه ، ذوق ، اکلنجهیه و بودرلو سائر شیلردر . بن ایسه بونک عکسنی ادعا ایدیورم : عقل و ذکا ، حافظه و عین جنسدن سائر شیلر ، فکر سالم ، محاکمه صائبه ، بونلره مالک اولان ایچون هر دورلو ذوقدن دها ایی ، ودها زیاده شایان طلب و حالده ، مستقبلمده بونلرله علاقه دار اولان هر ذی روح ایچون دها فائده لی شیلردر . »

اذواق حقیقیه غیر قابل احصا در : عائله من ، دوستلریمن ، مصاحبه ، کتابلر ، موسیقی ، شعر ، صنایع ، ادمان ، استراحت ، طبیعتک مختلف کوزل لکلری ، یاز و قیش ، صباح و اقشام ، کوندوز و کیجه ، کونش و فورطنه تارلار و اورمانلر ، ایرماقلر و کوللر ، دکنزلر ، حیوانات و نباتات ، اغاچلر و چیچکلر ، یپراقلر و یمشلر او اذواقک انجق بر قسم قلیلانی تشکیل ایدر .



اگر حیات بزه نشه آور اولمزايسه بوندن مسئول يالکيز  
بزز. «ایجاد ایتکی نه قدر آزبیلسه هرکسینه حیاتدن مستفید  
اوله بیلیر.»

مصاحبت ایله کچن خوش بر ساعت، بنجه، حیاتک  
اک ای ذوقلرندن بریدر. بو، حیرتفزابر مقوی. وجود و روح  
ایچون برغداي حقیقیدر.

(ههریک) (بان ژونسون) همدیونه شکران اولدیغندن بحث  
ایدیور؛ وکمال اهمیتله اونک اقشام ضیافتنی توصیف ایدیور:  
«بزشویله بر اجتماع پاهرق بر سکر معصوم ایله مست اولمش  
ایدک. و بونکله برابر سنک برتک شعرك اطعمه نفیسه یی، نشه آور  
شیرا بلری اونوتدیر یوردی.»

(جونسون) لطیف بر مسامره یی توصیف ایتک ایستدیکی  
زمان «افندی، بواقشام ای قونوشدق» دیرایدی. واکثریا  
داروین یاخود لایل، که نفسله ی، روسکین، هوکسله ی ویا  
تیندال ایله مصاحبه ایدرک کچن بر ساعت قیرک صاف هواسنی  
تنفس ایتکدن زیاده بنده حسن تاثیر حصوله کتیرمشدر.

ناطقه پردازلق قدر انسانلره مساوی اوله رق تقسیم ایدلماش  
بر استعداد یوقدر. — غایت ممتاز و فضیلتمند بعض کیمسه لر  
طایریم که کندیلرندن کوجلکله استفاده اولونور. ذکی بر ناطقه  
پرداز هریرده مظهر حسن قبول اولور. سائر صفتلرکی ناطقه  
پردازلق ده تعلیم ایدلمکه محتاجدر. هیچ بر کیمسه ادمانسر  
بونده تمیز ایدمه.

ای سوز سویله نك برنجی واسطه سی، (ره تامیل) دیورکه؛  
اندیشه حقیقت، ایکنجیسی حسن ادراک، اوچنجیسی نشه،  
دردنجیسی ذکا واستعداددر. و بواوچ واسطه دن هیچ اولمزايسه  
ایلك اوچی هرکسک یداققدارنده در.

برچوق کیمسه لر اوکرندکارینک یاریسنی مصاحبه سایه سنده  
اوکرنمشلردر. (باقون) دیورکه؛ اکثریا سوال صوران کیمسه  
چوقشی اوکره نیر و هرکس کندیسنندن خوشلانیر؛ خصوصیه  
سواللربی مخاطبی اولان کیمسه لرك افکارینه کوره انتخاب  
ایدرايسه؛ زیرا بو حالده اونلر ایچون سوز سویلمکدن ذوق  
طویق فرصتنی تدارک ایتکله برابر کندی ذکاسی ده متمادیا  
کسب کمال ایدر.»

کرك چو جوقلریمزده وکرك کندیمزده حسیات بدیهه یی  
لایق وجهله تربیه ایتیمورز؛ حالبوکه بونک قدر صاف، اوجوز،  
قابل استیفا و هریرده بولونمسی ممکن نه واردر؟ بریسی مناظر  
طبیعیه نك، اغاجلرک، یمشدرک، چیچکلرک، مائی سمانک،  
بیاض بلوطلرک، پارلاق دکزک، متموج کولک، پارلدايان  
ایرماقلرک، یوکسک اوتلرک حصوله کتیردیکی کولکه لرك،  
قر ویلدیزلرک و کیجه نك تماشاسندن اک بیوک ذوق طویار.  
بردیگرینه ايسه بومناظر هیچ برشی سویله مز. اونک ایچون آی  
ویلدیزلر بوشنه نشر انوار ایدر؛ قوشلرک، بوجکلرک،  
اغاج و چیچکلرک، ایرماقلرک، کوللرک و کونشک تماشاسندن



بر ذوق طویماز . «زیرا هر وجود شکنی روحدن الیر -  
روح قالبدر ، جسمی حصوله کتیریر» (۱)

«بزم صنایع رنگریمز ؛ انانیت فقیرانه مزك آلاشی ایچون  
اولدجه ایدر ؛ فقط بورنکدر اقسام اوزری کوزدن غائب  
اولغه باشلایان یریتیق بلوطك برتك اکیلنك آتانی وجوده  
کتیرمکه ، یابان اورده کنك قانادنکه برتك قلمك تلویناتنه  
کفایت ایدمه مزك کوزك حس عمیق محاسنپورانه ایلده دائما آراشدیردینی  
برضیا ، مائلا کلان ویا یوکسلان ضیای نهار ، باطینك سهای  
طر او تنه کنده استمداد آتشی کی طوتوشان بلوطلرک قیزیل  
چبوقلری وارددر . (۲) الوان سماویه ؛ بعضاً ارضی دبدبه ایلده  
یقیاور ظن اولنور . او قدر کوزل غروبدر وارددرکه ؛ تماشا  
ایدن کیسه نك کوزلرینه سمانك قپولری آچیلیورکی بر منظره  
عرض ایدر .

(تلود) ك افکارینی تأیید ایدنلر بزه دیورلرکه : (مانلر) ده  
هرکس ایستدیکی ذوقی بولیوردی ؛ بونك کی طبیعتده ده هرکس  
اك مکمل ادواقنی تأمین ایدمه جك شیلری زحمتسزجه بوله جقدر .  
بنم ایسه بو کتبا بده ادواق حقیقیه نك مکمل برلیسته سنی  
ارائه یه چالیشمغه اصلانیتیم یوقدر . مادامکه مشروع اکلنجهلر  
بوقدر چوق ؛ نه ایچون فنا یخود شبهلی اکلنجهلری آراملی

هیچ اولمزایسه اولاییلری بیتیریکز . اوندن صوکره باشقه لرینی  
آرامق ایچون دائما وقتکز وارددر .

اکثریا دینلدیکی کی ؛ حیاتی کوزوب عالمی طانیدم ظن ایدنلر  
چوق آلدانیرلر . بونلر حقایق اشیایی ، کویندن طیشاری  
حقیقیان و فقط اطرافنه اصابت نظرله باقنی او کرشم اولان  
برکویلیدن دهها آز طانیرلر .

بر حیات خود پسندانه یاخود ، اکثریتله ویریلان یا کلش  
اسمی کی ، حیات ادواق ؛ مسعودیتك عکسنه سفیلانه بریاشیشدر .  
بوکا کندینی قاپدیروب متالم اولانلر عالمدن شکایت ایدرلر .  
حقیقتده ایسه تویحه مستحق اولان کندیلریدر . « ادواق بزی  
چوروك بر حاله کتیرنجه ظن ایدر زکه بزاونی بیتیردك (۱) موسه  
(۲) دیورکه : «بن هنوز کنجم ، یولیمک یاریسنده ، یورویه میه جك  
حاله بیتاب قالدیم ، کری دوندم .»

نقدر حزن انکیز بر اعتراف جرم ! اکر بو ذات عاقلانه  
یاشاسه ایدی ، ماضی یه ممنونیتله مستقبله ده امیدایله باقابیله جك  
ایدی .



مشغول اولمشلردر . بونلر : «mens Sana in corpore sano»  
دستورینک اهمیتنی آکلامشلر ایدی .

اندیشه صحت بروظیفه مجمله در . بعضاً ادعا ایدیلر که ؛  
حضرت موسی طرفندن تنظیم ایدلمش اولان قواعد صحیه  
تعلیمات دینیہ سنک اک مهم قسمنی تشکیل ایدر . بن بویاناته  
اشتراک ایدم . دوشونملی یزکه ؛ کتابت مقدس هر نوع قوانین ،  
قوانین مدنیہ ، اجتماعیہ ودینیہ مجموعہ سیدر .

شوقدر وارکه قوانین صحیه دینک اقسامندن بولونماغله  
برابر اونک نتیجه ضروریہ سیدر . ( نصل ! بیلیموره یسکزر که  
وجودکزر سزده موجود اولان وجناب حق طرفندن سزده  
ویریلان روح القدسک معبدیدر ، وسز اصلا کندیگزده عائد  
دکلسکزر ؟ (۱)

مصرلیلرک وجوده ایتدکاری حرمت قرون وسطی نک  
بوننی تذلیل ایتسندن عاقلانه بر حرکت ایدی . پاچاورالره  
صارینوب پیسلک ایچنده یاشامقده ایسه بر فضیلت دکل ؛  
فضیلتک عکسی موجوددر . یونانیلر تربیه جسمانیہ بی تربیه  
فکریہ صیره سنده برفن ، بردرس عید ایدرلردی . «یونان  
قادینلری اکلنجه اویونلرینه حتی پهلوانلق مصارعهرینه ادمان  
ایدرلر ایدی . یونانیلر حر وقوی حیاتلریله بوکون دخی  
حسن بشرک دائمی نمونلری اولان اووجودلری حصوله کتیردیلر (۲)»

(۱) سهن پول .

(۲) که نفسله ی .

## بشمی فصل

### صحت

حیات حاضره مزک شرائطی مسائل صحیه به بر اهمیت خصوصیه  
ویرمشدر . اجدادمن بزدن زیاده آچیق هواده ، قیرده  
یاشارلر ، صنعت زراعتله اشتغال ایدرلردی .

بوکون بز شهرلرده دهها زیاده طوپلانمشز ؛ اولرده ،  
دکانلرده وفابریقه لرده دهها زیاده چالیشیورز ؛ اشتغالاتمز شهرلره  
مخصوص ایشلر ایله در عضلاتمز ایچون سوء اعتیاد  
حصوله کتیرمکله برابر اعصاب و دماغمزک صرفیات عظیمه ده  
بولونمسی ده انتاج ایدیور . بوکون مع التأسف تحقق ایدیور که  
بویوک شهرلریمزک سکنه سی اجدادندن دهها آز قوتلیدر .  
بویوک شهرلریمزک فقرا محله لرندن ، ضعیف بنیه لر ، صاری  
بکزلر وتصادف اولنان قادین وارککلرک احوال اسف اشمالی  
نظر دقتی جلب ایتادن ، کچمک غیر ممکندر . فضله اوله رق  
تدابیر صحیه من بعض مرتبه تهله که حصوله کتیریور ؛ چونکه  
انسانلر ضعف حیاتله یاخود مریض برحاله یاشاتیور . فقط  
امراضک موجب اوله جفی سقالت واضطرابه قوانین صحیه  
حقنده کی معلومات ابتدائیہ ایله دخی اکثریا غلبه ایدیلر . اک  
اسکی زمانلردن بری دور اندیش آدملری مسائل صحیه ایله



اسکی بر ضرب مثل ، نظافت اولیالقی دکرنده در ، دیپور .  
 طبابتک کشفیات اخیره سی ایسه بو اسکی ضرب مثلی تایید  
 ایتمکده ، بونک نه قدر عاقلانه برسوز اولدیفنی ایضاح ایتلکده در .  
 بو کون بیلورز که بر چوق خسته لقلر مبدانده انساج  
 بدنیه نک احوال مرضیه سی نتیجه سی دکلدر ؛ بلکه عضویات  
 سفلیه نک مهاجمات حقیقیه سیدر . قولرا ، چیچک و سائر  
 امراض بردن بره ظهور ایتپور ؛ جسم مزده یرلشان تخمردن  
 تولد ایدیور . بو ، یالکیز وجود مرک دکل ؛ اقامت کاهمز ،  
 البسه مز ، ایچدی کمز صولر و تنفس ایتدی کمز هوانک دخی  
 تمیزلکی نه قدر مهم بر مسئله تشکیل ایتدی کنی ایضاحه کافیدر .  
 وجود بشر نه بیوک بر معجزه ! دماغده طوپالانان خزائن  
 معلوماتی بر دقیقه دوشونیکیز ؛ اراده بشریه نک تمایلاتنه  
 مماشات ایچون عضلاتک کوستردیکی او سرعت و امنیت نه در ؛  
 درینک نسجی غایت انچه و فوق العاده قاریشیقدر ،  
 میلیونلرجه حجیرات واسطه سیله یاپیلدیفنی کبی کیلو مترولرجه  
 اورده یی ، شبکات شعریه و سائر هی و اعصابی احتوا ایدر .  
 دری متمادیاً تجدد ایدر و وظائفنی لایقی وجهله ایفا ایده بیلمک  
 ایچون دقت و اهتمام و محافظه اولونه بیامسی ایچون بول صویه  
 محتاجدر . فورچه استعمالی تن ایچون صاچدن دهها آز  
 لازمدر . بدنک وظیفه سی حسن صورتله ایفا ایتمه سی  
 تأمین ایچون هر قسمی قولالانق اقتضا ایدر .

بر چوق خسته لراچون هو بسون حقنده میلتون کسویله دیکی  
 « تنبلک اونک باشلیجه خسته لنی ایدی » سوزی سویله بیلیر .  
 « ( قاپو ) نک زینتی ( آ نیال ) ک نه قارلر نه ده آلپ  
 سلسله لریله مغلوب اولمیان روحنه رخاوت کتیردی . سلاحه  
 غالب اولان بو آدم حظوظاته مغلوب اولدی (۱) »  
 حواس ، بزه طاتدر دقلری کافه اذواق معصومانیه رغماً ،  
 اگر کندیسنه تسلیم نفس ایدیله ایسه حکایه ده کی (سیمرون)  
 کبی طوغروجه بزى عمان حیاتک قایاقلرینه ، خرابییه  
 کوتوریر . امراض مزدن بر چوغنی تغدیده کی خطالری مزله  
 قازانیورز . « ایچکی » کلمه سی اسپیرتو ایله ، شمالده مقیم  
 عرقلرک بو مصیبتی ایله مترادف اولمشدر . بونک بعضاً علاج  
 کبی استعمالدن طولایی بر قیمتی واردر ؛ فقط سوء استعمالنه  
 ایدیلان تشبث او قدر چوقدر که انکلترونک سفالت و جنایاتندن  
 یاریسی بوندن ظهور ایتمکده در . صو شیمدییه قدر اصلاً بر  
 جنایته سبب اولمامشدر ؛ فقط اسپیرتو ایچون شیشه ایچنده بر  
 جنایتدر دنیله بیلیر . یهودیلرک بر ضرب مثلنده ده « شیطان  
 کندی کیده مدیکی یره شرابی کونده ریر » دنیلمشدر .  
 (پلین) دیورکه ؛ « شراب اله ریشه کتیریر ، کوزلری آقیدیر ،  
 کیجه لریمزک انتظامنی بوزار ، نفسمزی زهرلر و حافظه مزی  
 تخریب ایدر . » (سیر وو : راله یغ) بو عبارتیه نقل ایتدکن



صوکره علاوه ایدیور : «هرکیم شرابی سوهر ایسه هیچ برکیمسه نك اعتمادینه مظهر اوله مز؛ زیرا او آدم بر سری محافظه به مقتدر دکدر . شراب انسانی حیواندن دها فنا بر حاله کتیریر : دلی یاپار . سن بونی سوسه نك دخی حرمك ، چوجو قلرك ، دوستلرك سومیه جکدر .»

شکیسپیر عالی تعبیرلرله مسکراتی تزیف ایدیور : لایقمیدرکه انسانلر عقللرینی آلان بر دشمنی بویله جه اغزلرینه قویسونلر : نشئه، ذوق، اکانهجه و آلتیشلر اورته سننده بز حیوانه دونیورز (۱) عقللی بر آدمك اولاحق صوکره حیوان اولسی ! فقط بوسوزی سویلرایکن حیوانلرده افترا ایدلیکنی ظن ایدیورم . دیگر جهندن، اعتدال بزه نه بیوک مکافات ویریر ! «هر نه قدر بن پك یاشلی کورینور ایسه مده هنوز قوتمی محافظه ایدیورم ؛ زیرا کنج لکمه یاقیجی و سرکش مسکراتی قائمه قاریشدر مدم بونك ایچوندرکه بنم اختیارلغم سرت ، بوزلو و فقط هواسی صاغلام بر قیشه بکزه دی . (۲)»

سیئه مسکراتك کتاب مقدسده اصلا تقبیح ایدلمه مسنه تعجب اولنور . شوراسنه ده دقت اتملیدرکه بوفعل منفور ممالك خارده بزم اقلیممزدن دها آز انتشار اتمشدر .

مع مافیه حضرت (سایمان) بونی اخبار ایدیور : یازیق بکادییه

(۱) شکیسپیر

(۲) شکیسپیر

باغریشکنز، غوغالر، کورولتولر؛ سببسنز یاره لر، کوز قیزار تیملری کیمکدر ؟ شرابك یاننده توقف ایدنلر و قاریشقیق شراب آریانلر کدر . شرابك قیرمیزیلغنه، قوپه ایچنده قیرمزی رنگیله کورونمسنه و سهولتله جریانه اصلا باقییکز . او، ییلان کبی آرقه دن ایصیریر و اژدرها کبی صوقار (۱) بوکون مسکرات ابتلاسنك آزالمقده اولدیغنی اشراب ایدن ، بعض اسباب وار . عصریمزده دها مساعد بر حاله کلان اذواق فکریه دن و موسیقیدن، کتابلردن ، تابلولردن استفاده اتمك ایچون موجود اولان وسائل مختلفه و دها فضله بر سعادت عمومیه ؛ ایشته مسکرات استعمالنده اعتدالی قوتله تشویق ایدن اسبابدن بعضیلری .

مسکراتده کی مناسبتسنز لکمز کورمه کله برابر پك چوق یمك ییدیکمز ده اونو تماملی یز . اونده طقوز کشینك بو خطایه دوشدیکی پك محتملدر . بو آدملر اعتداله عدم رعایتلریله کندیلرینه فنالق اتمش اولیورلر . آره صیره بر ضیافت ضرر ویرمز : انسانی آغیرلشدیروب خسته ایدن لزومندن فضله یمکدر . چوق یمك قولایدر ؛ آزیمك ایسه کوچدر .

اعتدال ، موجودیت بشریه نك قاعده اساسیه سی اولملیدر . او، ضعف دکل بر قوتدر ؛ انسانك نفسنه حاکم اولدیغنه دلالت ایدر .

سفره باشنده اوزونجه قالمیکز ؛ فقط عجله ده یمیکز . سفره دن

(۱) ضروب امثال



دائماً آج قالقمليدر سوزى پك طوغرودر . معدة يوكلى اولور  
ايسه دماغ چالیشه من . ضرب مثل ديوركه طعامدن صوكره  
براز استراحت ايديكز ؛ فقط بر ييمكدن ديكرينه قدر استراحت  
ايتكى موجب اولان ، طرز حیات آرزو ايديلير برشى دكلدر .  
ياشامق ايچون ييمكز ؛ ييمك ايچون ياشاماييكز . اطعمه كزك  
مقداريني تحديد ايدك ؛ عمر ييكزى اوزاتمش اولورسكز .  
غدا كزك مقداريني نه قدر آزاليرسه كز او قدر مساعى فكر ييه  
موفق اولورسكز .

آز يوكلى بر معدة قلبى فرح بولونديرير . چوق ييمك  
ييديككز حاليه دائماً راحتسز اولورسكز . اكثر كيمسه لر  
كنديلرنده بولونان سائر راحتسز لاملردن زياده سوء هضمدن  
مشتكيدرلر .

(باقون) ديوركه : «طرز معيشتكزك اساسلى قسملرنده  
تبدلات اجراسندن صاقييكز ؛ و اگر بوكا مجبور اولورسه كز  
اقسام سائر معيشتكزى ده دكيشدر دكلريكزه اويدرمغه دقت  
ايديكز . او يقو و طعام وقتلرنده اندیشه سز و نشئلى بولونمق  
برقاعده دركه بونى تطبيق ايتك تمديد حياته اك زياده سبب  
اولان برشيدر .»

كنديمزي شهر حياته قاپديرديغمز جهتله قيرده كچيره جكمز  
زمانلرك كافه سى اشغال ايدلمش اوليور . قيرده كچمسي لازم  
كلان بوساعتلرك اهميتى حیات ايچون يالكز قيمتدار اولملرنده

دكلدر ؛ بلكه بونلر عمر مزك اوزامسنده سبب اولور .  
روماليلرك شو «inaere salu» ضرب مثلى على بر مفهومي  
احتوا ايدر . مع التأسف خارجده چوق وقت كچرمكه موفق  
اوله ميورز .

صاف صو صحت ايچون صاف هوا قدر لازمدر . بونى  
خارجاً اولدينى كى داخلاً دخى بول بول استعمال ايديكز .  
مثلاً آغير حقنده ايدلمسى لازم كلان دقت كى اهميتسز كورونان  
بعض اهماملر سعادت حیات ايچون تاثيرات عظيمه يى حائزدر .  
صحت ، علاجلردن زياده اعتياداتمز و طرز حیاتمزدن  
تولد ايدر . اجداديمز امراضدن تحفظ ايچون بر طاقم علاجلر  
آيلرلر ايدى . يالكز مكتب طبيه دكل (باقون) دخى بونلرك استعمالنى  
تجويز ايدىوردى . مع مافيه بو ، بويوك برخطادر . بو عادتك  
فائده سزلكنى ايلك او كجه كوسترن (لوق) در . اكر قواعد  
صحيه يه توفيق حركت ايتكى او كرنه جك اولور ايسه اك كثر يا  
علاج آلمغه محتاج اولمايز .

طبيعت ايچون آچيق ميدان براقكز كه اجراى فعاليت  
ايتسون . ناپوليون ديوركه : مایه حیاتى تضيق ايتيكز ؛  
كنديسنى مدافعه فرصتى ويريكز كه ، اوبوتون علاجلردن  
زياده مؤثر اولسون . چوق صو ، چوق هوا و معقول بر طرز  
حیات ، ايشته قوتك و حقيقى صحتك نشئه قيمتدارينى قازانمق  
ايچون اك مؤثر چارلر . بونلر اختيارلا ديغمز زمانه



قدر بزده كنجلك قوتنى محافظه ايدرلر . فقط صحت يالكنز وجوددن نشأت ايتمز حـدت ، بعض ، حزن وقورقو ؛ حياتمزي اك زياده ازمن بر طاقم تاثيرات مشئومه در . (۱) وبالعكس فرح ، نشئه ، استراحت وجدان صحتك اك مؤثر عامل ايدر .

( ليكورغ ) اسپارطه ليلرك بوتون يمك سفره لرينه نشئه معبودينك كوچك برهيكلنى وضع ايتمز اولديغنى سويلرلر . راحتسز بولمديغمز زمان از برشى جملاء عصبية مزى صارصار ، از بر صيقتى بزم اچون بر مصيبت منظره سنى آلىر . بونلر ، استراحت وقير هوا سنه اولان احتياج جزك ادلاء قطعيه سيدر . اكثرثيا چوجقلىك مکتبلر ده زياده چاليشـديرلدیغندن ياخود بيوك آدملىك چوق چاليشمه دن اولدكلرندن بحث اولمديغنى ايشيديورز . وجوديمزى آشينديران اكثرثيا چاليشـمق دكل ؛ حماوى بر حال ، اضطراب فكر واندیشه در . انسانلرى تنبلك سفاهت وخطوطات خود پسـندانه چاليشـمقـدن زياده تخريب ايتـمـدر . دماغ دخى عضلات كې ادمانه محتاجدر . ساعتلىكـزى تنظيم ايتـمـكى ، معتدلانه حركتى وزمانكـزى عاقلانه حسن استعمالى اعتياد ايدرسه كز ، قدرت بدنیه كز دن فضله اولماق شرطيله چاليشـمق حتى چوق چاليشـمق بيله فنالق دكل ايلك حصوله كتيرير .

اويقو اويوياماق همان هر كسك باشنه كله بيلير بر راحتسز . بوندن دها مؤذى برشى اوله ماز ؛ انسان كنديسنده دائما بدبختلىق حس ايدر ؛ غلبه سندن ذوق آله بيله جك اهميتسز برطاقم مشكلات بيله غير قابل اقتحام كورونور . فكر نشئه آور ، لطيف شيلردن يوز چويروب حزن انكيز اولان ياخود مدت حياتمزه اليمزه كچميان شيلر ايله مشغول اولور . بونكه برابر اميدسزلك كوسترميكز . ظن ايدرم كه اويقوسزلىق هيچ كيمسه ني اولدير مامشدر . خصوصيله منوم علاجلىر آلميكز . اصل تهلكه بونده در . ممكن اولديغنى قدر اوده آز ، خارجـده چوق قالىكـز . هيچ برشيدن اندیشه ناك اولميكز ؛ امين اولميكز كه اويقوكـز حال طبيعيسنه عودت ايدـه جـكـدر . اكر اويويامامزلىق چوق امتداد ايتمايسه بورا حـتـسـزلىك سزه فائده سى بيله اولور ؛ چونكه بو حال ، اويقونك هر زمان لايقى وجهله تقدير ايديله ميان ، پك بيوك قيمتى حائز ، فوائدى سزه اوكرته جـكـدر .

برچوق خسته لقلر فكردن نشأت ايدر . اطبا يالكنز خسته لغك اعراض ماديه سييله اوغراشماز ؛ اونلرا اكثرثيا (ماقبه ت (۱) ك سواله جواب ويرمكه ده مجبوردر :

«سن بر فكر مريضى تداوى ايتـمـكه ، حافظه يه كوك صالمش بر كدرى چيقارمغه ، دماغه يازلمش آلامى سيلمكه ،



قلبه یوکلنان تهلکلی شیلرله قباران سینیه یی تخلیصه موفق  
اوله مزسک. «فضله اوله رق صحت، سعادتک شرائط اساسیه سندن  
اولمله قالمز؛ ای چالیشمق ایچون ده لازمدر. بوکا اهتمام ایتیان  
کیمسه یالکز احمق دکلدز؛ هم احمق هم ده خود بیندر.

یورغون دوشرایسه ک ای چالیشمق، هیچ اولمز ایسه اک  
لزو ملی ایشلریمز یایمق غیر ممکن اولور. بوندن باشقه  
وسعدن فضله چالیشمق غایت فایدا بر اصولدر؛ زیرا بوشرائط  
داخلنده کی مساعی مؤخرأ استراحت و سکونی ایجاب ایدجک،  
یایدیغکز ایشلر لایقلی اولمیه جق، اونده آثار تهییج، ضعف  
وبعض مرتبه نقصان محاکمه کوروله جکدر. باشقه سیله اشتراکه  
مجبوریت حاصل اولورسه سوء معامله، سوء تفهم دخی  
چوق اوله جقدر. بویله برضعف حالده بولوندیغکز زمان اوله  
ایشلریکزر برقابا طاسلاغنی یاییکزر؛ کوره جکسکزرکه؛ الاریکزر  
تیرمه جک، اراده کزه جواب ویرمه جکدر؛ چونکه یالکز  
عضلاتکزر یورولماش، دماغکزه چوق صرفیاتده بولونمش.  
انسان سعیدن ذوق طویمالیدر؛ بونک ایچون ده سوره کلی  
دکل؛ فقط منتظماً وقوتله چالیشمق لازمدر. غذایی، استراحتی،  
ادمانی و تعطیلی ده اونوتمالیدر.

مزاجسنزلفک نتایج سیئه سی پک اوزوندز. خصوصیه  
انسان بوکا کنیدیسی سبیت ویریرایسه. بونکله برابر کنیدیلرینک  
هیچ برخطاسی اولمقسزین بوتون مدت حیاتلرنجه اضطراب

چکمکه محکوم پک چوق آدم واردر. فقط اکثریا طبیعت  
اونلرک فکرلرینه پارلاق و نشئه ویرمک وجودلرنده ده کی ضعفی  
تلافی ایدر. بز دایما اضطراب چکمکه محکوم نیجه آدملر طانیرزکه  
بونلرده کورولان نشئه، حال صحتده یاشایانلره یالکز بردرس  
اولمله قالمز؛ بایک آلام واکدارده بیله برکوزلک، برقدسیت  
بولیورلر ظنی تولید ایدر.



## آلتنجی فصل

## تربیه ملیه

اك اسكى زمانلردن برى انسانلرك عقلاسى تربيه نك اهميته  
دائر بر چوق سوزلر سويلمشلردر :

« خزانك اك قيمتدارى معلوماتدر ؛ زيرا نه چالينير ،  
نه صاتيلير ، نه ده تخريب ايديله بيلير . ( هيتوپادهزا ) -  
« تربيه اك كوزل برشيدر ؛ انسانلرك اك ايلرى بونى اكتساب  
ايدبيلير ( فلاتون ) » - « جهالت فنالغك مادريدر . ( مونتهن ) -  
« فن ، ويله بيله جك صدقه نك اك عاليسيدر . ( فوللهر ) -  
« بيلمكسزین مقتدر اولمق غایت تهلكه ليدر . ( فرانسر  
اخلاقيونندن برى ) »

بر جاهلك حياتى بالنسبه فائده سنز قالير . انسانك يالكر حياتى  
تأمين ايچون دكل ؛ ياشامق ايچون دخى فنه محتاج اولديغى  
حقنده كى فكر پك طوغريدر .

( پترارك ) هرشيدن زياده سوديكى شى اوكر نك اولديغى  
سويليور . شكيسپيرك ( ساي ) ه اسناد ايتديكى شوسوزلرله كندى  
فكرينى بيان ايتديكند ه هيچ شبهه يوقدر : جهالت جناب حقل  
بزه ويرديكى برمصببتدر . فن ايسه بزي كوكلره قدر اصعاد ايدن  
برقانا .

( حضرت سليمان ) كوزل برافاده سننده بزه شويله دير :  
ذكاسنك ارانه ايتديكى طريقده ايلروله يان عقل و تدبير  
صاحبى كيمسه بختياردر ؛ چونكه بوندن ايديله جك كار پاره نك  
كارندن و انه جق ايراد خالص التونلردن ده ا اي و دكر ليدر .  
عقل و تدبير اينجولردن ده ا قيمتلى اولديغى كى اك مقبول شيلر  
دخى بونك دكر نده اوله مز . بونك صاغ النده اوزون كونلرايله ثروت  
وصولنده ده مظفريت واردر . يوللرى لطيف يوللردر . بويوللرك  
بكجيارى اقبال و سعادتدن باشقه سى دكلدر . »

وبراز ايلروده : « اك لزوملى شى عرفاندر . عرفان قزانك  
هرشيدن زياده تدبير صاحبى اولمغه جهد ايدك ( ۱ )

بونكه برابر ، خصوصيله كنج قيزلر حقنده ، بونك عكسى  
بر فكر اوزون بر زمان معتبر اولدى . بر آلمان ضرب مثلى قادينلرك  
كتبخانه سى اونلرك طولابلرى اولديغى ، ديكر ضرب مثل ايسه  
كنج قيزلرك درت انجمل ياخود درت ديوار آره سننده بولونديرلمسى  
لازم كلديكنى بيان ايدسيوردى . نه احادناسك نه ده اشرافك فن  
ايله مشغول اولمسى ايجاب ايتديكى ؛ بو ايش راهبلره و كشيشره  
عائد اولديغى سويله نيردى .

دوقتور ( جونسون ) كى عقل و فضيلت اصحابى بيله اكر  
هر كس او قومنى اوكر نيرسه ال ايشلريله مشغول اوله جق كيمسه  
قاليه جنى فكرينى بديهى بر حقيقت كى وضع ايتمشلردر . فقط



دقتور جونسون ایشک اهمیتنی تقدیر ایتیموردی .

ایشته بو برنجی دوشونوش . ایکنجیسی ایسه ؛ تربیه نك ایش عالمه حاضر لایمقدن عبارت اولدیغی ، چوجوقلری شرائط حیاتیه لری فوقنده تربیه ایتمکدن صاقمق ایجاب ایتدیکی جهته فقیر چوجوقلرینه املا ، قرائت و حسابك کافی ایدیکدر .

بو طرز نظر هر نوع ایش حقنده توسیع ایدلشد . (هازلیت) تجارت سلوك ایده جك چوجوقلرك تدریسات ابتدائیه ایله اکتفا ایتسی لازم کلدیکنی بیان ایله شو سوزلری علاوه ایدیور : « قفاسنده باشقه بر فکر اولماسه هر کس پاره قازانه بیلیر »

بوکون ایسه بز تدریساتی ، یالکز بر آدمی مکمل برایشچی یایمق ایچون دکل ؛ برایشچی پی ده مکمل بر آدم یایمق ایچون ، نظر دفته آلیورز . ویقتور هوغونك « بر مکتب آچان بر محبس سد ایدر » سوزی پك حقلیدر . اسویچره لی بردولت آدمی ده شویله سویلیور : « چوجقلریمزك بعضلری فقر ایچنده دنیا به کلیورلر ؛ فقط بز ایستیمورزكه بونلر جهل ایچون بویومسونلر . »

مجبوری تدریسات حقنده کی قانونك قبول ایدلدیکی ۱۸۷۰ سنه می ایلکتره تاریخنده غایت مهمدر . بوتاریخنده ابتدائی مکتبلریمزده (۱,۴۰۰,۰۰۰) چوجوق وارایدی . بوکون ایسه بو عدد (۵,۰۰۰,۰۰۰) چیقمشدر . بوندن نه نتیجه حاصل اولدی ؛ استاتستیکلر شونتیه بی کوستریور . اولای جانیلر

(۱۸۸۷) به قدر حبس خانه لریمزده کی جانیلرك عددی بریاندن آرتیور . بوسنه اثناسنده وسطی اوله رق (۲۰,۸۰۰) کشی بولونیور . بو عددك تناقصی ایسه اوتاریخدن باشلار ؛ بوکون (۱۳,۰۰۰) در . بو حالده یووارلاق حسابله اوچده برتناقص کوزوکیور . شونی ده اونوتاملی که بو مدت اثناسنده نفوس بریاندن آرتیور ، ۱۷۸۰ دن بری ثلث مقداری ، تزاید ایتمشدر . جانیلرده عین مقدارده تزاید ایتش اولسه ایدی (۱۳,۰۰۰) یرینه ضعف مقداردن فضله اوله رق (۲۸,۰۰۰) اولمق لازم کلیرایدی . و حبس خانه لریمز ، ضابطه من ایچون ایتدیگمز مصارف ده (۴,۰۰۰,۰۰۰) لیرا یرینه (۸,۰۰۰,۰۰۰) اولمق ایجاب ایدرایدی . معدن عملیه سی طرفدن ارتکاب اولسان جنایاتده کی تنقص دخی غایت شایان ممنونیب بر درجه ده در . ۱۸۵۶ ده محکوم اولان کنجلك عددی ۱۴,۰۰۰ ؛ (۱۸۶۶) ده ۱۰,۰۰۰ ؛ (۱۸۷۶) ده ۷,۰۰۰ ؛ (۱۸۸۱) ده ۶,۰۰۰ ؛ و صوك آلدیغم معلوماته نظراً ۵,۱۰۰ در . فقرا حقنده کی استاتستیکلری ده نظر دقتدن کچیریر ایسه ک

کورورزكه ؛ ۱۸۷۱ ده یرلی اهالیدن (۱۰۰۰) کشی ده ۴۸ نفر فقیر واردر . وبو ، الی ایکی به قدر چیقمشدر . اوقتدن بری بورقم ۲۲ به دوشدی . بوکون ایسه بونك یاریسنه قدر ایندی . حمایه فقرا ایچون (۸۰۰۰,۰۰۰) لیرا صرف ایدیورز . اگر مقدار سابق الیوم موجود اولسه ایدی (۱۶۰۰۰,۰۰۰)



صرف ایتما من ایجاب ایدہ جک ایدی . او حالہ جانیہ  
(۴,۰۰۰,۰۰۰) ، فقرادہ (۸,۰۰۰,۰۰۰) لیرا دہا فضلہ یہ مال  
اولہ جقلر ایدی .

مساعده اولنور ایسه شونی دہ علاوہ ایدہ جکم کہ ؛ بویوک  
جنایتلر حقندہ کی ایستاتستیکلردہ غائب تأمیناتکارانہ در .  
(۱۸۶۴ - ۱۸۶۰) بش سنہ ظرفندہ مؤبد کورک  
جزاسنہ محکوم اولانلر (۲,۸۰۰) کشی ایدر . اوقتدن بری  
بومقدار آزالمقدہ دوام ایتدی . سنہ اخیرہ دہ ایسہ ، اہالینک  
تزايدینہ رغماً ، برربع درجہ سندنہ تناقص ایدرک (۷۲۹) .  
اینشدر . بوجہ تہلہ حبس خانہ لریمزدن سکزی لزومسنز قالہ رق  
بشقہ ایشلر ایچون قوللانمقدہ در . جنایت ایلہ جہالت آرمسندنہ  
کی رابطہ نک نہ قدر صیقی اولدیغنی اثبات ایچون شونی دہ  
سویلیہ جکم کہ استحصال ایتدیکم معلومات اخیرہ یہ نظراً  
محکوم اولان (۱۵۷,۰۰۰) نفوسدہ یالکز (۵,۰۰۰) ی  
لایقی وجہلہ او قویوب یازمغی بیلیور . معلوتلی دنیلہ بیلہ جک  
ایسہ (۵۲۰) کشیدر .

انکلتزہ دہ وغال ممالکنندہ ہر سنہ وسطی اولہ رق  
مؤبد کورہک جزاسنہ محکوم اشخاصک عددی

انکلتزہ وغال ممالکی اہالیسی	وسطی	کچن بش سنہ ظرفندہ
۱۹,۲۵۷۰۰۰	۲,۳۸۹	۳۱ تشرین ثانی ۱۸۵۹
۲۰,۳۷۰۰۰۰	۲,۸۰۰	- ۱۸۶۴
۲۱,۶۸۱۰۰۰	۱,۹۷۸	- ۱۸۶۹
۲۳,۰۸۸۰۰۰	۱,۶۲۲	- ۱۸۷۴
۲۴,۷۰۰۰۰۰	۱,۶۳۳	- ۱۸۷۹
۲۶,۳۱۳۲۵۱	۱,۴۲۷	- ۱۸۸۴
۲۷,۸۳۰۱۷۹	۹۴۵	- ۱۸۸۹
۲۹,۰۵۵۵۵۰	۷۹۱	- ۱۸۹۲

بوجودل جالب دقت بر صورتہ ، آغیر جزالرک تدریجاً  
آزالدیغنی ارانہ ایدیور . اہالینک عددی مہم برمقدار دہ  
آرتمسنہ نظراً بونک حاوی اولدیغنی ارقام پک مہمدر . مسئلہ نک  
یالکز پارہ جہتنی نظر دقتہ آلدیغمدن طولانی اتہام  
ایدیلہ یہ جکم ظن ایدرم . بوارقامی نقل ایدیشم بزده تربیہ  
مسئلہ سنک پک بہالی یہ مال اولدیغنی سویلیلرہ جواب ویرمک  
مقصودینہ مبتنیدر .

ایچہ بیلیورم کہ قطعیت فنیہ یہ مقارن اولمیان بوارقامہ بعض  
مرتبہ تعدیل ایتک وسائر بعض احوالی داخل حساب  
ایلک ایجاب ایدر . بونکہ برابر بوارقام بنجہ امنیت بخش  
وبرچوق معلوماتی جامعدر .

حقیقتدہ جنایاتک پک آرقسمی سفاهتدن وغیر قابل تحمل



تجاوزاتدن ایلری کلیر . اک چوغی ایسه مسکرات و جهالتدن  
ایلرو کلکده در . الده ایدیلن نتایج حسنه ؛ چوجقلرک یالکز  
مکتبه اخلاق حسنه یه آلیشمیلرندن ، نظافت و انتظام اعتیادینی  
قازانلرندن تولد ایتیمور ؛ اوراده سوقاغک فنا درسلرندن  
وجانیلرک ، سارقلرک مشئوم تعلیملرندن دخی محافظه ایدلمش  
اولیورلر .

تربیه ملیه نك اك ای برطرزینی بولوب بولمادیغمز حقیقده  
بوراده برسؤال ایراد اولنه بیلیر . اوچ بیوک سؤال واردرکه  
بونلره حیاته ده هر قیقه جواب ویرمک لازمدر .

بویمی ، فنا می ؛ طوغرومی یا کلیشمی ؟ کوزلمی ،  
چرکینمی ؟ تربیه من بوسؤاللرک اوچنهدده جواب ویرمک  
ایچون بزه یاردم ایتلیدر .

ایکی عصردن زیاده وارکه ( باقون ) ، ( مینه رو ) ( ۱ )  
و ( موزلر ) ی ( ۲ ) عقیم برر باکر اولدقلری ایچون ترک  
ویالکز ( وولککن ) ( ۳ ) اعتماد ایدرک فرونلر صاتون المق ایچون  
کتابلری صاتمهی توصیه ایدنلردن بحث ایدیوردی .  
( مینه رو ) و ( موزلری ) اصلا ترک ایتما ملیدر : فقط بوکونه  
قدر تدریساتمزی کتاب طبیعت اوزرینه تاسیس ایتدک .

او قویوب یازمق ، حساب ایتک بر تربیه تشکیل ایتمز ؛

( ۱ ) ( مینه رو ) عرفان و صنایع نفیسه الهیسی . ( ۲ ) ( موزلر )  
فصاحت و شعر الهلری ( ۳ ) ( وولککن ) آتش و معادن الهی .

ناصلکه بیچاق ، چتال ، قاشیق برطعام یرینه کچمز .  
تربیه قدیمه یی ذم ایتدی کمندن طولایی اکثریا اتهام اولو-  
نیورم . بو طوغرو دکلدیر ؛ ( یونانجه ، لاتینجه ) تدریساتک  
غایت مهم بر قسمی تشکیل ایدرلر ؛ بونلرک قیمتی تقلیل  
اولونمسی ، یاخود بوسبتون ترک ایدلمسی مناسبتسز برشی اولور ؛  
فقط یالکز باشلرینه ده کافی دکلدیرلر . بزیاسه اکثر اوقاتمزی یکرمی  
عصر اول افکار عالیه اصحابنک هانکی تعبیراتله افاده مرام ایتدکلرینی  
اوکر نمکله کچیریورز . خلاصه احتوا ایتدیکی افکار بر طرفه بر اقیله رق  
متن تحلیللاتنه بر چوق زمان صرف اولونیور . وقوللان دیغمز  
اصول ایله طلبه نه لاتینجه نه ده یونانجه یی تکلمه مقتدر  
اوله میورلر . فضله اوله رق ، مناسبتسز لکک صوک درجه سنه  
وارمق و تدریساتی بوسبتون بی فائده بر حاله کتیرمک اوزره ،  
طلبه یه رومالیلر ، یونانیلر ککنندن ، حتی اسقوچیا لیلرده داخل  
اولمق اوزره اقوام متأخره نککنندن باشقه بر شیوه تلفظ تعلیم  
اولونیور .

بوندن باشقه اصولمز ادبیات قدیمه یه محبت ده حصوله  
کتیرمیور . ( تاکه رای ) ( قورنیل ) ک قاهره یه سیاحتنه دائر  
اولان نوتلرنده شویله سویلیور : ( موز یونانی ) ( قورنیل )  
زیارت ایدرک آتنه ده کی اقامتندن ممنون اولوب اولمادیغنی سؤال  
ایتمشیدی . ( قورنیل ) نزا کتدن زیاده صفوت قلب ایله جواب  
ویردی و دیدی که : « مادام ؛ بزمکز کنج لکمه بزم ایچون



اوقدر سویمسز برحاله کتیرلمشیدنی که آرتق شیمدی اونده بر لطافت بوله میورم .

فقط اهمیتی نه اولور ایسه اولسون یونانجه ولاتینجه هر حالده تدریساتک بر قسمی تشکیل ایدر . *litterae humaniores* تعبیری بوندن اول هر بر تربیه نک مناسبات بشریه بی تأمین ایتیمی وانسانلر آره سنده کی مناسبات عمومیه اوزرینه مؤسس اولسی نه درجه یه قدر نظردقته آلدیغنی کوستیر . شکسپیرک لاتینجه ویونانجه بی پک آز بیلدیکنی سویلرلر . کتابلر ، کندیلرینه علاوه اولونان بعض فضله معلوماته رغماً ، بزی تدریسه کفایت ایده مزلر . کتابلردن باشقه بر شی کورمیوب طبیعت وعالم حقنده بر شی بیلمیان کیمسه اصلاً مکمل بر آدم اوله مز . مطلق بر طاقم شیلردن نصیبسز قالیر .

تدریساتمزک بویوک بر قسمی « نشوونماسنی تأمین ایچون بر چیچک طرحنه علم نباتاتدن بر بحث اوقومق قدر » بی فائده اولدیغنی حقنده کی افاده نه قدر طوغرودر .

یالکز اوکرتمک کافی دکلدر ؛ یا کلش اوله رق اوکره نیلان

شیلری اونوته بیلمک ده لازمدر .

تدریسدن مقصد ؛ آووقات ، راهب ، عسکر ، معلم دکل ، انسان وجوده کتیرمکدر . ( میلتون ) دیورکه « کرک صلح کرک حرب زمانلرنده خصوصی وعمومی هر وظیفه سنی عدالت ، مهارت و علو جناب ایله ایفایه انسانی مستعد قیلان تربیه یه

مکمل و عالی بر تربیه نامی ویره بیلیرم »

حکمای قدیمه فعلیاته متعلق مسائلک تدقیق کلمات ایله تنظیم اولونه بیله جکنی دائماً فرض و تخمین ایده کلشلردر . ( پلوتارک ) کیمورطه می طاووقدن ، طاووقی یورطه دن چیقدیغنی مسئله سی معلومدر . پلوتارکک بومسئله ده یورطه نک طاووقدن چیقدیغنی حقنده استناد ایتدیکی دلیل بونک دائماً بویله سویلنلمسیدر .

تدریساتمزده کی ، آنفاً بیان ایتدیکم ، خطایادن طولایی مکتبدن چیقدقدن صوکره تربیه ذاتیه سنی تعقیبه دوام ایدن پک آز کیمسه واردر . شبهه سز انسان یاشادجه اوکره نیر . ضرب مثله بیله « یاشایکز و دائماً اوکره نیکز ! » دینلیور ؛ فقط مسئله غزته لرده ، رومانلرده راست کلان عباره و تعبیری اوکرتمکمیدر ؛ یوقسه اصولی دائره سنده بر تربیه یه بکزه یان بعض شیلر می تعقیب ایتمکدر .

تدریساتدن بکلنلمسی لازم کلان نتایج حقنده اک بویوک سوز صاحبک افکارینی یوقاریده نقل ایتدم . بوراده ده پروفیسور ( هوکسلی ) ک بوکا مائل بعض افاداتنی اتیان ایده جکم :

« ای بر تدریس اون بش ، اون التی یاشنده کی بر چو جوغه لسان مادرزادینی سهولت و قطعیتله اوقویوب یازمق اقتدارینی ، کلاسیک مؤلفلریمزک مطالعه سیله حصوله کله جک بر ذوق ادبی ویرملی و اوکا مملکتک عمومی بر طرزده تاریخی ، حیات اجتماعینک



قوانین مهمه سنی طانیتملی ؛ علم منافع الاعضا و علم احوال و روحك  
مبادیسنی بیلدیرملی و حساب ، هندسه حقنده بر از معلومات  
ویرماید . بو چوجوق نظریاتدن زیاده تجربه ایله اکتساب  
اولونمش معلومات منطقیه مالک اولمق ایجاب ایدر . موسیقی  
ورسمه کلنجه : بونلر اونك ایچون سعیدن زیاده اکلنجه مقامنه  
کچماید . »

ایچمزدده چوق کیمسه لر واردر که علم تشریحك اعظم  
علماسندن (جون هونتەر) ك افاداتنی تصدیق ایدر ، چونکه  
بزده اونك کبی حس ایتدك . «چوجوقلغمده بلوطلر ، اوتلر  
حقنده معلومات آلمغه پك آرزو کیش ایدم . نه ایچون یپراقلر  
صوك بهارده رنگلرینی دکیشدیردکارینی مراق ایدر ؛  
قارینجه لر ، آریلر ، قوشلر ، قوربغه یاورولرینه ، قریز-  
الید (۱) لر دقت ایدر ایدم . بیلمدکلری یاخود آز اهمیت  
ویردکلری هر درلو اشیا حقنده ایراد سوال ایله بعض  
کیمسه لری صیقشدیرر ایدم . »

( مباحث تربیه ) نام اثرنده (لوق) دیورکه :

« کتاب اوقومق ، علی العاده سویلندایکنك خلافتنه  
اوله رق ، بنم فکرجه تحصیلمزك اك مهم بر قسمی دکلدر .  
بوکا اهمیتلی صورتده معلوماتمزك توسیعه یاردم ایدن ایکی

(۱) طریلك کلبك اولمزدن اولکی حالی . قوزه ایچنده یاخود

قوزه سز اولور .

شیء ده علاوه ایتك لازمدر ؛ تفکر ایله مناقشه دن بحث ایتك  
ایستیورم . بکا کلیورکه قرائت کتابلری ، بر بیوک قسمی  
فائده سز اوله رق آتیلمق لازم کلان مواد ابتدائیه یی ، طوپلامغه  
خدمت ایدر . تفکرک وظیفه سی بو مواد ایچنده لزوملیرینی  
آیروب یکدیگرینه تطبیق ایتمکدر . بر تشبیه یپاجق اولور  
ایسهك بو ، دیرکاری یونتوب ، تم طاشلرینی وضع ایده رک  
بر بنایی وجوده کتیرمکه پکزه ر . بر دوستله مناقشه ایسه -  
دوستله دیورم ، زیرا دیکرلریله مناقشه ده فائده یوقدر -  
او بنایی معاینه ایتك ، بوتون اوطه لرنده طولاشمق ، کافه  
اقسامنك یکدیگریله اولان امتزاجنی کوزدن کچیرمک وهرشیئك  
اوصاف و نقایصنی کورمک دیمکدر . اکسیکلری کشف ایتك  
وبونلره چاره ساز اولمق ایچون اك ای واسطه ده بودر . مناقشه  
بیلمدیکمز حقیقتلری اکثریا بزه کوستیرر و قرائتدن ، تفکر دن  
زیاده بونلری حافظه مزه نقش ایدر . »



تربیه شخصیه

تربیه نك وظیفه سی كافه ملكاتمزی آهنگ تام اوزره تمیه ایتمكدر . تربیه چو جقلغمزدن باشلار ، مكتمده دوام ایدر ، فقط اوقدرله قالمز ؛ كندی آرزومزه كوره یاشادیغمز مدتجه دخی دوام ایدر . مسئله موخرأ او كرنديكمز شيلرك عاقلانه بر طرزده می یاخود تمامیه تصادفی اوله رقی می او كرنديكمز . ( غبون ) دیوركه : « هر كس ایکی تربیه آلیر ؛ بری ویریلیر دیگرى بالذات اکتساب اولنور . بوايكنجیسی فوق العاده مهمدر . بالذات او كرنديكمز شيلردن باشقه لرینك او كرنديكندن زیاده استفاده ایدرز . » ( لوق ) دیوركه ؛ « انسان یالكنز تعلیم ایله یاخود برخواجه نك اداره سی التنده نه بر فده جدا تمیز ایدر ، نه ده حقیقی عالم اوله بیلیر . » منسوب اولدقلری صنفده تمیز ایده میانلر بوندن طولایی مایوس اولماملیدرلر . بیوك ذكالر ایلك او كجه كاله ایرنلر دكلدر . اكر ایشكزه جهد و اقدام كوسترمز سه كز شهه سزكه موجب جهالتدر . فقط مستقبلاً دخی چالیشمقدن مایوس اولماملیسكز . موفق ارمق ایچون هرمكنی اجرا ایتدیکز ایسه متانت كوستریكز ؛ البته نهایتده موفق اوله جقسكز . كندی صنفلرنده پارلایه مدقلری حالده

بك بویوك موفقیتلره مظهر اولانلر بك چوقدر . روایت اولنور كه نه ( وولینگتون ) نه ده ( ناپولیون ) چو جوققللرنده شایان دقت بر اثر موفقیت كوسترماملردر . نیوتون ، سویت قلیو ، سیروالتهر سقوت ، چهریدان و دیگر برچوق مشاهیر كده بویله اولدیغی تأیید اولنیور . تظاهر ایدیوركه امثالی آره سنده بحق تمیز ایدمیان شاگردان ، صنفلرندن آز استفاده ایتمش اولانلردن عبارت دكلدر .

دنیلوركه (دها) علی الدوام چالیشمق ملكه سیدر . بودوشونجه برچوق حقایقی احتوا ایدر . نته کیم ( لیلی ) لسان عذب البیانیه سویلیور : طبیعت یاردم ایتز ایسه سعی بوشدر ؛ فقط تحصیل اولمز ایسه طبیعتده هبا اولور .

دیگر جهتدن پارلاق ذكالی چو جوققلر صحتك ، تطبیقاتك ، سجهیه نك فقدانندن طولایی حیاطده موفق اوله میورلر و ( كوته ) نك تشبیهی كبی بونلر قتمرلی چیچكلی بولنان فقط میوه لری اولمیان نباتاته بکزه لرلر . بونلردن بعضیلری صو كنده سفالته دوچار اولورلر ؛ حالبوكه دهها آز ذکی و فقط عملی و تام بر خصلته مالك اولان دیگر چو جقلر متادیا ایلری کیتمشلر ونهایت كرك كندی شرف و حیثیتلری و كرك مملكتلرینك منافعی ایچون مهم موقعلری اشغال ایلشلردر . تدریساتك ، دگری حقنده حاصل اولان بعض شهه لر ، دوقتور ( آرنولد ) ك بك كوزل سویلدیكی كبی « بعض کیمسه لرك آلدانه رق جهالت



ایله معصومیتی یکدیگرینه غریب بر صورتده قاریشدیرمه لرندن  
ایلری کلمه در . ایشک طوغریسی اکر بر آدمی معلوماتندن  
تجربید ایده جک اولورسه کز او ، بر چو جوق حالنده  
قاله من ؛ بلکه بر حیوان ، همده دنیانک اک مضر بر حیوانی  
اولور . « آر نولد کوستریورکه ، اکر انسانلر حیاتده اک امین  
رهبری ترک ایده جک اولورلر ایسه احتراصاته اسیر وایکسینک  
خطایاسنه شکار اولورلر : یعنی چو جوقلق جهالتنه برده بیوک  
آدمرده کی قبایحی علاوه ایدرلر . مکتبده ای تربیه ایدلش  
اولان کیمسه لر ایسه اورادن چیققدن صکره اونی ترک ایتزلر .  
پارلاق بر تربیه نک هدف مقصودی ، سلیمانک دیدیکی کی  
« علم و معرفتی طانیتمق ، عقلک نصایحی اسماع ایلک ، ای  
دوشونمک ، محاکه اعتیادینی ، مساوات وعدالت حسیاتی  
وجوده کتیرمک ، صاف دلره قوه ممیزه ویرمک وکنجلیری  
فن و معلومات ایله الفت ایتدیرمکدر . »

( تورو ) دیورکه : « بعض آدملر بردولار قازانمق  
ایچون یولنی شاشیریر . ادوار قدیمه عقلاسنک آلتون قدر  
قیمتدار وهر عصرک عقلاسی طرفندن تصدیق ایله حقیقت  
ارلار ق قبول ایدلش اولان سوزلرینی گوشه نسیانه آتار »  
فرانسزلرک حزن انکیز بر ضرب مثلندهده شویله سویلنمشدر  
« کنجلك پیامش اولسه ؛ اختیارلقده مقتدر اولسه ایدی . »  
ای بر تربیه بزه کنجلكده معلومات ، اختیارلقده قوت ویریر

( فرانقلان ) « تجربه دکرلی بردرسدر ؛ فقط احققلر بونی کیج  
اوکره نیرلر . » دیور .

حیاتده صاعلام یولدن کیتمک قدر مهم برشی یوقدر .  
ایشه ای باشلایکز ؛ ترقیاتکز یاواش یاواش قولایلاشیر ،  
سرعت پیدا ایدر واکر مناسبتسز بریولی تعقیب ایدرسه کز  
منزل مقصوده ایریشمکده چوق مشکلات چکر سکز . اوکر نمک  
کوچدر ؛ فقط اوکر نیلان یا کاش شیلری اونو تمق دها کوچدر .  
کتابلرده ، انسانلرده ، افکارده و تاسیسات مدنیده  
موجود اولان شیلرک اک ایلرینی دماغکزه حاک ایتمک  
چالیشکز . فلان ویا فلانجه احببمزدن دها آز معلوماتلی  
اولقدن اوتانیلمز ؛ فقط اوکر نه بیله جکمز شیلرک کافه سنی  
اوکر نه مدیکمزدن طولانی اوتانمیزی .

تربیه یالکز السنه تحصیل ایتک و برطاقم وقایع و حادثاتی  
بلله مکدن عبارت دکادر . او ، تحصیلدن پک زیاده عالی  
وبوسبتون بشقه برشیدر . تحصیل ، مستقبل ایچون بزه  
خزینهلر احضار ایدر ؛ تربیه ایسه بر تخم حرث ایدرکه بره  
یتمش ، یوز محصول ویرر .

هرکس بیلیر معلومات ، عقل و ذکایه نسبه اهمیتسز  
برشیدر . شو قدر وارکه ، معلوماتک فوائدی بعضاً  
حقيله تقدیر اولونمیر ؛ مثلاً دینلیورکه : معلومات انسانه کبر  
وپرپر . حالبوکه عارف اولان کیمسه دها فضله بیلمدیکندن طولانی



کندینی حقیر کورور؛ فقط بو هر زمان بویله دکلدرد. اصل چوق اوکره نلردر که نه قدر آزشی بیلدکارینی اکلارلر.

«معلوماتک تمیزلماش، فائده سز بریغیندن عقل و ذکاوت بنا ایدم بیله جکی عادی مواددن عبارت اولدیغی» دخی پک ده حقی اولمیه رق سویله نیور. بونکله برابر اونه درجه فنا بر معمار در که مواد انشائییه بی ای انتخاب ایتکه اهمیت ویرمسون. بوندن باشقه اکثریا دکر سز کی کورولان بعض معلوماتک بالا خره قیمتی میدانه چیمه مشدر. بیلدکی قدر تدر. «الکتریک حقنده کی معلوماتن زماندن یازی، سوز و حرکتدن؛ قوانین اجتماعیه، پاره دن؛ قوانین صحیه، صحتدن؛ قوانین فکریه تعب دماغیدن تصرف ایتک دیمکدر. قوانین روحیه یه کلنجه بوندن ایدیلان استفاده لک کافه سنی کیم تمامیه تعرف و ایضاح ایدم بیلیر؟ (۱)»

فک اهمیتده کلنجه: اقسام حیاتییه مزک هر نقطه سنده بونک اهمیتی شبهه کورتورمز؛ اولاً، محافظه وجود، و قایه حیات و صحتمز فک دلالتیه میسر اولور، ۲ مدار معیشتمز تأمنیه بالواسطه و قایه حیات، ۳ بالاق وظائفک ایفاسی، ۴ حیات حاضره و ماضیه ملییه و قوف (که بو اولمق سزین بر فرد ملت حرکاتی اداره یه مقتدر اوله مز) خصوصنده رهبر فندر، ۵ صنایع نفیسه و هنرورلک ایله مناسبتی اولان شیلر، ۶ تعلیم فکری، اخلاقی و دینی ایچون اک موافق تحصیلینه فندر. (۲)

(۱) که نفسله ی.

(۲) هربرت اسپنسر.

دارالفنون مدیری (ستانله ی) ک بیاناتی ده بورایه نقل ایده جکم:

«بلاعوض محبت حقایق نه قدر نادر وایی برشیدر! بونک فوائدینی هر زمان چابوق کورمه یز؛ حتی بعض کره، عوض سز و صرف محبت حقایق ایله تعقیب ایدلش اولان کشفیات فنیه دن متحصل بختیار لقلرک وسعتنی بر چوق بطلردن صوکره کورم بیلیرز.

سلیمان «عقل دیکلر و بو صورتله ذکاسنی قوتلندیریر.» دیمکده حقلیدر. تمامیه فائده سز پک آز معلومات واردرد. و پک آزشی واردرد که هیچ اولمز ایسه بر دفعه کورلمسی فائده لی اولمسون. حقیقتده کوچوک شیلر دکل؛ کوچوک ذکالر واردرد. بویوک کشفلرک غیر معلوم اوله رق قالدیغنی کورمک شایان تأسف و حتی مؤلدر؛ زیرا بز اولنری کمال شکرانله در خاطر ایتک ایسترز. و پک نادر در که بو آدمیر منفعت ویا شان و شرف آرزو سیله چالیشمش اولسونلر.

حیاتدن تمامیه استفاده ایتک ایستیان کیمسه ایچون یاپدیغنی ایشه صرف دقت و اهتمام لازمدر. معاملاتکزی یاری بردقتله اداره ایدر سه کز اوکا زمانکزک ایکی قاتی صرف ایتش اولور سکز. اذواق فکریه نک شیمدی یه قدر، سعادت بشریه یه آزرشی ضم ایتمه سی نظر اسفله کوریله جک شیلردندر. معافییه مکتب کلسنک معنای ابتدائیسی (σχολη) استراحت یا خود اکلنجه

یدی.

فلسفه مثبتیه اصحابنک مسلکارنده بر چوق شیلر واردرد که



بنجه قبولی متعسر در . مع مافیہ بونلرک عالی بر حکمتلری  
وارد در : « مسلاک محبت ، اساس انتظام مقصد ترقی . »

(أمرسون) دیورکه : پک چوق معصوم آدملر واردرکه  
بابالرندن توارث ایتدکاری عنعنات اقتضا سنجه اللهه پرستش  
ایدرلر ؛ فقط بونلرده وظیفه حسی کافه خصلت و ملک لرینی تربیه  
ایتمک درجه سنه قدر توسع ایتماشدر .

انسان هر شیئک مقیاسیدر . طاغیرک ارتفاعی ، اوقیانوسک  
قاج قدم درین اولدیغنی اولچر . اصول حسابیه من پاره قلمریمزک  
عددی اوزرینه قورولمشدر . بونکله برابر انسان نه حقیر  
شیدر ، نه حقیر ! اویله ایکن ینه هانکی بویوکلکی الده ایتکه  
مقتدر دکادر !

پاسقال دیورکه : انسان « res cogitans , id est dubi-  
tans , affirmans, negans, pauca intelligens, multa ig-  
norans, volens, nolens, imaginans etiam et sentiens. »  
در .

باشقه بریرده دخی شویله دیور : « انسان طبیعتک الضعیف  
برفدانیدر . فقط اونک متفکر بر فدانی . کائنات انسانی ازمک  
ایچون سلاحلانیور بولایقمیدر ؟ بر بخار ، بر طامله صو اوئی  
اولدیرمکه کفایت ایدیور ؛ فقط انسان کنیدیسنک محوینه یوروی  
جهاندن دها عالیدر ، چونکه اولدیکنی بیلیر کائنات ایسه  
انسانه غلبه سندن اصلا خبردار اولیور . »

بر انسان کاملی وجوده کترین اوصاف لازمه نلردر

مدرك ومیز بر دماغ ، محبتپرور بر قلب ، متین بر محاکمه ،  
صاغلام بر وجود . قوه ممیزه اولقمسزین اشیایی ای حل و تفریق  
ایده میز ؛ محبت اولمز ایسه خودبین اولورز ؛ صحت وجوده مالک  
اولمز ایسه ک قدرتمز آز اولور ؛ و محاکمه قوتنک تنویر ایتدیکی  
اک کوزل نیتلر ایلکدن زیاده فنالق حصوله کتیریر .

بر دوستمزی مدح ایتک ایستدیکمز زمان اونک غایتله  
ای قلبی (۱) اولدیغنی سویلرز . ای قلبی آدم نلدر ؛ بونی  
(ناکرای) « طوغرو ، نازک ، جسور عقلی و کافه اوصافی  
ایلمک یولنده استعمال ایدن کیمسه در دیه » تعریف ایدیور  
دیورکه ؛ « بو ، ظن ایدلیدیکنک خلافتنه اوله رق پک نلدردر »

( جون ستوارت میل ) دیرکه : ( کندی کندینه تحصیل  
ایتمک اک طوغرو یولی ؛ ) هر شیء کمال اهمیتله تدقیق ایتک ؛  
هیچ بر مشکل اوکنده کری چکلاماک ؛ و هر هانکی مرجعه  
عائد اولورسه اولسون ، هیچ بر فکر و مسلکی - هر دورلو  
مغالطه ، رابطه سزلق و تشوش افکار کوزدن قاجیرلمیه جق  
صورته - عریض و عمیق تدقیق و نفیاً تنقید ایلهدن و باخصوص  
استعمال ایدیلان هر کلمه نک معناسی تعین ، هر قضیه نک مفهوم  
قطعیسی توضیح ایتکسزین قبول ایتماکدر . ایشته اوکره نیلمسی  
لازم کلان دروس اساسیه ؛ ( هر کسک بوکا قادر اولدیغنی ایسه  
آشکاردر .



تربیه نك عناصر ابتدائیه سنی الله ایتك هر كس ایچون  
 ممكندر : نه رتبه ، نه ده ثروت بویوك بر امتیاز ویرمز .  
 ( سیر و . ژونس ) بر چفتهچی ثروتیه بر پرنسك الدینی  
 تربیه بی الله ایتدیكنی سویلیور . فنه ایصال ایدن بویوك جاده لر  
 یوقدر دییه چوق زمان اول سویلنیلمشدر . دنیه بیلیركه فنه  
 کوتورن هر یول جاده در . وبویوللری تعقیب ایدرك نه دورلو  
 مكافاتلر قازانماز ! تربیه ارضك تاریخ سابقنی بزه تنویر  
 ایدر . وهرشیك ترقی ونوره طوغری یورودیكنی کوستیر ؛  
 ادبیات عمومیه دن مستفید اولمغی تسهیل ایدر ؛ کتاب طبیعتی  
 اوکمه آچار وهر طرفده بزم ایچون منابع استفاده احداث ایدر .  
 بزم ایچون ( بو آدم امثالی کورولماش بریدر ) دنیلمسنی  
 امید ایدمز ایسه كده هیچ اولمز ایسه حیاتمرك ( دائمی بر  
 کوزلكه مالك اولمسنی ) تامین ایده بیلیرز ؛ زیرا هیمزده حیات  
 ابدیه مظهر اولانلرك حس و آرزوسی واردر .

اگر تربیه دائما کوزل نتیجه لر ویرمیور ایسه بو ، بالذات  
 تربیه نك قصوری دکلدر ؛ بلکه اونده تعقیب ایدیلان فکر دن  
 ایلرو کلیر ؛ ( زیرا انسانلر فنی ؛ گاه مراق و هوس کشف  
 ایله ، وگاه ذهنلرینی بر چوق لطیف شیلر ایله اویالامق ایچون ،  
 بعضاده فکرلرینی تزین ایله اکتساب شرف ایچون ایستلر  
 و اوکره نیرلر ؛ فقط اونی صرف بشریتك منفعتی اوغورنده  
 قوللامق مقصدیه اوکره ندکاری نادر در . صانکه فن فکر

متجسس و اندیشه نکی دیکندیره جك بر خوابگاه ؛ یا خود روح  
 آواره بی مناظر لطیفه اوکنده طولاشدیرمغه یارایان بر تراسه ؛  
 ویا روح مغرورك اقامت ایده جکی بر محتشم قله ؛ یا حرب  
 وجداله مخصوص مستحکم بر قلعه واردوگاه ویا خود کار ایله  
 آلیش ویریش ایدیلیر بردکان ایمش کی حرکت اولنورده بونك  
 شان خالق وتسکین اضطرابات بشریه ایچون مؤسس بر خزینة  
 قیمتدار اولدینغی دوشونولمز . ( باقون ) «



بو ذات زماننده رومان نه در بیلنمیوردی . کندیسى شکسپیر  
و میلنونك ظهورندن اول یاشامش ایدی ؛ فقط دهها اولکی  
شاعرلردن بحث ایتماشدر . فنه کلنجه ؛ وفاتندن صوکره کیمیا  
و طبقات الارض ظهور ایتمش و متعدد کشفیات دیگر فنونك  
فوائدنی آرتیرمشر .

(شوپه نهاور) فن کندیسنه برشی ویرمامش ایسه ده هیج  
اولمزایسه برچوق مصارفنی تنزیل ایتدیکنی سویلیور . اعتراف  
ایتملیز ، فن یالکز بزم واردات ملیه مزى آرتیرمغله قالمامش ؛  
بلکه مصارف مزى ده تحدید ایتمشر . مکتبلر ، کتبخانهلر  
و موزهلر تاسیسی ایچون قوللانیدیغمز پارهلر حقیقی بر مصرف  
اولمقدن زیاده اچهلریمزى مکافاتجش اولمق اوزره بریره وضع  
ایتمکدن عبارتدر . بز مکتب و عمومی کتبخانهلری ، یالکز  
بونلرک نتیجه اعتباریلر بر تصرفدن عبارت اولمسنه نظراً دکل ؛  
بلکه همشهریلریمزک مسعودیت و اکلنجهلری ایچون مهم بر  
تأثیری حائز اولملری اعتباریلر ده محافظه ایدیورز . زیرا فقرای  
اهالینك اکلنجهلری پک آزدر .

عصر مستقبلک قارئلرندن اك بیوک قسمی صنعتکارلریمز  
و عمله مز اوله جغنی سویلیدیگمدن طولانی علی اکثر شدتله  
استخفاف اولنیورم ؛ فقط عواده مخصوص کتبخانهلرک ترایدی  
بیاناتی تأیید ایتمیورمی ؛ زیرا بر کتبخانه تاسیس ایده بیلیمک  
ایچون اوله محله نك منتخبلریله کیفیتی مذاکره ایتک لازمدر .

## سکزی فصل

### کتبخانهلر

بر بویوک انگلیز ، دورهام متره پولیدی (ریشارد دو بوری)  
بش یوز سنه دن زیاده وارکه کتابلرک ثناسنده حقلی اوله رق  
شویله دییور ایدی :

« ایشته دکنکسز ، آجی سوز سویلمه دن ، حدت ایتمه دن ،  
هدیه و پاره ایستمه دن بزى تدریس ایدن خواجهلر . اونلره  
تقرب ایدر ایسه کز او یومدقلرینی کورورسکز ؛ سؤال ایدر-  
سه کز سزدن برشی کیزله مزلر ؛ اونلری طایمازسه کز اصلا  
شکایت ایتمزلر ؛ اگر برشی بیلمه سه کز سزکله اکلنمزلر »

بو ذات بوقدر زمان اول بویله سویلر ایسه کتابلردن بزم  
دها زیاده بحث ایتمه مز لازم کلیر . زیرا بو کون کتابلر غایتله  
اوجوزدر ، هرکس اونلردن مستفید اوله بیلور ؛ قوللانیشلی  
و خفیفدر ؛ حالبوکه اسکی کتابلر جسیم و آغیر ایدی ، الده  
طوتمق و اوقومق قولای دکلدی . بو کونکی کتابلرک زیاده  
علمی اولانلرینك بیه اوقونمسی اسکیلرینه نسبتله سهولتلیدر .  
غایتله مهم برشی دها وار : بز بو کون ( بوری )  
نك طانیدیغی کتابلردن فضله کتابلره مالکز . ادبیات  
قدیمه دن بیه ، غائب ایدلمش بر طاق آثار بولوندی . دنیله بیلیرکه



رهبان ايله مسالك فكریه اربابنك هر طرفده اقلیت تشكیل ایتدكلرینه نظراً کتبخانه لری تأسیس و اداره ایدنلرک صنعتکارلر ايله کوچك تاجرلر اولدیغی تبین ایدیور . کتابلر بزم شهرلرک ارباب مساعیسنه مطلق صورتده لازمدر ؛ اونلرک طرز حیاتلری صوك درجهده یکنسقدر .

بر وحشینك حیاتی بونك عكسنه چوق متبدلدر : آولایه جنى آوك اعتیاداتی ، نه وقتلر نقل مكان ایتدیكنی وهانكى محللرده چوق بولندیغنی پك یاقیندن کوروب طانیغنه مجبوردر ؛ حیوانات بحریه نك هانكى موسملرده صید اولنه بیله جكنی بیلملیدر ؛ هر آى غداسنی دكیشدیرمكه مجبوردر . آلات وادواتی اعمال ومسكنی انشا ایتك لازم . بو کون بزم ایچون پك قولای اولان آتش یاقق اونك ایچون دقیق و کوچ بر مسئلهدر ، بونكلهده اوغراشملى .

چفتجی نك ده اونك كی مشاغلی وارددر : طوپراغی سورهر ، تخمی آتار ، محصولی ییچر ، طوپلار ؛ اینكلری ، طوموزلری ، قویونلریله مشغول اولور . بر صپانی اداره ایتك ، بر بولمه یاقق و اوت دمتلرینی باغلامق ظن اولندیغنی كی قولای برشی دكلدر .

حکایه اولنوركه : ( ووردس وورس ) ك حجره مساعیسنی زیارت ایتك ایستیان بر اجنبییه خدمتجیسی شو جوابی ویرمشد « افندیك یتاق اوطه سی بودر ؛ فقط تارلاده چالیشیر » ایشته چفتجی بویله جه تارلاده پك چوق شی اوکره نیر . او ،

بزم فرض و تخمینمزك خارجنده پك چوق شی بیلیر . و بیادیكى کتابلرده کندن ده دکرلیدر . فقط فابریقه عمله سی پك زیاده یکنسق بر حیات کچیرمکدهدر . عین اعمالاته ، حتی بعضاً سنه نك ابتداسندن نهایتنه قدر اعمالاتك عین تفرعاتیله چالیشمغه محکومدر . بعض کره برال مهارتی الیه ایدر ، فقط ینه محدوددر . الی نه ایه متمادی چالیشیر ماکنه حالنده قالمق ایستمز ایسه اونك ایچون کتابلر ، حتی بعضاً یالکز کتابلر واسطه سیله اکلنمك وتنفس ایتك لازمدر . شایان ممنونیتدرکه بر زماندن بری مغازه لر مستثنا اولمق اوزره ساعات مساعی بی ثقلیله بر میل کورولیور . پك خوش برشی دكل ایسه ده مجبوری تعطیل اشغال اولندیغنی ده وار . اکلنجه ايله کچن ساعتلر اصلاً تنبلکله اصرار اولنمش صاییه مز . اکلنجه ، اك بیوك اییلکلردن معدوددر . تنبللك ایسه بونك عكسی اولمق اعتباریله بری مسعودیت دیگرى بد بخللغك منبعیدر . بر فقیر بر قاچ کون ایشیسز قالیر ایسه نه یاپه بیلیر . بوش ساعتلرینی ناصل اصرار ایتسون ؟ حالبوکه اکر بر کتبخانه یه کیره بیلیر ایسه بوساعتلری غائب ایتماش اولور .

چو جو قلمزك تدریسی ایچون قوللانیدیغمز وسائط اورتیه یاشده کیلر ده تطبیق اولنه بیلیر . بو کون هر طرفده مکمل ابتدائی مکتبلریمز وار . چو جو قلمزك تحصیل ايله



کندیمز مشغول اولیورز . اونلره اوقومنی وقرائی سومکی اوکره دیورز . نه ایچون؟ زیراقانعز که تحصیل هرکسه فائده ویریر . تحصیل ایدن کیمسه کوزل برایشچی اولور ، ای برایشچی ده مکمل بر آدم . فقط تحصیلی الی نهایی ترک ایتما ملیدر . کتبخانه لر اورته یاشیلرک مدتبلریدر .

مرویدر که ؛ قرال الفرد چوجقلغنده ، یرقاچ کتابه مالک اولق ایچون بیوک بر آرزو کوستیر . والده سی اوکا کتابلری ، اوقومنی اوکرندیکی زمان الده ایده بیله جکی جوابی ویریر . الفرده بو شرط ایله کتاب صاحبی اوله بیله جک . بزم چوجقلریمز اوقومنی اوکرندیلر آرتق بوکا مکافاة بر قاق کتابه مستحق دکلیدرلر ؟ بوندن بشقه کتابلر پک چوق ؛ اک اییلری بیله هرشمیدن اوجوز . اوقومق بر ذوقدر ثروته الده ایدیله مز . و حتی پاره ایله مناسبتی اولیان شیلرک اک برنجیلر ننددر . ایش عالمنه کیرمش اولان بزلر ایسه اکثریا ، الیمزده بولنانلری کافی کورمیورز . فقط ثروتمز سایه سنده بر چوق کتاب جمع ایتدیکمز تقدیرده دخی بونلری اوقومغه وقتمز اصلا مساعد اولمز .

شوقدر وارکه تربیه نك حیاتمز مدتجه دوام ایتمی چو- جوقلریمزک غرامر وکلاتدن باشقه شیلرده اوکرملری وکوز ایله الک دخی فکرکی ادمان ایدلمسی ایجاب ایتدیکنی آکلامغه باشلاپورز . دیگر جهندن اورته یاشلی آدملریمزک موجودیت

حیاتیه لری یالکمز ال ایشلریله تحری ثروته اصلا منحصر اولماق وبونلرک زمانلرندن بر قسمی تربیه فکریه یه ، معلومات فکریه اکتسابنه تخصیصه مقتدر اولملری لازم کلدیکنی ده درک ایلدک . بوندن بشقه هرکس معلومات بشریه یگونه ، بعض شیلر علاوه ایده بیاملیدر ؛ شرائط حیاتیه سی نه قدر محدود اولورسه اولسون بوکا هر فرد موفق اوله بیلیر . بزال ایشلرینک اهمیتنی هنوز تقدیر ایتدیکمزکی فنک ده الده ایدمز ، یالکمز حکما وارباب دهاییه و آلات مخصوصه یه مالک اوله بیلان کیمسه لره مختص برشی اولدیغنی ظن ایدیورز . فقط خطا ایدیورز . بو اقبالی کیملر سایه سنده قازاندق ؟ شبهه یوق که قسماً عاقل حکمدارلر ، اعظم رجال دولت ؛ قسماً جسور قوه بریه وبخریده مز ؛ قسماً مستعمراتمزک مثل طاشلرینی وضع ایدن کاشفلر ؛ وقسماده حکما ومتفکرین سایه سنده . اونلره تشکره بورجلی اولدیغمزخی هر زمان در خاطر ایتمکه برابر عمله پی ده اونو تماملی یز ؛ بوده بزم یاردم ایچوز یالکمز قوللرینک قوتی استعمال ایتما مشدر ؛ بلکه افکارندن دخی بزی مستفید ایتمکه موفق اولمشدر .

« وات » برما کنه جی ایدی . کشفیات صناعیه سی ثروت ملیه یه دیونمزک مقدارینه مساوی بر مبلغ ضم ایدن ( هانری قورت ) بر دیوار جینک اوغلی ایدی . دوکه چلیکی اختراع ایدن هوتسمن ساعتچی ، ( قرومتون ) نساج ، وچ وود



چوملکچی؛ برندی، تلافود، موشات ونیلین،  
 عادی عمله ایدیلر: جورج استفانسون برغروش کوندهلک ایلله  
 اینک کودر ایدی، او قومغی اون سکر یاشنده اوکرندی.  
 (دالتون) بر اوروجینک، فارادای و نیوقومن دمیچی  
 اوغلاری ایدیلر. (آقرا) پروکار، سیر هومفرای داوی  
 براجزا خانه ده چیراق، برمینغام شهرینک باباسی وموسسی  
 بولتون، دویمه یاپار برایشچینک و (وات) بر دولکراک  
 اوغلی ایدی. عالم بونلرک ومتعدد امثالنک زیاده سیمه  
 منتداریدر. بز ایسه بویوک قوماندانلریمز، رجال حکومتیمز  
 قدر بونلرله ده مفتخر اولمالی یز.

اکثریا بزه مدنی ملتلدن بحث ایدیلر. وشبهه سز بعض  
 اقوام دیگرلرینه نظراً بوصفه دها زیاده مستحقدرلر. فقط  
 هیچ برملکت بوکا تمامیه کسب استحقاق ایتماشدر.  
 مملکتلریمزده حقیقی برمدنیت وجوده کتیرمه چالیشمیلی یز که  
 بوکا کتبخانهلر چوق خدمت ایده جکدر.

برچوق کیمسه لر دائمی اشغال شاقه یه محکوم اولمق ایچون  
 طوغمش کیدر. فقط بونلرک حیاتلری نه ایچون بوش کچسون  
 وسفالتدن عبارت اولسون؟ بو آدمیلرک اکلمجه لری آز و طرز  
 حیاتلری یکنسق اولدیغی جهتله کوزلری اوکنده اینی کتابلر  
 بولمق لازمدر.

رجال فنیه مزک اعظامندن بری (سیر جون هرچهل)

دیورکه: احوال حیاتیه مک کافه منده استنادکاهم، بنم ایچون  
 دائمی برمنبع سعادت ومسرت اوله جق ومصائب حیاتیه ایلله  
 انسانلرک مخاصماتنه قارشى بنی تسلیه ایده جک برذوق انتخاب  
 ایتک ممکن اولسه ذوق مطاعه یی انتخاب ایدر ایدم. ممنونیت  
 بخش وسائطله برابر بوذوق کنديسنه نصیب اولان کیمسه  
 مضر کتابلر ویرمدیککز حاده شبهه سز بختیار اولور؛  
 زیرا هرعصرک اک کزیده جمعیتلرینه داخل اولور. هر نسلک  
 همشهریسی اولور. وهر قرن ایلله همعصر اولور. دنیا اونک  
 ایچون یارادلمشدر.

کتابلر عادتاً ذی حیات اشیادر.

(ملیتون) دیورکه «کتابلر روح قدر فعال، ذی حیات بر  
 ذریت تشکیل ایدر». بویوک محررلر اولمز.

روح علویسی سنک روحکی ده برابر رفع واعلا ایدن  
 کیمسه اولمش صایلماز. قلبلرده ابدیاً یاشامق اولوم اوله مز.  
 اوربین شهرى بویوک کتبخانه سنک مؤسسی اولان(دوق  
 دوربین) هر کتابک ارغوانی رنگ ایلله تجلید، کوش ایلله تزین ایدلمسنى  
 امر ایتمش ایدی. (لهم) سفره یه اوطور مزدن اولدیغی کبی  
 یکی بر کتاب آچزدن اول ده دعا ایتلیدر دیپور.



كتابلر بشريتك حافظه سیدر : نساك تاريخنى، كشفیاتى  
و عصرلك تراكم ایدن ذكا و تجاربى احتوا ایدر ؛  
طبیعتك آینه غرائب و محاسنیدر ؛ فلاكت زمانلریمزده  
بزه استنادگاه اولور ، اكدار و ضرر اباتمزی تسلیه ایدر ، كدرلى  
ساعتلریمزى اكلنجهلى یاپار ، دماغمزی افكار جیده و مصیبه  
ایله املا ایدر ، حاصلی بزی محیطمزدن ، سفالمزدن قور تاریر ،  
بر شرق حکایه سنده دنلیور كه : ایكى آدم وار ایش ؛  
بر یسی پادشاه دیگرى دیلنجى . پادشاه هر کیچه رؤیاسنده كندیسنی  
دیلنجى اولمش كورور . دیلنجى ایسه پادشاه اولمش ، سرایلرده  
اقامت ایدیور . بیامم كه عجا بونلرك ایکیسندن پادشاهى  
دها بختیاردر . خیال بعض كره حقیقتدن ده قوتلیدر .  
بونكه برابر اكر آرزو ایدر ایسهك مطالعه بزم حقیقى حكمدار  
اولمه مزه ، اك محتشم سرایلرده اقامتمزه مساعددر . اك اییسی  
بزی یورولمادن ، صیقلمادن مصرفسز اوله رق طانغله ، دكزلره  
قدر کوتوریر .

فله شر ، دییور كه :

«اك اپی ارقداشلرم اولان كتابلریمك بولندیغی یرده

ایستدیکم کی اكلتمه مه مساعده ایدیکز . اوراسی بنم ایچون  
سرای حکمداری ؛ هرایستدیکم ساعتده علما و متقدمین حکما  
ایله کوروشه بیله حکم یردر . بعضاده قرالار و ایپراطورلرله  
قونوشورم . فکرلرینی تنقید ایدرم . واکر غیرمشروع ایسه  
مظفریتلرینی تزئیف ایله حققرنده شدید حکملر ویریرم .  
حقسز رکز ایدلمش اولان هیكللرینی قیرارم .

بوش و دوامسز بر ثروت قزانمق ایچون بنی بواندیشه سز  
ذوقدن آیرمق قابلیدر ؛ صلا ! سزك بتون اندیشه لریكز  
آنون طوپلامق . بنمکی ده معلومات فیه می آرتیرمق اولسون .  
كتابلر اکثریا احبابه بکزه تیلیر . فقط مرحمتسز اولوم  
دوستلریمزك اك کزیده و فضیلتمندلرینی بزدن آیردیغی حالده  
زمان بالعکس كتابلرك فنالرینی اولدیریر و اییلرینی تمیز ایدر .  
ثروتك کافه فوآندندن مستفید اولمش پك چوق آدملر اك بویوك  
سعادتى مطالعه ده بولدقلرینی بیان ایتشلردر .

آشام ( مکتب خواهجه سی ) نامنده کی کتابنده «لیدی ژان  
غره ی» ی صوك زیارتی شو یله یازیور : چومببانك  
ایچنه اوطورمش ، افلاطوندن ، سوقراطك وفاتی  
حقنده کی ایضاحات حکیمانه پی ، او قودیغی ائاده نزدینه



قبول اولغوش ایدی. عائله سی پارقه آولانیورلر، کوپکله باغیر  
یشیور، آچیق اولان پنجره دن حیوانلرک سسی ایشیدیلیوردی.  
خارجده بولونمادیغندن طولای بیان تعجب ایتسی اوزرینه  
« لیدی » شو جوابی ویردی : « امینم که اونلرک پارقه  
طویدقلى ذوق نیم افلاطونى اوقومقدن حس ایتدیگمه قیاس  
بر کولکه دن عبارتدر. »

(ماقولاى) زنکین، نفوذلى، مشهور و صحى یرنده بر آید  
ایدی. بونکله برابر ترجمه حالده، اک مسعود ساعتلى  
کتابلریله کچردیکی زمانلر اولدیغنى سویلیور. بر کوچوک  
قیز چوجوغنه یازدیغى سویملى مکتوبنده ده شویله دیور  
« پک لطیف اولان مکتوبندن طولای تشکرلر ایدرم. سوکیل  
کوچوک قیزیمک بختیارلغنه سبب اولدیغمن طولای بنده دایم  
بختیارم. اونک کتابلری سودیکنى کورمک قدر بنی ممنون  
ایدن برشى اوله مز. زیرا بنم کبی بویوک اولونجه کوره جک  
کتابلر پاسته لردن، شکرلردن، بوتون اویونجاقلردن و دنیا  
هردرلو منظره لردن، اکلنجه لردن دکرلیدر. بکا سراپلری  
باغچه لری، کوزل طعاملری، شرابلری، آرابه لری، محتش  
لباسلری و یوزلرجه خدمتچلری ایله دنیاک اک بویوک قرال  
اوله جقسک دیسه کز قرالغی ایستمز ایدم؛ مطالعه یی سومیا  
بر قرال اولمغه طاوان آره سنده کتاپ بیغینلری ایچنده اوطور  
بر فقیر اولمغی ترجیح ایدردم. »

خلاصه کتابلر نشئه بخش سراپلرک اناختارنى بزه ویریر.  
(ژ. پ. ریخته ر) دیورکه: پارس تپه سندن، بر تخته کندن  
زیاده اوزاقلر کوزوکور. کتابلر اشیا حقنده دخى نفس حقیقت  
قدر قطعی بر فکر ویریر واکر بر کتاپ بزی مستفید ایتما یسه  
بونده کی قصور دائما کندیسنه عائد دکلدر؛ اوقومغی بيلمک ده  
بر صنعتدر. دقتسز اوقویشک بویوک بر فائده سی اوله مز. هرکس  
اوقویوب یازمغی بیلمر ظن ایدر؛ حقیقتده ایسه ثمره دار بر صورتده  
اوقویوب یازان پک آز کیمسه واردر. (آشام) دیورکه :  
« مطالعه نک، بر سنده اوکرتدیکی شی تجربه نک یکرمی سنده  
اوکرتدیکنندن زیاده در. بو، تهلکدسز اوکره تیر حالبوکه تجربه  
اوکر نمکدن زیاده زحمتلیدر؛ بر چوق قضائر کچر دکن صوکره  
اوسته اولان قپودان پک فقیردر؛ افلاسه اوغرا دکن صوکره  
عقلنی باشنه آلان و جمع ثروت ایدن تجارده مسکین صایلیر.  
تجربه ایله صاتون آلان عقللیق بهالی یه مال اولور. »  
دوستلریمزی انتخاب ایتک لازم کلدیکی کبی کتابلری ده  
حسن انتخاب ایتک ایجاب ایدر. یادیغمز شیلردن نه قدر مسئول  
ایسه ک اوقودیغمز شیلردن ده اوقدر مسئول.

کتابلریمزدن یالکمز فوائد کثیره استحصالی ایچون دکل امکان  
درجه سنده ذوقیاب اولمق ایچون دخى اونلری کوکمزى اکلندیرمکدن  
زیاده فکریمزی مستفید ایتک مقصدیله اوقوملی یز. قولای  
واکلندیر یجی کتابلرک فوائدی شکرک فائده سی کبیدر؛ شکر



غدامزك مهم بر قسمی تشکیل ایتدیكى حالدہ یالکیز بونلکه  
یاشامق ممکن دکلدر .

هیچ برشیئه یارامیان کتابلرده وارددر . بونلرک بر طاقم  
مضرلری وارددر که ضررلری طوقونقسزین اوقونملری ممکن  
اولمز . بعض احوالده حیاتک مهالک و مهاجماتندن خبردار اولمق  
ایجاب ایدر . فقط بزى فمالقله الفت ایتدیرن هرشی بر فمالقدر .  
تشکر اولنور که ، اوقونورکن ای بر اثر اولدقلرینی حس ایتماک  
قابل اولمیان ، کتابلرک مقداری پک چوقدر . اک کزیده اثرلر  
منافع شخصیه دن متجردد بر محیط فکری یه قدر بزى یوکسلتیر ،  
اوراده شخصی هردوشونجه معناسز اولدیغی کی بودنیانک هردرلو  
اندیشه و غائله سی ده اونودیلیر . بویله بر مطالعه یی یاریده بر اقق قدر  
المناک برشی اولمز . « هاهه رتون » مؤثر بر صبر رتده بوندن  
شکایت ایدیور .

« فرض ایدم که قارء دیگر بر عصره ، دیگر بر مدنیته عائد  
بر مؤلفک مطالعه سنه تمامیه طالمش بولونیور . مثلاً افلاطونده  
مندرج اولان سوقراطک مدافعه سنی مطالعه ایله مشغول  
بولونیور سکیز . صحنه بر تابلوده کی کی چشم امعانکیز اوکده  
آچیلیور : بشیوز کشیلک بر هیئت ، تام بر یونان  
طرز معماریسی ، بوتون آتیه خلقی سامعه کیلیمش ، منفور  
« لیتوس » ، دشمنلر حرص ایله ، دائما پایدار اسملری بزم ایچون  
قیمتدار اولان معزز دوستلر حزن ایله مشبوع ، اورته یرده

ایش و یاز کیلیمدیکی قابا یوگدن دیکلیمش لباس ایله فقیر  
یافتلی بر آدم ، چهره سی او یله بر جسارت و سربستلک ایلک  
نور ایتش که هیچ بر آفتور بونی تمثیله مقتدر اولمز . امین  
برضدانک شویله سویلیدیکی ایشیدیور سکیز : « Τιμᾶται δούν  
ανὴρ θανάτου εἶεν » « سوقراطک پریتانده یاشامغه محکوم  
ایدلمسنی طلب ایتدیکی اوغالی پارچه یه باشلار سکیز . نهایته قدر  
بلافاصله مطالعه ده دوام ایده بیلیرسه کیز بوضورتله کچن دقیقه لرده  
پاک بر حظ روحانی دویاجقسکیز که بو ، مساعی فکریه کزک  
مکافاتی اوله جقدر . »

بر ساعت قدر فائده لی بر کتاب مطالعه سیله مشغول اولوبده  
اوندن استحصال فوائد و بختیاری ایتماک قابل دکلدر . بوندن  
حاصل اولان حظ دوام ایدر ؛ و بزه بختیارانه و متانت  
بخش بر خزینة افکار و یریر که هر دقیقه اونی صرف ایده بیلیریز .  
ادبیاتمز نسلمزک میراثی و حقیدر . دنیانک شاعر  
فیلسوفلری و فن آدملرندن بعضیلرینی یتیشدیردک و یتیشدیر .  
مکده دوام ایدیوریز . هیچ بر قوم بوندن دها پارلاق ، دها  
اصیل و دها صاف بر ادبیاته مالک اولدیغی ادعا ایده مز . او ،  
تجارتمز قدر زنکین ، سلاحلریمز قدر قوتلیدر . و مملکتک  
اک بویوک عنوان مفخرتیدر .



## اړتېې فصل

### وظیفه اجتماعیه

مملکتتمزک اداره سنه هېمز معاونت ایدیورز . اک  
بویوک وظیفه لریمزدن بری بو بویوک مسئولیتی در عهده  
ایتمک ایچون کندیمری حاضر لامقدر . بو خصوصده تدقیق  
وتفکر لازم اولدیغی کبی حسن نیته دها زیاده احتیاج واردر .  
ایمپراطور لغمزک بویوکلکی و وسعتی برر تهلهکه منبع لریدر .  
بر چوغنک افکار و تمایلاتی بزمکندن بوسبوتون باشقه اولان  
مختلف اجناس بشریه بی اداره ایدیورز . مثال اوله رف  
هندستانی آلام : اوراده کی اهالی انکلتزه ده کنک اون مثلی  
در ، مختلف اجناس وادیانه منسوب بر چوق جماعتله  
آیریلشدر . اصل هندولر بزم داخل اولدیغمز بویوک عرق  
بشرینک بر قسمی تشکیل ایدیور . بونلرک لسانی یالکیز  
اصلی وتشکلاتی اعتباریله بزمکنه مشابه دکلدر ؛ اونده انکلتزه  
جهده موجود بعض کلماتده واردر . بر چوق هند وکله لرینک  
نهایتنه کلن (Poor) کلمه سی انکلیز جهده کی (۱) borough ه مقابلدر  
فقط هندولر هندستان اهالیسنک بر قسمیدر و هر نه قدر  
زمان و مسافه آرزو مزده درین فرقلر حصوله کتیر مشایسه ده

بونلر جنوبک در اویدییه نلرندن ، مالزلردن و شرقک چینلیرندن  
زیاده بزمه یاقیندرلر . هندولرک دینی اونلری مسلمانلرله جدال حالنده  
بولوندیوریور ؛ او مسلمانلرکه مقدما مملکتک صاحبی ایدیلر .  
واکر بز ترک ایدرسهک ینه صاحب اولملری محتملدر . اک  
بویوک مسئولیتلری بزم تحمیل ایدن هندستان مالیکی اولمغله برابر  
باشقه بر چوق مسئولیتلریمزد واردر . ارضک همان هر قطعه سنده  
دیگر بویوک ملتله تماسده بولونیورز . حسن اداره ،  
اعتدال ، درایت و فطانت ایجاب ایتدیرن بر طاقم مسائل دائما  
حادث اولویور و اوله جقدر .

سیاسیلریمزد نروده مساعدده ، نروده مقاومت ایتمک  
لازم کلدیکنی و ملت ده محافظه ایده جکی دولت آدملرینی بیلملیدر .  
تاریخ بشر خاک ایله یکسان اولان بیوک دولتلرک  
مناقبتی بزمه ارائه ایدیور ؛ مصر ، آثوریه ، فرس و روما  
بویودیولر و منقرض اولدیولر . پک اوزاغه کیتیمکه حاجت یوق  
جنوه ، وندیك ، بر چوق جهتلرجه ، بوکون بزم کبی ، کیلری ،  
مستعمره لری و تجارتلریله ترقی ایتشلر ایدی . بونلرک اوغراه  
دقلری عاقبتیه دوشمامک ایچون اونلرک خطالرینی تکرار ایتاملی بزم .  
بر دولتی وجوده کتیرمک ایچون بیك سنه کفایت ایتمز .  
حالبوکه محوی ایچون بر ساعت کافیدر . (۱)



سیاست خارجی مزه کالنجه : سائر مملکتلرله مناسبات  
دوستانه بی ادامه ایتمک وظیفه من اولدیغی قدر منفعتمزکده  
مقتضیاتنددر . تأسف اولنورکه ملتلر اکثریا یکدیگرینه دشمن  
نظریله باقیورلر . بونکله برابر بر از عرفان بزه  
کوستریورکه هپسی انسان اولملری حسابیه هپسی ده  
یکدیگرینه دوست اولمیدر . غال ممالککنک برخطیبی بوفیکری  
بسیط و فقط غایتله جالب دقت بر تصویر ایلله افهام ایدر :  
برکون قیرده کزینیر ایکن قارشوسونده کی تپهنک اوزرنده  
چیرکین بر جسم کورمش ، یاقلاشدقچه اوراده بر آدم بولمیدیغی  
آکلامش ، بوسبتون یاقلاشمنجه برده باقش که او آدم کندی  
قرداشی ایش .

سائر اقوام یالکیز انسان دکل ؛ حتی بزم قرداشلریمزددر ،  
بر چوق نقطه نظردن منفعتمز مشترکدر . اونلر المدیده  
اولورلر ایسه بزدمدده المناک اولماز لازم کلیر ، اونلرک بختیارلنی  
بزم ایچون بر اییلکدر . انکلترونک اک بویوک منفعتی  
بوتون عالمک صلح وصلاحی واقبالندهدر . حربک شعشعه سی  
افکار بشری یالیزلایور . . . « طنطه ، دبدبدن ، حربک  
آلایشندن » بحث اولونیور . هر نفرک چانطه سنده برمشیر  
باستونی بولمیدیغی سویلنیورده حربک نسل بشره ایرا  
ایتدیکی آلام بی نهاییه دوشونوله میور .  
حربک تولید ایتدیکی ضایعاب و الام پک قورقونخدر و حکم

اصولی حقنده غیرقابل رد دلیلده بودر . حال حاضر نوع  
بنی بشر ایچون موجب خجالتدر . سلاح قوتیه مجادله ایدن  
قبائل وحشیه معذور اوله بیلیرلر . فقط نه قدر مدنی ملتلر  
وارکه عین وساطتی قوللانیورلر ؛ بو یالکیز بزم حسابیات  
اخلاقیه مزه دکل . اذعان فطریمزده منافیدر . بوکون اوروپا  
صلح زماننده ۳,۵۰۰,۰۰۰ کشی بی سلاح آلتنده بولوندیوریور .  
حال حربده ایسه بو عدد ۱۰,۰۰۰,۰۰۰ چیقیدیغی کبی  
۲۰,۰۰۰,۰۰۰ ابلاغی ایچونده حاضرلق وار . بو قوه  
مسلحهنک مصارف سنویه سی لفظاً ۲۰۰,۰۰۰,۰۰۰ لیرایه بالغ  
اولویور ؛ فقط عسکر قرعه ایلله جمع اولونیدیغی  
جهتله مصارفک مقدار حقیقی سی چوق فضلهدر . شونی ده  
علاوه ایدلم که ؛ اکر بو ۳,۵۰۰,۰۰۰ کشی مشمر بر ایش  
ایلله مشغول اولمی اعتباریله مقدار استحصاللری آدم باشنه  
سنهده الی تخمین اولونسه بو تقدیرده ، یوقاریده ذکر اولمان  
مقدارده ۱۷۵,۰۰۰,۰۰۰ لیرا دهها ضم ایتمک لازم کلیرکه  
اوروپانک مصارف حربیه سی یکوتنی ارائه ایدن مجموع مقدار  
سنهده ۳۷۵,۰۰۰,۰۰۰ بالغ اولور ؛ شبهه سز ، پاره دن  
باشقه دوشونوله جک شیلرده واردر ؛ فقط خلاصه ، پاره  
حیات وسعی بشری ارائه ایدر . بو استحضرارت بریه و بحریه بی  
جالب اندیشه کورمامک غیر قابلدر . زیرا بو ، حربی انتاج  
ایتمزه دخی برکون بزی افلاسه و خرابی یه کوتوره جکدر .



اوروپانک باشلیجه مملکتلری کیتدکجه بورجه مستغرق اولویور . صوک یکر می سنه ظرفنده ایتالیانک بورجی ۴۸۳,۰۰۰,۰۰۰ لیرادن ۵۱۶,۰۰۰,۰۰۰ نه ، اوستریانکی ۳۴۰,۰۰۰,۰۰۰ ندن ۵۰۰,۰۰۰,۰۰۰ نه ، روسیانکی ۳۴۰,۰۰۰,۰۰۰ ندن ۷۵۰,۰۰۰,۰۰۰ نه ، فرانسه نککی ۵۰۰,۰۰۰,۰۰۰ ندن ۱,۳۰۰,۰۰۰,۰۰۰ نه چیقمشدرد . بوتون دنیاده کی حکومتلرک عقدایتدکاری استقراضاتک مجموعی جمع ایدیلیر ایسه بونک ( ۱۸۷۰ ) سنه سنده ۴,۰۰۰,۰۰۰,۰۰۰ لق اینانیهلمایه جق ، مدهش وازیجی بر بویوک یکون تشکیل ایتدیکی کورولیور . بو کون ایچون نه دییه جکر ؟ بو مجموع الیوم الی میلیاردن زیادهیه چیقیور ، کوندن کونه آرتقمده .

دها فاسی بو جسم و مخوف یوکک اک بویوک قسمی بر قیمت حقیقیهیه تقابل ایتیمور ؛ بر فائده یی منتج اولمیور ؛ تمامیه وسادهجه اسراف اولونیور ، یاخود حرب ایتک ویا وسائط حربیه یی احضار ایچون صرف اولونیورکه ، بین الملل دوشو - نولورسه ، دها زیاده اسف انکیزدر . حاصلی ، بوکون ، حقیقی بر حال صلح کورمیورز ؛ حقیقی اوله رق ، هر کون محاربه حالده یز ؛ چوق شکرکه ، هجومسز وجدالسز ؛ فقط مؤلم اضطراباتیه ده یوق دکل . انکلتزده بیه واردات ملیه نک ثلثی محاربات مستقبله استحضاراتنه ، دیگر بر ثلثی کچن محاربه مصرفلری تأدیاته کیدیور ؛ مملکتی اداره ایتک ایچون ایسه

انجق بر ثلث مقداری قالییور . بزم وعده لی فائضلریمز جسم بریکون تشکیل ایدیور وسائر مملکتلرک کی ده او قدر قاریشیدرکه بوکون هر هانکی بر حرب ، داخلی بر محاربه دیمکدر .

بیم دستورم هر نه قدر « مرچه باد آباد صلح » اولماسه بیه همان ده بوکایاقین اولدیغنی سویلمکدن چکیمه یه جکم . واقعا بر طاقم مسائل حیاتیه وار ، بونلر حکم اصولنه تابع قیلینه ماز . فقط قونت روسسه ل که بو خصوصده نافذ الکلمدر ؛ بو ذات صوک یوزسنه ظرفنده کی اختلافاتک دائما سلاحه مراجعت ایله حل اولوندیغنی سویلیور .

موسیو « غامبه تا » ایله صوک ملاقاتده بو بحثه دائر قونوشیور ایدک . معتادی اولان شدید طرز بیانیه بکا دیدی ، اکر صرفیات عین یولده کیده جک اولور ایسه فرانسزلر بر کون صیره صیره قیشله لرک اوکنده تسئل ایدن بر ملت اوله جقدر . او وقتدن بری مصارف عین طرزده دوام ایتدی : دها آرتدیریلدی .

اوروپانک حالی جالب اندیشه در . روسیه نهلیستلک ایله خراب . المانیا ، سوسیالیستلردن قورقیور . فرانسه آنارشیتلک تهدیداتیه زبون ، سرعتله افلاسه طوغرو کیدیور . شبهه سز ، آنارشیتلرک جنایات اخیره سنی مشروع ومعذور کوستره بیه جک هیج بر وسیله بولمق ممکن دکل ؛ فقط بوعالمده هیج برشی ده سببسز وقوع بولیور .



اوروپا ممالککنده عمله غایت آز بر اجرتله پک چوق  
چالشیور . ایتالیا دن اخیراً ورود ایدن راپورلر اوقونورسه  
بو مملکتده زراعتله اوغراشان رنجبرلرک طرز حیاتی نه قدر  
سفیلانه اولدیغی اکلشیلیر . فرانسهده وباشقه یرلرده دخی  
کوچوک اراضی صاحبلرینک شرائط حیاتیه سی دها ایی دکلدیر .  
ساعات مساعینک یومیسه سکره ایندیرلمسی مسئله سنه پک  
زیاده طرفدارم . فقط ایکی سنه اول « هاید پارق » ده عقد  
ایدیلان متینغ بونک انجق بین الملل برائتلاف ایله ممکن اولدیغی  
پک عاقلانه صورتده اعلان ایتدی . واکر مؤسسات حاضره  
عسکریه ادامه ایدیله جک ایسه ساعات مساعیدن هیچ برشی  
تزیل ایتک ممکن اوله مایه جقدر . بوکا موفق اوله نک یکانه  
چاره سی حربیه بودجه لرینک تقلیلیدر .

اردو ودونمناک ادامه سی ایچون لازم کلان ویرکولر  
اوروپاده هرقادین وارککی هیچ اولمزسه بر ساعت فضله چالشمغه  
مجبور ایدیورکه کندی فائده لری ایچون اولسه بوساعتده  
چالشماق ممکندر . حقیقتده اوروپانک دینی خرسستیانلق  
دکل ، حرب الهینه عبادتدر . فقط هیچ اولمز ایسه صلحک  
تأمینه جهدایده رک ملل اجنبیه اولان مناسبات دوستانه مزک ادامه سنه  
واونلره مودت ، حقشناسلق وعلو جناب ایله معامله یه صرف  
مقدرت ایده بیلیرز .

برطاق مملکتلر ، احقجه بریولده ، مضایقه مالیه ایچنده

حرب ایتک چالشیورلر . « غوپهر » دییورکه « طاغلرک  
حدودی ملتلر آره سنده بعض وعداوت تولید ایدیور .  
اگر بوحدود اولماسه بونلر هپ بر صویک دامله لری کبی  
یکدیگرینه اولاشیر وبرلشیرلر ایدی . « فقط اصل اک فنا  
سدلر ، ملتلرک آره لرینه کندیلری طرفندن چکیلانلردر :  
کمرک ، ادخالات رسومی الخ . بلکه هیچ برینک فکر  
وتصورنده اولدیغی حالده نیت خصمانه یی یکدیگرینه اسناده  
سبب اولان حسدلر ، بد خواهلقلرده بواک فنا شیلر جمله سننددر .  
اکثریا اساساً بین الملل مسائلدن عبارت اولان بوخاصه  
ومحاسبه فکرلری سیاست داخلیه یی پک اسف انکیز صورتده  
قاریشدیریور . فقط تحقیر ایتک مذاکره ایتک دکل ؛ ضعفی  
اعترافدر . اختلافلر کل صوی ایله یاییامز سوزی پک طوغریدر  
بونکله برابر عالمک تشکیلاتنده محاربه دن زیاده مذاکره ایله  
تبدلات حصوله کیشدر ؛ محاربه یه مراجعت ایدیلان احوالده  
بینه قلم اکثریتله قلیجه حاکم اولمشدر . فکرلر سونکولردن  
دها نافع وقویدر .

( میل ) دییورکه ؛ بشریت ، حیاتک کافه احوالنده  
اختلافاتک اورته دن قالمسنی موجب اولان عمومی بر محبتله  
بر انسانی همجنسلرینه قارشو متحسس ایده جک درجه ده هنوز  
ترقی ایده مامشدر ؛ فقط شیمدی دخی حسیات اجتماعیه سی  
جداً توسع ایتش اولان کیمسه همجنسلرینی ، اکتساب



موفقیت ایچون کندیسنه قارشو مجادله ایدن برر خصم کی تلقی ایتدیکی کی کندیسی موفق اولمق ایچون، باشقه بر شخصی مغلوب کورمکه مجبور اولدیغنی ده اعتقاد ایتمز .

وطنداش وظیفه سنی عاقلانه وفائده بخش بر صورتده ایفا ایچون (بورق) ک دیدیکی کی، اهتمامله فکر مزی تربیه ایتمک، فطرت مزده موجود اولان حسیات ناموسکارانه و عالیجنابانه بی مرتبه کماله ایصال ایتمک؛ حیات خصوصیه ده معزز اولان کافه قابلیت و قدرتمزی جماعتک اداره سینه صرف ایتمک؛ و بو صورتله برر وطنپرور اولمق و جنتلمن اولدیغمزی ده اونو تمامق لازمدر. حیات عمومیه اقتدار موقعیدر، قوت و متانت ایستر. وظیفه سنی طانییوب زماننده اوپویان کیمسه دشمنه تسلیم اولان کیمسه نک عینیدر. بزه ویرماسی لازم کلان شیلری ایستمدکن زیاده وظیفه مزی ایفایه سعی ایدلم.

لورد (بولینگبورق) «وطنپرورلک فکری» عنوانلی تجربه قلمنده سوقراطک شوبیاناتی نقل ایله تصدیق ایدیور «اوکر ندیکی بر صنعته، نه قدر اهمیتسز اولورسه اولسون، تشبث ایتمکه هیچ کیمسه جسارت ایتدیکی حالدده صنعتلرک اک کوچی اولان اداره حکومته هر کس کندینی اهل ظن ایدر.» سوقراط یونانستانده کی تجربه سینه کوره سویلیور. بوکون انکلترده یاشاسه ایدی باشقه درلو سویلر ایدی.

خلاصه؛ عاجلاً حلی مستلزم بر چوق مسائل مهمه قارشو سنده

بولنیورز. هپمز چوقولریمزه بر تربیه ویرمکه چالشیورز؛ فقط بو خصوصده هنوز اک مکمل بر اصول بولدیغمزی کیمسه ادعا ایتمز ظن ایدرم. سعی ایله سرمایه آره سنده کی مجادله تجارت مزی ضعیف شد رmq، فابریقه لریمزک اقبالنی سکتهدار ایتمک اوزره در. آز دها دوام ایدرسه طلبی آزالته رق اجر تدرک تنزلنه سبب اوله جق. بیوک شهر لریمزک محافظه صحتی ایچون پایله جق دها شیلر وار. فن هنوز دور طفولیتده.

بوندن باشقه ترقیاته متعلق کافه مسائل، و آیریجه جماعتک حیات یومیه سی بر غیرت متمادیه محتاج. پارلمنتونک مذاکراتی امور محلیه نک اداره سی، مؤسسات خیریه قلملرینک اداره لری، خلاصه، جماعتک کافه امور و معاملاتنی اشخاصکی قدر اهتمام و دقتی مستلزم.

وصوکره آره مزده بر چوق فقرا وار. فقط قسماً متعدد مؤسسات خیریه مزی زنکیملرله فقیرلر آره سنده کیتدکجه تراید ایدن محبت؛ قسماً حمایه فقرا ایچون وضع ایدیلا قانونلریمز، سربستی تجارت مزی و مستفید اولدیغمز دها شایان ممنونیت بر حالده کی شرائط صحیه من سایه سنده : انکلترده انارشیستلک و سوسیالیستلک اولان میل و آرزو سائر مملکتلرده کندن دها آزدر.



شبهه سز شوق، عالمی حرکت ایتدیرن بر مانیومه در .  
فقط شایان تأسف دکلیدرکه ؛ بربری اوزرینه عدم موفقیت  
دوچار اولان بوش تجربه لر ایله نه قدر زمان و پاره غائب ایدیلیور .  
بو تجربه لر فائده سز اولمقنه قالمیور لر ؛ مضرت ده ایراث ایدیور لر .  
باشقه لرینک یار دیمنه مناسب وجهله شتاب ایتک ظن اولندیغی  
قدر قولای دکلیدر . بونک ایچون زیاده خیر خواهلقه برابر  
قوتلی محاکمه و اصابت نظر لازمدر .

معاونت مسئله سننده پاره پک اساسلی برشی دکلیدر . بو خصوصده  
نافذ الکلم اولان مادمازل ( سهوات ) دیورکه ؛ « غریب برشی  
سویله جکم ؛ بر محله اهالیسی نه قدر زیاده فقیر اولورسه او محله  
پاره ایله معاونتک ، هیچ اولمزسه ابتدای امرده ، او قدر لازم  
اولمیدیغی ظن ایدیورم . » اهتمام و محبتک التوندن زیاده دکری  
واردر . وقتلرینی صرف ایدنلر پاره لرینی ویرنلردن زیاده ویرمش  
اولور لر . فضله اوله رق تجربه و وقوف سز پاره و محبت ایملک یزینه  
مضرت ویرمسندن چوق قور قولور ؛ زیرا فنا یاپیلان شی هیچ  
یایلمیان شیدن زیاده مضرت ایراث ایدر .

معاونت نقدیه دن زیاده امید و قوت ویرمه نک دکری واردر .  
اک مناسب معاونت ؛ باشقه لرینک مزاحمتی کندی اوزریمزه آلمق  
دکل ؛ بلکه او مزاحمتی یالکز باشلرینه تحمل ایتلری ، مشکلات

حیاته جسورانه کوکس ویرمکی او کرم لری ایچون لازم کلان  
اعتماد نفس و متانتی اونلره نفخ و القا ایتکدر .

باشقه لرینک سفالتنه چاره ساز اولمق ایسترایکن استقلال  
بشرک دائره صلاحیتنی تحدید ایتماک دقت ایتلی یز . انسانلره  
یاردیم ایدیلرکن اونلرک باشلیجه اسباب مساعیسی کنیدیلرندن  
نزع ایتک مشکلاتنه دائما دوشولیور ؛ اونلرک حسیات استقلال  
لکارانه سی ضعیفلاشدیریلیور ؛ هر مخلوق که دیگرینک ضررینه  
یشار ؛ عادی بر طفیلی اولمقدن قور تولاماز . بناء علیه انسانلره  
پاره ایله یاردیم ایتیکیز ؛ اونلره کندی باشلرینی قور تارمق و سائلنی  
تدارک ایدیکیز . دائما کندی کمدیمزه صور مالی یز که عجباً یز  
فقرا ایچون وظیفه لرینی حسن ایفا ایتک و سائلنی تدارک  
ایده جک یرده اونلرده کی حس وظیفه یی محو و تخریب ایتک طریقنی می  
تعقیب ایدیوروز ؛ مناسبات بشریه غایت مغلق شیلردر ؛ جواریمزده  
بولنان کیمسه لره چوق شیلر بورجلی یز ؛ فقط هر کس ده  
امکان دائره سننده کندی باشنک چاره سنه باقلیدر .

هر کسی کندی افکاریمزه توفیق حرکت ایتدیرمکه مقتدر اوله مایز .  
یایاجغمز برشی وارسه اوده ؛ کنیدیلرنده موجود اولان عالی فکرلره  
کوره حرکته اونلره معاونت ایتک و تکامل اخلاقیلرینه مصروف  
اوله جق سعیلرنده کنیدیلرینی تشجیع ایتکدر . کمال لطف و کرم له ویریلان  
پاره لر دائما ، شفقت حقیقیه دن زیاده بعض مسئولیتلردن قور تولمق  
ایچوندر . مع مافیه منافع عمومیه ایچون صرف اولونان مساعی



همه حال بر مکافاتی داعیدر . منفعت شخصی تعقیب ایتکسزین  
 یایدیغمز ایشار قدر بزی بختیار ایدن برشی اوله من . دیگری  
 ایچون چالیشمق اک کوچوک ایشله دخی بر شرف علاوه ایدر  
 مساعیکز نه قدر اهمیتسز اولور سه اولسون اونی حسن نیتله  
 ایفا ایدیگز . وطنمزه سلامتی ایچون ، هر هانکی بر مکافان  
 مقابلنده و هر هانکی بر تهلهکیه قارشو ، چالیشمق بزم ایچون  
 بر وظیفه مطلقه در . « اولوم یا خود تهلهکیه قورقوسیه وطن  
 ویا نفسنه قارشو اولان وظیفه سنی ایفادن امتناع ایدن کیسه  
 یاشامغه لایق دکدر ؛ چونکه اولوم کندیسندن قورقونلور  
 غیر قابل برشی اولدیغی کی فضیلت ده دائما باقی برشیدر . (۱) »  
 وطنمزه قارشو ایفا ایده جکمز خدمات نادر آ بویوک تهلهکلری  
 موجبدر . بو خدمات ، اک زیاده استراحت واکلنجه زمانلری  
 بر قسمی فدا ایتک ، وقتمزه بر ازینی پک قهرمانجه برایش اوله من  
 کورونمیان یا خود اوصانج ویرن و فقط لزومی درکار بعض  
 وظائف ویا مساعییه تخصیص ایتک ایله ممکن اولور .  
 عمومه عائد ایشلر - قومیسینلر ، انتخابات و انتخاب  
 جمعیتلری ، نطقلر ، مجالس بلدییه و عمومیه ، - ایشته شبهه  
 پک شاعرانه اولمیان ، قلبی چارپدیرمیان شیلر  
 معافییه صلح زماننده بر انتخاب رأیی حرب زماننده  
 بر قیلج ضربه سینه معادل اولمغه برابر لزومی ده ده

دکدر ؛ فضله اوله رق بونده قان بولاشیغی و صلحک اخلاالی  
 بوقدر .

انتخاب رأیی برحق دکدر : بروظیفه درکه بونک ایفاسی  
 ایچون هیمز کندیمزی حاضر لامغه مجبورز .

هیچ بر کیسه همشهریلرینک منفعت مقابلنده اولمیان  
 مساعیسی فوائدندن استفاده ایتکه ، اومساعییه نه قدر ضعیف  
 اولسه ده قدرتی یتدیکی قدر اشتراک ایتکسزین ، حق قازانماز .  
 نه قدر خود بینانه و بایاغی دوشونولسه بیله انسانک وظائف

اجتماعیه سی ایچون صرف ایتدیکی زمان اصلا ضایع عداولنه ماز .  
 « زیرا بزه یاقین اولان کیسه لره محبت ، اونلر ایچون چالیشمغه ،  
 اونلره معاونته ، اونلری محافظه یه اولان میلمز ؛ جهالت  
 و خطالری آزالتمق ، سوء تفهملری ازاله ، انسانلرک متالم اولدیغی  
 سفالتلری تحدید آرزوسی ، زمانمزه عالمک اسکینندن ده  
 ای و ده بختیار اولسی آرزوسنی بزه حصوله کتیرن پاک  
 حسیات ؛ هپ بونلر جدا اجتماعی بر طاقم تمایلاتدرکه دیکرلرک  
 مسعودیتنی ضم و علاوه ایدرک بزم بختیار لغمزی آرتیریر . (۱) »  
 (مارق اورهل) ک شو صاف سوزلرینی ده دوشونولهلم :

« جناب حقک سنک درونکده موجود اولان حکومتنه کماله  
 ایرمش ، منافع عمومیه یه محبتکار بر مرد ، بر رومالی ، بر ایمپرا  
 طور ، موقعنده ترامپت اشارتنی بکلیمان بر عسکر ، ترک حیاته



مهیا وسوزی نه برشاهدك تأییدینه نه ده برکیمسه نك شهادته  
محتاج اولمایان بر آدم تقدیم ایت» .

وظائف عمومیه مزه تخصیص ایتدیگمز زمانلر ضایع دکلدنر.  
«اکثریا بووسیله ایله ایملك یاپاییلمکی اوکره نیرز»

آرزو ایدن جسور و ای بر وطنپرور اوله بیلیر .  
هرکس برر صورته، منافع عمومیه تهعلق ایدن ونتایجی اعتباریه  
انسانلری دها بختیار ، دها صاف و دها فضیلتکار ایده جك  
اولان ، بعض مائر خیریه اشتراك ایده بیلیر .

## ارنه برنجی فصل

### حیات اجتماعی

بز کمال افتخار ایله انکلیرك اوی قلعه سیدر دیرز . فقط  
بوکافی دکل . بوتون دوشونجه سی اونك اطرافنه تجمع ایملی .  
اوراسی کندی (هوم ۱) ی اولمایدنر . اوینی قلعه یاپان مملکتنك  
قوانینی ایسه (هوم) ی یاپه جق صرف کندی ارزوسیدر .  
بوکانه ایله موفق اولور ؟ محبت ، صمیمیت و اعتماد ایله .  
چو جو قلاق خاطر اتمز ، ابونمزك ایملکی ، کنجلمکده کی امیدلرمز ،  
بزی برادر و همشیره لریمز بندایدن روابط صمیمیه و حسیات  
تقدیرکارانه مز ، کندیلرینه کوردیکمز اوفاق خدمتلر ، منافع  
مشترکه مز ایشته بوتون بونلر (هوم) ك قوت و صافیتنی تأمین  
ایلر .

ایچنه محبت داخل اولمایان براو قلعه ویا سرای اوله بیلیر .  
فقط هیچ بر زمان بر «هوم» اوله ماز زیرا (هوم) ك وجودی  
محبته قائمدنر . «ایچنده محبت اولمایان بر او روحسز بر جسده  
بکزر»

«جناب حق قورقوسی ایله برابر مسرور اولان بر، قلب

(۱) انکلیرك طرز حیاتلرندن ظهور ایتش اولان (هوم) کلمه سنك  
تورکجه ده مقابلی یوقدر . (مترجم)



توکنمز بردفینه در ، بویوک بر ثروته ترجیح اولونور . دوستلق  
ایله نیلن بر اوت ؛ البته کین و غرض ایله پیشمش بر سمیز  
اوکوزه ترجیح اولنور . « (۱)

« برکلبه فقیرک محیط سکوننده نیلن قورو اتمک ،  
غوغا و کورولتو اکسیک اولمیان مطمئن برأوده ینه جک یاغلی  
اتلره ترجیح اولنور . » (۲)

مسکنمزی اولکی کبی بویوکلرک یا خود حکومتک تجارزاتندن  
دکل ، حیاتک آلام واکدارندن بزی صاقلادیغی ایچون سورزا  
اوله آسوده برلیماندرکه حیاتک فورطنه لرینه طوتولدیغمز  
زمان اوراده سکون و راحت بوله جمزدن امینز . حیاتک  
فورطنه لری دیورز اوت ، زیرا اک مسعود یاشامش اولان  
آدملربیه حیاتک ولوله لی زمانلرینی کورمشلردر . قولایچه  
قازانیلمش موفقیتلرانسانه نه بختیارلق نه ده حضور قلب ویرر .  
انسان حتی جنتده بیله اولسه یالکز یاشامق ایچون  
یارادلامشدر « برروح مجرد سماده بیله اولسه نه یاپه جق ؟ .  
( برناردهن دوسه نپیه ) . لکن هرکسک دوشونجه سی دائما عائله سینه  
متوجه اولسه دخی خارجی مؤثرات ایله ده بسلنمه لیدر . بز نه  
یالکز یاشامق ایچون نه ده بوتون بوتون جمعیت ایچون یارادلامشدر .  
ایکیسی ده فائده لی حتی لزوم لیدر .

(۱) ضرب مثل ،

(۲) »

« سودیکم باغچه نک چیچکلری نه عالمک دغدغه سی ایچنده ؛  
نه ده اوندن بوسبتون اوزاقده آچیلیر .

ازدواج و وفات آیینلرنده چالینان چاکلر ولوله دار شپردن  
اوکا خبرلر کتیریر . اوطوردیغمز قنایه یی قوشاتان صبیق  
یپراقلرک کولکده سی آرمسندن کلیسا ساعتی چا کنک هواده کی  
اهتزازی ایشیدیلیر .

کلیسا ایله باغچه آرمسندمه کورمه کلرک یکنسق و عاطل ضرباتی بایغین  
نیلوفرلرینی اوقشایان ویوکلی کملرک آغیرلغی آلتنده یواش  
یواش آقان کنیش ایرماغک صولادیغی - بویوک بر چایر  
سسلرک ورودینه برمانعه تشکیل ایتمز .

( تنیسون . باغچوان قیزی )

طبیعتک کوزللی بر مسعودیت ابدیه در . فقط قلب قارار مشسه  
سمانک پارلاقلی فائده ویرمز .

بز حرمت و محبت حسیاتی عائله مزدن اوکره نیرز .  
عائله بوتون مدنیتک اساسی و بزه ایسکلر اوکره تن ، اک  
عالی ، اک پاک حسیاتمزی تحریک ایدن برمرئی حقیقتدر .  
ملکله بیله باشقه لرینی بختیار ایتمکدن ده بویوک برشی  
یپه بیلیرلرمی ؟

اویکز ساده ، چیرکین ، سویمسز اوله بیلیر فقط اوراسی  
سزک محیط نفوذ و وظائفکزددر . اوراده نه قدر چوق  
مشکلاته تصادف ایدرسه کز اومشکلاتی یکمک بختیارلغنه ده



اودر جهده مظهر اولور سگیز .

آلام واکداره ، عدالتسزلکه تحمل ایتمک اک کوچ ایشلری  
باشار مقدن زوردر بوموجودیتکزدن ایتدیککیز بر فدا کارلقدرکه  
پاره ، قوت وزمان فدا کارلغندن دها بویوکدر .

باشقه لرینی بدبخت ایتمک ایستیان آدم لریک آزددر . فضله اوله رق  
بونلرک بنم شوراده یازدقلریمی اوقوملری اصلا محتمل دکلدر .  
چوق کره دیکر لرینی رنجیده ایتمکه قلبسزلکدن زیاده  
ملاحظه سزلق ودر ایتسزلک سبب اولمشدر . هرکسه کولریوز  
کوستریکیز ونوازشکار صمیمی سوز ایله خطاب ایدیکیز .  
بزجه معزز اولانلری یالکیز سومک کفایت ایتمز ، اونلری  
سودیکمزی دلایلله اثبات ایتلی یز . چوق کره اک زیاده  
سودیکمز و اک زیاده اییلکنی ایتدیکمز کیمسه لری دوشو .  
نجه سزلک یوزندن رنجیده ایلرز . تشجیع کارانه سویلنمش اک  
ساده سوزلرده بیله بعض کره نه متین براس تنادگاه اخلاقی  
بولمادیغنی هیمز بیلیرز .

لورد چه سترفیلد دیورکه : « چوق دفعه سویلدم  
و دایماده سویلرم که اک زیاده بیلنمیان بر شی وارسه  
اوده ( حقیقی سوکی ) و ( حقیقی نفرت ) در . قباحترلرینه  
اغماض عین ایدهرک وحتی بعض کره بوحرکتلرنده کندیلرینی  
تشجیع ایدهرک سودکاریمزی ضرر دیده ایتدیکمز کی ، نفرت  
ایتدیکمز زمانده احتراساتمز قاپیلیور لزومسز یره حدتلنه رک

هیجانه دوشهرک کندی کندیمزی ضرر دیده ایدیورز .  
دوستلرمزک آراسنده بیله بر موجودیت مجرد مز وار .  
« بزباشقه لريله مقایسه ایدیلیرسهک بر دکز اوزرنده کی مختلف  
آطه لره بکزه رز : جسدلرمزک ایچنه حبس اولونمشزدر .  
( ژان پول ریختز ) »

احبامز حتی اقربامز حقنده نه قدر آزشی بیلیورز . بعض  
کره عین عائله نک اعضاسی بیله بری برلرندن پک آیری یاشارلر .  
یاشایشلری او یله بر طاقم خطوط متوازیه تعقیب ایلرکه بوخطوطک  
اصلا یکدیگرینی قطع ایلک احتمالی یوقدر .

« بزى اك زیاده سوهن قلبلر بیله اوفاق بر تبسممز یاخود  
شهیق اضطرابمز آرقه سنده کیزله ن حسیاتک یاریسنی بیله کشفه  
مقتدر دکلدر . ( که بهل ) »

کونلریمزی هوانک اییلک ویا فنا لغندن ، صو ک نشر اولونان  
بر رومانندن ، سیاسیاتدن ، قومشولرمزک فضائل وخطایاسندن  
والحاصل حیات خصوصیه مز ایله هیچ مناسبتی اولمیان بر طاقم  
شیلردن بحث ایدهرک کچیررز . ایشک اصل غریبی اک عادی ،  
اک اهمیتسز شیلردن اک زیاده بحث ایدیلدیکی کی سویلیه جک  
لقردیسی اک آز اولان کیمسه لر اک زیاده کوزمک ایدر .

قونوشمق صنعتنک نه قدر زور اولدیغنی پک آز کیمسه فرق  
ایدر . بر عائله نک تمامیه متحد و حسیات مشترک یه صاحب اولمسی  
ایچون افرادی آره سنده یالکیز محبت بولونمسی کافی دکلدر ؛



عین زمانده طبعاً و اخلاقاً توافقك و بیان افكار ایتك وایتدیرمك  
ملكك سنك وجودی لازمدر. اگر کوروشدیککز آدمز سزی  
اکنلیر من ایسه سز اونلری اکنلیرمك چالیشکز .

بعض آدمز واردرکه عقلارینه نهکیر ایسه سویلکی  
شرف عد ایدرلر. شبهه سز سویلن سوزلرک طوغری وخالص  
اولمی ایدر. فقط قونوشور ایکن سویلنه جك سوزلری انتخاب  
ایتمك لازمدر. اگر سویلدیکن سوزلرک مفید اولمسنی ایسته  
یورایسهك براز غیرت ایتلیر. نشئه سز بر آدمك ضرری اول  
کندیسنه در ؛ «او ، دائما باشقه لرینی حدتلمدیردیکی کی ؛  
کندیسی ده هر شیئه حدتلمهرك دائما غیر ممنون اولمقدن باشقه  
بر شیئه کوکلی راحت ایتیه جك برحاله کلمشدر . (۱)»  
و دائما غیر ممنون اولدیغی ایچون هیچ بر زمان مسعود  
اوله ماز. عین زمانده باشقه لرینك مسعودیتنه ده نقیصه ایراث ایدر.  
اطرافزده بولونانلری مسعود ایتك ، طرفزدن بویوك بر فداکارلغی  
موجب اولماز . بونکله برابر مسعود ایتکی ایسته مک ده کافی  
دکدر . بو خصوصده تجربه دیده اولمق وکمال درایتله حرکت  
ایتمك لازمدر . ایملک ویا فنالقدن هرایکیسنی ده تمامیه اجرا  
ایچون صرف دقت ایجاب ایدر .

خیرخواهانه و محبتکارانه اطوار و حرکات چوق ایش  
کوریر . براسکی ضرب مثل «انسانی اوضاع و حرکاتی وجوده

کتیریر « دیور . و بر چوق آدمز اطوار و حرکاتلری  
سایه سنده کسب و ثروت ایتدکلری حالده دیگر بر طاقلری  
بو خصوصده کی قصورلرندن طولانی موفق اوله مامشلردر .  
برباش وکیل بیه ارقداشلرینی ، یالکیز تجربه لرینی ،  
بلاغت لرینی ذکالرینی و ساجیه لرینی نظر دفته آله رق دکل ،  
بلکه بعض کرده اونلری اوضاع و حرکاتلری اعتباریه انتخاب ایله  
عمومك ممنونیتنی جلب ایتکی بیلنلری بو خصوصده ترجیح ایدر .  
روایت ایدرلرکه رسام ( روبن ) بر فورچه پی بردفه  
سور شده بر چو جوغك سیما سنی ایستر ایسه کولدیریر ، ایستر  
ایسه آغلادیرمش . ساحه حیاتده هیمز بواقتمداره مالکیز ؛  
بعض کره بوکا برکله بیه کفایت ایدر .

توبیخ ایده جکمز کیمسه پی خصوصی صورتده توبیخ ایدوب  
هرکسك یاننده مدح ایتکی بزه توصیه ایدن حکمیات قیمتداردر .  
بر مقصد خیرخواهی پی احساس ایده جکی جهتله ، خصوصی  
سوزلریکنز ممنونیتله دیکله نیلیر . علناً ایدیلان مدح دخی ای  
بر مکافات و تشویق اولمسنه بناء سوزلریکنزک تاثیراتی پک  
بویوك اولور .

بریسنی توبیخ ایتکه مجبور اولور ایسه کز جدیت و اعتدال دن  
آریلایکیز و کندیسنی توبیخ ایتکه مجبور اولدیغکزدن طولانی  
تأثرکزی ارئه ایدیکنز وحدتلممامک ، میتهج اولمامغه امکان  
درجه سنده چالیشکز . آرکیتاس بر کون اسیرینه دیمشدی که :



« حدتلی اولمایه ایدم سنی جزا دیده ایدردم »

اگر حدتلی ایسه کز بر مدت بکله یك ولاقیردی سویله مزدن اول دوشونك ( ماتو آر نولد ) دیورکه : بر عالی تربیه نك اك قطعی علامتی دائما احوالی نظر دقته آلاان و افعاله شدتله اشخاصه ایسه ملایمتله حکملر ویرن پایانسز مرحمتدر . اولوم هیمزی مساوی بر مرتبه ده بولندیره جقدر ؛ بونی در خاطر ایدیکز هرکسه نازك آدملره یاقیشه جق بر رفق و ملایمتله معامله ایدیکز .

يك زیاده مجبور اولمز سه کز بر محبکزدن حدتلی و طارغین اوله رق آیر یلایك ، هر آیر یلغك قطعی اوله بیله جکزده دوشونك . اوله سوزلر واردرکه عادتا کونشك ضیاسنه تشبیه اوله بیلیر عکس ایتدیکی یرلری تنویر ایدر ، فقط بر طاقملری ده واردرکه اوق کبی دیر ، ییلان کبی زهرلر . فنا سوزلردن بوقدر معذب اولور ایسهك خیر خواهانه سوزلردن يك چوق ممنونیت و بختیارلق حس ایتزمی یز . ( جورج هربرت ) دیورکه : ای سوزلر ، صرف ایدن ایچون بر فداکارلق اولماقلا برابر چوق قیمتداردر ، زیرا :

« کلشی کوزل آتیلش بر اوق آتاتك امید ایتدیکی بریره ناصل صاپالانه بیلیرسه ، بویله جه صرف اولونمش برسوزده المیدیه برقلای رنجیده یاخود تسلیه ایلیه بیلیر . »

حسیاتی افهام ایچون . بعض کره سوزدهده احتیاج

یوقدر . ( سن پیه ) حضرت عیسی یی انکار ایتدیکی زمان جناب مسیح کندوسنه ساده جه بر نظر عطیفیه اکتفا ایلدی . بونظر حزن انکیز پیه رك برکوشه یه چکیله رك آجی آجی آغلامه سی ایچون کافی کلمشدی .

برباقیش انسانك قلبنه القای حزن ایتمه کافی کلمدیکی کبی اوزون بر آیر یلقدن صوکره تعاطی اولنان نظرلر انسانی بعض کره درجه سنز سوبندیرر . دوستانه بر تبسم اك قره کونلریمزی آیدینلاته جق بر قوتی حازدر . ( لایرویه ) ك دیدیکی کبی « سودیکمز کیمسه لر ایله برابر بولمق بزم ایچون کافیدر . » چوق کتوم اولماییکز . حسیاتکزی اظهاردن چکنمه يك یالکیز صاحب خلوص اولمق کفایت ایتمز ، بوخلوصی فعلیات ایله ده کوسترمك لازمدر . حسن امتزاج شفقتدن زیاده ایش کوریر ؛ محبت پاره دن دهاد کرلیدر و طاتلی برسوز برهدیه دن زیاده موجب ممنونیتدر .

احبا کزی يك چوق احتیاط و ملاحظه ایله انتخاب ایدیکز « بونلر حیياتك اك کوزل واك قیمتدار مزیناتیدر (۱) » ( جورج هربرت ) دیورکه : احبا کزی ناموسلی وای آدملردن انتخاب ایدیکز ، سزده اونلر کبی اولورسکمز . اسپانیوللر ك بر ضرب مثلی واردر . « کیملر ایله کورشده یلککزی سویله ییکمز ؛ کیم اولدیغکزی خبر ویرهیم . »



احباب انتخابی مسئلہ سی اہمیتیں برشی دکلدی . نیجہ کامل آدمی ، شوخ و دل باز قادیانلرله کورشمک نتیجہ سی اولہ رق محو اولمشلردی .

لیلی « دوستلق جوهر حیاتدر » دییور . دوستیں آدمی پک زیادہ شایان تر حیدر زیرا بو حال انفرادہ قالمیرینہ شبہیں یالکزی کندیلری سبیدرلر .

« هیچ برکیمسہ بوقدر طالعزده اولہ ماز ،

هیچ برکیمسہ بودرجه بوسبتون حالت انزواده دکلدی ، چونکہ هیچ برقلب اونک قلبیلہ امتزاج ایچون کیزلیجہ

اولسون اهتزاز ایتمایور . (۱) »

(کہ بہل) ک شو حزن انکیز سوزلرله کوستردیکی کبی حالت

انفرادہ قالب منزویانہ می یا شایہ لم ؟

هر کس مسرت ویا کدرینک محیط منفردی ایچروسنه قاپانمش .

روحلریمز خصوصی حجرہ لرنده اقامت ایدیور ، یا شایور .

وکوزلریمز هر قلبدن تشعع ایدن ضیای داخلیہ کورہ ؛

اطرافده کی شیلری مسعود ویا المناک کوریورز . (۲)

بونکله برابر ، انزوا ، اکثریتله آرزو اولونور برشیدر ؛

زیرا انسان اصلا آیرلماغه محکوم اولور ایسه قومشوسنی سومک

کسب مشکلات ایدر .

(۱) لونف فہلو

(۲) کہ بہل

بعض زمان اولورکہ شکایتده پک حقی اولدیغیزی ظن ایدرسکزی . ایشته اوزمان منصف و صبور اولیکزی . و کندیکزی قارشو کزده کنک یرینه قویوکزی . قطعاً عجلہ ایله میکزی . طبیعت عجول دکلدی . اسکی برسوز واردی « چوق قوشان چابوق یورولور . » دیرلر دیکرلریله مجادلہ اتمک ایچون عجلہ ایتہیک . برحرکتده بولنمزدن اول ایجہ دوشونک . دوستکزی مناسبتیں برحرکتی ایله نه قدر قیرغین اولسه کزده یکرمی درت ساعت صکرہ بوحرکت نظرکزده باشقه بررنک الاجقدر .

نکته لی سرت و مؤثر برمکتوب یازدیکزی ایسه اونی ایرتسی کونه قدر براقیکزی ، طورسون ؛ سزه تآمین ایدرمکه ایکنجی اوقویشکزده بومکتوبی یرته جقسکزی .

دوستکزه ممکن اولدینی قدر مربوط اولیکزی . شہہ لی دوست صاحبی اولمقدن ایسه هیچ دوست صاحبی اولماق اولادر .

« غرضکارلرک یانہ اوغرامہ ؛ فاسقلر ایله هیچ کوروشمه زیرا اونلر برکیمسہ یه فزالق ایتمزلر ایسه اویقولری قچار ، اونلر غرضکارلق اکمکنی ییورلر ، زوربالق شرانی ایچیورلر ؛ فقط طوغرولرک یولی کون تمامیلہ آیدینلا نیجہ یه قدر نشر انوار ایدن پارلاق ضیالره بکزر . »

غرضکارلر واحقلر ایله دوست اولق هر نه قدر ای دکل



ایسه ده دشمنلقلرینی قازانمق ده پك معقول دكلدر ؛ زیرابونلرك  
عددی چوقدر .

( له م ) دییورکه هدیه لر غائبده کیلری تعزیزه وسیله  
اولور ؛ فقط ایلك ، صبر و صمیمیت بو خصوصده هدیه لردن  
دها فائده بخشدر .

دوستلركك ، سزدن ویره بیه جككز قدرینی ایسته مکه  
حقلری واردر . فقط استقراض اتمکه حقلری یوقدر . شکسپیر  
دیرکه : نه بورج ویرك نه ده آلك ؛ زیرا انسان پاره سنی غائب  
ایتدیکی کی دوستنی دخی غائب ایدر . بورج آلان بر آدم قطعاً  
مقتصد دكلدر .

سلیمان بزه خبر ویریورکه : بر اجنبی یه کفالت ایدن  
پشیمان اوله جق ؛ فقط کفالتدن قاچانلر امین قاله جقلردر .  
دوستلركك سزی پك چوق تهلكه لردن وپك چوق کدرلردن  
قورتاریرلر . ایمراطور آوغوستوس قیزی ژولینك مناسبتسز  
حرکاتندن پك زیاده محجوب اولدیغی زمانلر « آغریپا یاخود  
مه سمن صاغ اولمش اولسه ایدی بونلرك هیج بری اولمایه جقدی »  
دیمشدی .

ای دوستلره مالك اولدیغكز زمان بونلری غائب ایتماکه  
غیرت ایدك .

« صداقتلرندن امین اولدیغك دوستلری قلبه چلیك چنبرلر  
ایله ربط ایت ( شکسپیر . ) »

دوستلركك سزدن هیج ایجمه سونلر .  
دوستلرمزدن اولوم ایله ایرلدیغمز زمان بیه کندیلرینی  
تکرار کورمك امید لطیفنی صاقلایه بیلر . بوا مید کندیلرینی  
غائب ایتدیگمزدن طولانی بزی تسلیه ایتز فقط آجیلرینه کمال  
توکل ایله صبر ایتمکه یاردیم ایدر .

حیاتك اك بویوك ایشی شبهه سز ازدواجدر . عشق طبیعتی  
هیئت مجموعه سیله کوزلله تیر و تهییج ایدر . حقیر قوردی هلك  
یایوب اوچوران ، ایلك بهارده قوشلرك قنادلرینی اك نظرربا  
رنكلرله یاریلداتان ، آتش بوجکنی شعله دار ایدن ، قوشلری  
اوتدیرن ، شاعرلری سویله تن اودر .

بی حس موجودات بیه تأثیرات ساحرانسی آلتنده باشقه  
لاشیر ؛ چیچكلر درلو درلو پارلاق رنكلر آلیر .  
سیمونید دیرکه « انسان ای برزوجه یه دوشرسه کنیدی  
ایچون اوندن بویوك لطف حق یوقدر ، فناسی ایسه اك بویوك  
مصیبتدر . »

« مكلف برأوده غاوغاجی برقادین ایله اوطورمه قدن طاوان  
آراسنده یالكز باشه اوطورمق ایدر . »

زوجه انتخابی مسئله سنه کلنجه ؛ فائده لی بر نصیحت ویرمك  
نازك بر مسئله در . بونكه برابر بعض دوشونجه لر عقله کلیر .  
چوق ایرکن اولمك ای دكلدر . نه پاره ایچون نه ده پاره سز  
ازدواج ایدك . ازدواجك بوتون مسئولیتلرینی قبول ایتکی کوزه



آلدجه اولمەيك ؛ زیرا اولنن انسانلر ياك بختيار ياخود ياك بدبختدر .

برقادين آلمق بويوك برمسئوليت آلتنه كيرمك ديمكدر .  
ظواهره اعتماد ايله آلدانميكز ، « زیرا ازدواج نظر والتفات ايله ال صيقمق دكلدر ؛ بلكه عقل و قلبه تعلق ايدر بر ايشدر ! »  
اي بر زوجه حیات ماديده اولديغی کي حیات معنويه دهده  
براستنادكاهدر . شكسیر دیورکه : « اك دنى آدملىر بيله محبت  
ايتدكلى زمان قلبلرنده ، كندى يراديلشلىرنده اولميان ، بر  
نجابت اصيلا نهك انكشافنى حس ايدرلر . اك دنيلر بويله  
متاثر اولور ايسه قلبلىرى اصلاً نجيب اولانلر نه اولماز .

« بر ازدواج بختيار ايسه بو بختيارلغى افاده ايدە جك كلمه يي  
نرمده بوله جغز . زیرا بو بختيارلغك ربط ايتديكى انسانلرى  
نه كدر ، نه مسرت ، نه اقبال ونه ده ادبار يكدیكرندن آيره مز .  
بر برلرندن اصلاً قاجمزلر و اوصانمازلر . ( تر توليهن ) »

زوجه كزى « اى وفنا كو نكزده ، حال ضرورت ورفاه كنزده  
خستهلق و صاغلاق زمان كنزده والحاصل ، اولونجه يه قدر ،  
مدت حیات كنزجه » سومك واعزاز ايتك ايچون آليورسكنز .  
ستانله ی دیورکه « بختيارانه بر ازدواج حیاتده يكي بر  
دوره مسعودهك باشلانجی ، سعادتك منبعی در . ماضيمزه ،  
بوتون دليلكلمزمه خطالرمزه الوداع ديوب او كمزده آچيلان

ساحه استقباله كال قوت وجسارتله آتيلماز ايچون بويوك  
ويكانه فرصتدر . خانه مزى برمسعوديت علويهك تمثالى ياقمق  
ممكندر . زوج وزوجه ، والده و پدر ، برادر و همشيره ، اقربا  
و چو جو قلى برى برلرينه باشقه لرينك قادر اوله مديغى بر چوق  
ايلكلرده بولونه بيلورلر . زیرا ايلك ايتك ايچون ياك چوق  
فرستلر ظهور ايدر . عائلهك هر فردى ديكرلرينك طبيعتنى  
ياك اعلا بيلير ؛ عيى قاندىن اولدقلى ايچون يكدیكرينك  
بختيارلغنده ، موفقيتنده و ايلك كنده هر كسدىن زياده علاقه داردرلر  
زیرا برينك ايلكى ديكرينك ايلكى در . برينك كدرندن ،  
ضعفندن ، عدم موفقيتندن هپسى عيى صورتله متاثر اولور ،  
هپسى عيى صورتله الميده اولور . ايچلرنده برينك نجابت  
وصافيتى ديكرلرينى - حتى ارزولرى خلافيه اوله رق بيله -  
يوكسه لته جك ، كنديلرينى سمايه ، جناب حقه ايسال ايدە جكدر .  
چو جو قلى ، انسانك اوزرينه بويوك فقط خوش بر  
مسئوليت تحمیل ايدرلر . عاقبت انديش اولميان ابوين « مادامكه  
جناب حق چو جو قلى رمزه آغيز ويرمشدر ؛ غذا دخى ويرير »  
ديه اولنره باقق خصوصنده مسامحه كار داورانمغه كنديلرينى  
حقلى كورورلر . فقط ( آر نولد ) ك ياك طوغرو اوله رق  
بيان ايتديكى كى ايجه بسلمه ميه جك ، راحت يشاتيله ميه جق  
چو جو قلى ميدانه كتيرمك قدر غير قابل عفو بر جرم يوقدر .  
چو جو قلى محبت عائلهك حار و صميمى محيطنده بويومه .



لیدر لر. صمیمیت کورمش چو جو قلا حیاتک کرم و سر دینه  
دها زیاده متحمل اولور لر .

سوکلی چو جو قلا ایله بر آرده بولونمه نك نه بویوک  
بر سعادت اولدیغنی انجق اولاد لرینی جان و قلبدن سونلر  
بیلیر . اونلرک کندیلرینه مخصوص حال و حرکتلری ،  
ککله یه رک سوز سویلمه لری ، معصومیتلری ، اکسیکلک لری ،  
آرزولری اونلره مالک اولمقدن ممنون اولان و الفتلرینی  
سوهن بر کیمسه ایچون تجلیات مسرت و تسلیتدر .

« فقط زوجه سنی و اولادینی سومیه ن کیمسه اوینده بر  
ارسلان بسلور و بر منبع ا کدار و آلام ادامه ایدیور دیمکدر .  
آرتق رحمت الهیه دخی او آدمی بختیار ایده مز ؛ چونکه  
زوجه لریمزی سومکلکمز حقنده جناب حقک اوامری بزه  
احسان ایلدیکی ضروریاتدن و وسائط نشاط و مسرتدن  
عبارت اولدیغنی جهته زوجه لریمزه محبت ایتماک کمز رحمت  
الهیندن مستفیض اولمقلغمزه مانع اولور . (۱) »

## اوره ایکنجی فصل

### اشتغال

هیچ بر شیء ، خصوصیه زمانی اصلا اسراف  
ایتمه یك . زیرا هر کون بر دفعه لقدر ، بردها کلز . زمان حقک  
اک بویوک احسانیدر ؛ بر کره صرف اولونجه بر دها اعاده  
اولونه ماز .

« واقع واقعدر ، کچن ساعت اصلا عودت ایتمز . (دریدان) »  
زمانکزی ، حسن استعمال ایده مدیککز دن طولانی بالآخره  
کندی کندیکزی تقبیح ایده جک صورتده ، قوللانمایکمز .  
« چوق کچ قالدق » ، « بو اوله بیله جک ایدی » دیمکه  
مجبور اولمق پک حزن آوردر . زمان المز عاریه ا براقیامش  
بر دینه درکه صوکره هر لحظه سنی نصل صرف ایتدک  
دیه بزدن صوراجا قلا . « اویقوده ، ییه جکده فقط اک زیاده  
زمانده مقتصد اولیکمز . »

( نهلسون ) نائل اولدیغنی موفقیاتی کندیسنک بکله نیلیدیکی  
بر یره دائما بر چاریک ساعت اول کیتمکده کی عادتنه عطف  
ایدیور . لورد ( مهلبورن ) چو جو قلا ره شو سوزلردن  
باشقه بر سوز سویلناملیدر دیور : « حیاتده موفقیت  
کندی الیکزده در . غیر تکزه کوره یا آچلقدن اولور یا خود



مظفر اولورسکیز . »

اشتغالک یالکیز موفقیتیه دکل ؛ انسانک طبیعتی اوزرینده تأثیراتی وارددر . ( ج . تایلور ) دیورکه « قطعياً تنبل اولما . بوش وقتلریکی مفید ، جالب مراق اشتغالات ایله کچیر . زیرا معصیتلر وجودک عطالتی ، فکرک عدم فعالیتی نتیجهسی اولان بو بوشلقلره قولایجه نفوذ ایدر . وجودی یرنده فقط تنبل اولان آدمیلر ایشسز قاله قاله نهایت عالم سفاهته دالارلر . اشتغالات جسمانییه دیگر اشتغالاتدن زیاده انسانلری فنالقدن محافظه ایدر . »

که بهل ایسه « دنیا وزمان اوילה برر امتحان میدانیدرکه اورالرده آخرت وابدیتیه واعصار مستقبلهیه حاضرلیرز . جناب حق اورادهکی احوالیزی بورادهکی طرز حرکتیزه کوره تعیین ایده جکدر . » دیور .

برانسانک الکعالی مقصدی ، الکوزل ارزوسی باشقلرینک بختیارلغنی براز اولسون چوغالتمق ، اخلاقنی آزیجق اولسون یوکسلتمکدن باشقله برشی اوله ماز .

پهر دومه دیچی (۱) مشهور هیکل تراش ورسام میکل آثری قاردن برهیکل یاقمده استخدا مایتمشدی . بو ، قیمتدار وقتلری احقجه اسراف ایتمکدن باشقله برشی دکلدی . بزده

(۱) اوزون برزمان فلوارنسه ده اجرای حکم ایتمش اولان (مدیچیلر) دن

بری .

قیمتلی دقیقه لریمیزی ، سفاهت ایچده حتم نفس ایتمکله ، ده احقجه سنه ضایع ایدیورز .

هیمنز حیاتک قیصه لغندن بحث ایدرز ، فقط اوقدر چوق بوش زمانمز وارکه نصل قوللانه جغمیزی بیلمه یورز . زمانک چوغنی فسالق یاقمله ، بوندن چوغنی هیچ برشی یاقما قله ، هپسی ده یاقیلمه سی لازم کان شیلری یاقما قله کچیور . (سه نه ک) « زمانمیزی نه قدر عاقلانه قوللانیرسه ق قوللانم ؛ ایحمزده اک طالعلیلر بینه آز برشی یاقمنه موفق اولورلر .

موفقیت و بختیارلغنی تامین ایدن اک بویوک اساس شبهه سز ثباتکارانه ودواملی صورتده چالیشه بیلمک خاصه سیدر . (چیچه رون) دیرکه : موفق اولمق ایچون جسارت ، جسارت ، دائماً جسارت لازمدر . « ثبات ، ثبات ، دائماً ثبات » دیر ایسه ک ده ائی سویلش اولورز .

چالیشمق روحه اولدینگی کبی وجودده لازمدر . کدرلی کچیریلان برکون بر هفته چالیشمش قدر انسانی بیتیرر . کدر وجود ما کنه سنی بر حال تشوشه القا ایدر ؛ چالیشمق ، یولنده و کمال صحتله ایشله مکی تامین ایدر . عضلاتمزک حرکتی وجودک صحتنی ، دماغک چالیشمه سی ایسه قلبک استراحتنی موجب اولور . (۱)

«برکنج قیزه حقیقی برمشغله ، صباحیلین باشلایوب اقشاملین

(۱) ژانقورت



یورغون اوله رق براقه جی برایش ویریکز ؛ فقط همجنسی  
ایچون فائده بخش صورتده چالیشمق حسی ایله برابر اولسون.  
کوره جکسکز که خزن بی فائده سی بر سکون فیاضه انقلاب  
ایدیویره جکدر. ( روسکین )

چالیشدیغک زشیئک ماهیتی نه اولور سه اولسون، اوکاباقیلماز  
ایش، چالیشمقده در. دائره نك تربیغه چالیشانلر ایله معادن سائره بی  
آلتونه تحویل ایده جک اکسیر اعظمی بولمغه اوغراشانلرک  
بیله وقتی بوش یره کچما مشدر .

(جونسون) دیور که سوزارضک قیزی فعلیات ایسه سمانک  
اوغلیدر. یادیغک زایشلری بوتون روحک زله ایشلیک، بوتون  
ملکاتک زله حرث ایدک. خواص و ملکات روحیه نك ده استعمالی  
لازمدر ؛ یوقسه دوچار ضعف اولورلر .

« دهانک تاریخی هیچ بر مانعک یورغون دوشوره مدیکی  
بر جهد قوینک تاریخندن عبارتدر. » پک چوق بویوک آدملر  
دهانک اشتغالدن ظهور ایلدیکنی ادعا ایلشدر. بر بویوک داهی،  
ژورژ آلیوت یازدیغی رومانلرک کندیسنه ملهم اولدیغی ظن  
ایدنلرله استهزا ایدر. (دوایت) ؛ «یال» ده کی طلبه سنه، «دهانک  
چالیشمقده ثباتدن عبارت اولدیغی» سویلشدر (۱) .

(۱) (دها) اوزون بر ثباتدر . (بوفون)

ایچه حساب ایدیلیر سه دیلنمک چالیشمقدن ده یوروجی  
وده از مشمردر .

هرکس کندیسنی اداره یه مجبوردر . « آیاقده کی  
چفتجینک موقعی دیز چوکش بر اصیلزاده دن ده یوکسکدر .  
(فرانکلن) . »

غوبهت مشهور (انکلز غرامری) ندن بحث ایدرکن  
دیور که : غرامری اون ایکی صو اجرت ایله عسکرلک ایدر  
ایکن اوکرندم . یتاغمک کنارنده اوطورور او قوردم . چانطهم  
کتبخانه ، دیزلرمک اوزرینه قویدیم تخته پارچه سی ماصه م  
ایدی و بو اوغراشدیم شی حیاتمک یالک ز بر سنه سنی استهلاک  
ایلدی . موم یاخود یاغ آلمق ایچون پارهم یوقدی . قیش  
کیجه لری او جاق آتشنندن باشقه برضیایه نادراً مالک اولوردم  
آتشک یاننه اوطورمق نوبتی ده هر زمان بکا تصادف ایتمزدی .  
مرکب و قلم ، کاغذ آلمق ایچون آراصره صرف ایتدیکم  
بر (لیارد ۱) ک آ ز برشی اولدیغی صانمایک . زیرا . بولیارد  
بنم ایچون بویوک بر ثروتدی !

ییه جک ایچون نظاماً معین اولان پاره بی صرف ایتدکن  
صو کره یانمه قالان پاره هفته ده درت صو ایدی . ای  
خاطر لیورم — هیچ بر زمان اونوته میه جغم — بر جمعه کونی ایدی .  
بوتون مصارف چیققدن صو کره ایرتسی کونه بر تک بالق

(۱) تقریباً ، بش پاره لک اسکی بر باقیبر سکه :



آلمق ایچون جییمده یالکیز برصو قالمشدی. فقط کیجه آجلمقدن یاری اولو بر حالدو یونور ایکن قیمتدار پاره می غائب ایتدیکی آکلادم. باشمی سفیل اورتومک آره سینه صوقه رق چو جو قلم کی اغلادم. بوراده شونی تکرار سویله مک ایسترم : بن بودرجه مشکلات ایچنده وظیفه می ایفا ایله حسن نتیجه یه ایصاله موفق اولور ایسه م عجب عالمده هانکی برکنج واردر که وظیفه سنی حسن ایفا ایدمه ماکده معذور اولسون .

غوبه ت پاره سز ایدی فقط کدیسنده فعالیت و جسارن واردی. (باقون) دیورکه : « بعض کیمسه لر اللرنده بولونان ثرون ایله قوتک هیج برینی اصلا آکلاماش کی کورونور لر برینه زیاده اعتماد ایدر لر ؛ دیکرینه ده پک آز . فکر استقلال و قناعت ایسه بر آدمه کندی صهرنجنک صوینی ایچمکی ، کندی اتمکنی طاتلی طاتلی یمکی ، چالیشمی ، مدار معیشتنی تدارک و سائطنی صدق ایله الده اتمکی والده بولونان شیلردن ممکن اولدینی قدر مستفید اولمی اوکره دیر . »

« طبیعت انسانه دایما چالیش دیور ، مکافاتلی مکافاتسز چالیش مکافات کندی کندینه کلیر . ایشک ایستر قبا ، ایستر ایخه اولسون ایستر بوغدا ی اکمک ، ایستر داستان یایمق اولسون کمال ناموس ایله چالشدقندن وایشکندن ده ممنون اولدقندن صوکره سنی تأمین ایدیم که اخلاقاً و مادهً مکافاته نائل اوله جقسک .

سعیکک ثمره سی موفقیت ویا هزیمت اولمه نک اهمیت یوقدر . هر ای ایشک اصل مکافاتی اوایشی یایمش اولمقدن عبارتدر (۱) « تنبک استراحت دکدر . بالعکس چالیشمقدن زیاده یورار . رومالیر : Difficilis in otio quies ( هیج برشی یامسادن استراحت اتمک چوق زوردر . ) دیرلردی .

هیج عجله اتمک . طبیعت عجول دکدر . اسویچره لی بر رهبرک آلپ طاغنه چیقماق ایسته یین کنجلره ویردیکی ایلك نصیحت شو ایمش : « یاواش یاواش ، فقط کمال امنیتله کیمک . نه قدر یاواش کیدیلیرسه تپه یه او قدر چابوق واریلیر . » آره صره دیکله نک ؛ فقط خیلازلق اتمک . کافه ترقیاتک اک بویوک سری اصلا عجله ایتماک واصل بوش طور مامقدر . بر شرق ضرب مثلی « العجلة من الشيطان والتانی من الرحمن . » دیور .

چوق آدم لر عجله ایدرک وقت قازانیلیر صانیرلر . بو پک بویوک بر یا کاشدر . جانلی یوروملی ؛ فقط برایشی ای یایمق اوننی سرعتله بیتیرمکدن چوق مهمدر .

بوندن ماعدا غیرمنتظم وکمال استعجال ایله یاپیلان برایش یاواش یاواش ، کمال امنیت وانتظام ایله یاپیلاندن ده زیاده یورار ودها چوق قوت صرف اتمک ایستر . بوندن ماعدا عجله یاپیلان ایش حیاتی ده چوروتور .



«عجله سز ، دیکلنمکسزین چالیش» ایشته (کوته) نک  
دستوری. فقط (دیکلنمکسزین) سوزی فکرینی تمامیه ایضاح  
ایتمیور .

«عجله ایتمکسزین ایلروله؛ ترقیات فکریه کی ، دوشونمدهن  
اجرا ایدلمش هیچ بر حرکت یولدن آلیقویما-مین . ای  
دوشوئک ، ای پی تفریق ایده بیلمکی اوکرکده مالک  
اولدیغک قوتدن امین اوله رق اوکا طوغری یورو .  
عجله ایتمکسزین ایلروله؛ بعض کره دوشونمکسزین یاپیلان  
بر حرکتی تعمیر ایچون سنه لرجه اوغراشماق کافی کلز . دورما!  
حیات جریان سریعنده دوام ایتکده در . اولومک  
کله سنی بکله یهرک کال جسارته کیت . آرقه کده مرور ازمان  
ایله محو اولمایه جق عالی وقوی بر اثر بیراق . اکتسا ایتمش  
اولدیغمز شکل فانیدن صکر ، یاشامق کوز ، برشیدر . (۱)»  
بوتون قوتکزله چالیشک فقط عجله ایتمک هر شئی اعظام  
ایتمایک وفضله اندیشه ایلایک . ایرکدن اویانک اعصابکزه  
ودماغکزه محتاج اولدقلری استراحت وفعالیقی تأمین ایدک .  
یه جکلرکز معتدل اولسون ، احتیاج نسبتده اویویک ،  
فائده سز صورتده باشکزی اغریتمه یک : امین اولک که چالیشماق  
سزه ضرر ویرمیه جکدر . کدر ، تهیج صبرسنزلق ، اندیشه  
ایشکزی ایلری کوتورمز ، سزی نهایت تلف ایدر ؛ هیچ

اولمازسه آغیر برخسته لغه دوچار ایلر . فقط ، کمال سکون  
وراحت ابله یاشار ایسه کز فعالیت مادیه وصاف هوا وجود  
ایچون نه ایسه فعالیت دماغیه ونفکرده دماغکز ایچون اوله  
اوله جقدر . وظیفه کز وایشکزه اولورسه اولسون ممکن  
اولدیغی قدر تمام ومکمل یانمغه چالیشک .

دوق دووه لینگتون مخفیریاتی ای برعسکر اولدیغی قدر  
ای برایش آدمی اولمسه نه مدیوندر . ییه جک واحتیاجات  
سائر نک هر درلو ایجه لکاریه مته دیاشغول اولور ، بارکیرلری  
هر زمان ییه جک بولور ، آدملری تمیزیر ، ای کینیر ایدی .  
«ایشنده ماهر اولان آدم قرالارک خدمتده ماهر در .» دیرلر .  
سن پول ایسه بزه « بشقه لری ایچون تنبل اولماغی جول فکری  
جناب حقه خادم اولماغی توصیه ایدیور .

اشتغال دائما مکفاتی برابر کتیرر . (قریستوف قولومب)  
هندستانه غربدن بریول آرارکن آمریقایی کشف ایدی .  
(سائول) ایسه باباسنک دیشی مرکبلیغی آرارکن بر حکومت بولدی .  
فرانقلان « وظیفه کزی یانمغه عزم ایدیکز و هر قرار  
ویردیکزی اجرا ایدیکز . » دیر .

(دها) نک چالیشماق یرینه قائم اوله بیله جکی ظن اولنور ؛  
بو پک بویوک برخطادر . اک بیوک داهیلرک بونجه موفقیتی  
انجق چالیشماق سایه سننده در . بعض بیوک آدملر حیاته  
دهالرندن زیاده چالیشقانلقلری سایه سننده موفق اولمشلردر .



انکار اولمه ماز بعض آدم لک ذکاسی دیگر لرندن زیاده در؛ فقط عین یاشده ایکی آدم عین مسالکده بولونسه لر بر اصول وقاعده تحتنده فعالیت و قطامیت ایله چالیشمایان اک ذکیسی ده اآز ذکی اولان فقط کمال فعالیتله چالیشان رقیبده مغلوب اوله جقدر. داهی اولمایان چالیشقان چالیشمایان داهی اول هدف مقصوده واصل اوله جقدر. نه مهارت، نه ده اکابرک یاردیمی، دوستلانی؛ خلاصه هیچ برشی سعی وعزمک یرینی طوتاماز.

بر بویوک حکومت آدمی اولان لمقولن پس قپوس (غروسه نه ست) غایت تنبل اولان قارداشی برکون مراجعت ایدرک کندیسنی خاطری صایلیر آدم لر صره سنه قویمه سنی سویلر. پس قپوس. قارداشم، دیر، صپانک قیریلدی ایسه تعمیر ایتدیریرم، اوکوزک اولدی ایسه بر باشقه سنی آلیرم فقط سنی خاطری صایلیر بر آدم یامغه مقتدر دکلم. سنی چیفتجی اوله رق بولدم؛ قورقام چیفتجی اوله رق قاله جقسک.

میلتون یالکز بر داهی دکل عین زمانده یورولماز بر چالیشقان ایدی. باقیکنز اعتیاداتی حقنده نه سویلیور: «قیشین کلیسانک چاکی انسانلری چالیشمغه و دعايه دعوت ایتزدن، یازین قوشلر اوتتمک باشلادیغی صیره لده اک ای مؤلفلرک اثارینی اوقومغه باشلار یا خود خاصه دقتی تنمیه و خاطره بی تزین ایچون یوکسک سس ایله اوقوتدیریرم. صوکره فکرک دین اوغورنده

و وطنمک حریتی ایچون چالیشمق خصوصنده کی، او امرینه وجوده صحت و مقاومت و یرن صمیمی و دلبرانه بر سعی ایله مطاوعت تامه کوستیریرم.

ایشکزه کدر بخش بروظیفه نظریله اصلا باقماک. اونی مفید برحاله قویمق سزک الکزده در. بونک ایچون بوتون قلبکزه اوغراشک، بوتون موانعه غلبه ایدک، و اونی هرجهتدن تدقیق و معاینه ایلیمک. اک اوافق بر ایشک بیه نه قدر مفید اوله بیلدیکنی دوشونک؛ اوزمان آکلار سکزکه هر ایش کمال شوق ایله کورولمکه لایقدر.

بو صورتله ایشکزه محبت ایدرسکز و اوندن بر ذوق طویار ایسه کز ایفا سنده ده صعوبت چکمز سکز. ایلک نظرده بو، سزده غیر قابل کلسه و ایشکز پک جان صیقه جق کبی کورونسه بوندن بیه بویوک بر فائده استحصال ایتمکز ممکندر. چونکه اوغراشمق، عینیه طاغدن اسن سرت بر روز کار کبی، سبجیه کزی تقویه ایده جکدر.

اویقویه نه قدر زمان تخصیص ایتمه لی سوآلی اولدجه مهم برشیدر. بونی هر کسک طبیعتی تعیین ایتمک ایجاب ایدر. بعض وجود چوق اویقو ایستر؛ بونی آزالتمق ایی دکلدرد. ایجه اویومق ایچون صرف اولونان وقت غائب اولمش صایلماز. اعصابک اعاده قوتی انجق اویقو ایله قابل اولور. شهر لیلر بو کاموفق اوله مازلر. (سپر ادوار قوق) کونی شو وجهله تقسیم ایتشدی: آلتی ساعت



اویقور آتی ساعت حقوق تحصیلنی درت ساعت دعا متبایندی  
طبیعتی تماشا.

سیر جونس بونی برار تعدیل ایدیور :

آتی ساعت حقوق تحصیل یدی ساعت اویقور اون ساعت  
دنیا معاملاتی وهیسی آله ایچون .

یدی ساعت بکا کافی کلز . اویانلیدی زمان دینج بولونق  
ایچونایی اویومق لازمدر . کدرلی بولوندیغمز زمانلر فکر مزی  
اویالایه جق ایشلر چوق بویوک برتسلیدر .

بختیار یاشامق بر اشتغالی ، بر سو کیسی ، برده امید اویلمقدن  
عبارتدر . (۱) چوق کره بوش وقتلر مزی تابمحل اندیشه لر ،  
فائده سز دوشونجه لر ایله کچریرز .

دائما مشغول اولیکز ؛ زیرا «دوشونمک و چالیش-مقدمه  
کدرک هیج طانیدینی بر صلح و سکون بولاجقسکز» (۲)  
اختیار (لیلی) «هریر ، دیور ، عاقللر ایچون وطن ؛  
هرمسکن ساکن بر دماغ ایچون سرایدر .»

بونکه برابر طبیعتک یاردیمی ایله چالیشک ؛ اوکا قارش  
کیتمه یک . مجبور اولمدجه آقینتییه کورک چکمیک . اگر  
مجبور اولورسه کز عزم و قطعیت ایله حرکت ایدک . کندیسنه  
قارش کیتمز ایسه ک طبیعت بزه یاردیم ایدر .

(۱) شالمه رس

(۲) ستیرلینغ

«زیرا بوتون معنوی شیلرده اولدینی کی قوانین طبیعیه دن  
برینی مهمسه میان اوقانونلرک کافه سنه اهمیت ویرمامش دیمکدر .  
اوزمان بوتون کائنات کندینه قارش عصیان ایدر ، طبیعت  
کوزه کورونمیان لایعد قانونلرینی کندندن و احفادنن انتقام  
آلمق ایچون بر آرایه طوپلار . بالعکس قوانین طبیعیه بوتون  
قوتیه ، یورکدن اطاعت ایدن کیمسه هرشیئک کندی لهنه  
حرکت ایتدیکنی کوره جکدر ؛ باشنک اوستمنده کی کونش  
و آیاقلرینک آلمده کی توزلر کندیسنه یاردیم ایدر : چونکه  
اوکیمسه کونشی ، توزی ، هرشیئی خلق ایدن ، و بونلرک هپسی  
ایچون ، هیج برکسه نک تجاوزه مقتدر اولامیه جنی ، بر قانون  
وضع ایدن ذات اجل واءلانک اراده آلهیه سنه توفیق حرکت  
ایتمش اولاجقدر . (۱)»

(۱) که نفسله ی



استاتىستىقتار كوسترييوركه : ۱,۵۰۰,۰۰۰,۰۰۰ آدمك  
۴۰۰,۰۰۰,۰۰۰ ى بوديست ، ۳۵۰,۰۰۰,۰۰۰ ى خريستيان  
۲۵۰,۰۰۰,۰۰۰ ى هندو ، ۱۵۰,۰۰۰,۰۰۰ ى مسلمدر .  
بونكه برابر (سەلدن) ك شوسوزلرى ده حقيقتە پك ياقيندر :  
«انسانلر راحت ياشامق ايچون ھې عىنى دىنە منسوبز  
دييورلر ؛ فقط ياقيندن تدقيق ايديليرايسە ايچلر نده ھر جەتجە  
عىنى دين موجبنجە حركت ايدن اوچ كشى بولونە ماز .»  
بويلە اولسى خارق العادە برشى دكلدر . بودنيا حقندە ھان  
ھېچ برشى بيلمە دىكمز ايچون دىكر دنيا حقندە معلومات واسعە  
صاحبى اولمىلغىمىزى بىكلە مك عبثدر .

(قانون ليدون) دىيوركه : عالم علوى ايمان بزم ايچون  
كشادە اولسون اولماسون ، ايچندە ياشا دىغمىز شو كوزل دنيا  
اويلە بر معبددر كه اونده اسرار عظيمە وعديدە وارددر . احتمالكه  
يارىن قيردە بر كزىنتى ياپار و كوريرسكز : درونلر نده كى اوزلە  
قابارمش اولان طومور جقلر ، آچىلمش اولان تر وتازە يشىل  
ياپراقلر ايلك بهارك ، شھر آيين سنويسنك اك كوزل مناظرىنى  
سنرە تقديم ايچون ، حاضر لائىمقده اولايغنى اخطار ايدىيور .

اطراف كز دىكى ھى شى سىزك رؤيتە ، لمسە ، تعريفە ، اولچمكه  
و آكلامغە قادر اولمىدىغىكز اسرار انكيز بر قوتك فعاليت وموجو-  
ديتە برر شاھددر . بو قدرت موجوددر : فقط سىسنر ، صدا سىز ،  
غير مرئيدر ؛ فقط باشكزك اوزر نده كى ھردالده ، اياغىكزك  
التندە كى ھراوتك فلزلر نده اجر اى فعاليت ايدر .  
حقيقتە (شېھ) فلسفەنك اساسيدر . بز بر عالم اسرار دى  
ياشا يورز .

اك اوافق بر بوجكك ياخود اك عادى چىچكك موجوديتى  
ايضاح ايدە مزسەك ناصل اولور دى لائىناھيتى اكلايە بيلە جكمزى  
ظن ايدە رز ؛ دوقتور (مارتينو) دىيوركه : «وقتاكە اقشامك شېنمى  
كوندوزك مشاغليە قالقان توزلرى تكرار يره دوشورير  
وكوندوزك كوزە كورونمز غوائل و آلاميلە يورغون دوشەن  
مخيلە مز ساحە وسيعە تفكرە طوغرو توجه ايدر ؛ وقتاكە ارض  
لائىناھيت مكو كە آلتندە ايصىسنر بر چول كى اويور . ايشتە  
غير قابل توصيف اولان موجوديت ، اوزمان بىزى ھر طرفدن  
صيقى صيقى يە احاطە ايدر ، كىجەنك سرت روزكاي آلتندە  
تيترە تير . ونظرلر نى سمانك اشعە قديمە سيلە كوزلر يمزە عطف  
ايدر .»

ستوارت ميل دىيوركه «انسانك موجوديتى ايلك نظر دى اسرار  
ايلە محاط اولەرق كورولور . پك طار اولان محيط تجربە مز بر كوچوك  
آطە دركه كنيشلكى وقار انقلىنى ايلە مخيلە مزى تھييج وعين زماندە



حسیاتمزی یوکسلتن بر عمان ایچنده غائب اولمشدر. بو عالمده کی ساحه  
موجودیتمزی قوشاتان یالکیز نامتناهی بعدد کلدن نامتناهی زمانه ده محاط  
فقط نه قدر فضله برشی او کره نه مه مک و فضله دوشونمه مک  
مجبور اولسه قبیله جسارتمزی غائب ایتاملی یز.

ایضاح ایده مه دیکمز بر چوق شیلری ایجه دن ایجه یه تدقیق  
ایتمکده یز. (سن او کوسته ن) دییور که « بکا وقت نه در دییه  
صورار سه کز بیله مم ؛ فقط سنر صورمادیغکز زمان اونک نه  
اولدیغنی بیلورم. » (مارتینو) ده شویله سویله یور « الوهیت  
حقنه، پک چوق شیلر سویلیان صانکه مقاصد و حکم سبب حانییه  
واقف ایمش کی اداره کلام ایدنلری ایشیدینجه سویلدکلری سوزلرک  
قطیعی بنی بوتون بوتون ترده دوشور ییورده « بکا آزشی  
وعدایدک ؛ هر نه ایستر سه کز ویریرم « دییه باغیر مق احتیاجنی  
حس ایدیورم »

« چوق دوشوندکجه ده ا زیاده غیر قابل حل اولان  
بونجه معمالرک اورتیه سنده بر قطیعت مطلقه واردر که اوده  
انسانک - هرشی کندیسندن صدور ایدن - ابدی ولایتناهی  
بر قوت قارشوسنده بولوندیغیدر. » (هربرت سپه نسر)  
بناء علیه یالکیز حس ایتکه اکتفا ایتلی. هرشی تمامیه ایضاح  
غیر قابلدر.

انسانلری مذهب فرقیله بری برندن آیران شی چوق کره  
دین دکل نفاقدر. سن بولک نصایحه رغماً اونلر « بن سن بولک،

بن آپولونک شا کردیم « دیمکده دوام ایدیورلر.  
فن ایله مشغول اولانلره چوق کره اعتقاد سنر دییه هجوم  
ایدیلیر. بونکه برابر (تورو) دییور که : « فنده کی دین دیندکی  
فندن ده ا زیاده در. »

فقط دینده شبهه سی اولان بر عالم استخفاف ایچون شک ایتمز.  
اونک شبهه سی تحقیر دکل دینه قارشو اولان حرمتنه علامتدر  
(تینسون) پک کوزل سویله یور :

« اعتقادنده متردد فقط افعالنده قطعیت پرور اوله اوله نهایت  
او، اعماق اشیاده بر آهنگ کشف ایلدی. بکا اعتماد ایدیکز : ناموسکار  
شبهه لرده بعض عقایدده کندن زیاده اثر ایمان واردر. »

مساعده کزله بو خصوصده، منسوب اولدقلری صنفی بحق  
تمثیل ایدن ایکی کشیدن، بعض سوزلر نقل ایده یم :

پروفسور تیندال دییور که : « کائناتده موجودیتنی کوستره ن  
قوته شخصی و یا غیر شخصی بر شکل مادی ویرمک ایسته دیکم زمان  
اونک هر دور لو تعبیر فکریدن اوز اقلاشدیغنی کوریور و کندیسنندن  
بحث ایدر کن حقنده (او) ضمیر شخصیسنی استعماله جسارت  
ایده مدیکم کی او کابر (روح) یا خود بر (مبدأ) نامنی ویرمکی ده  
ایستمیورم » پروفسور (هو کسله ی) بزم الک تجربه کار  
متفکر لریمز دندر کنیدیسی سربست دوشونجه لی اولوب مؤسسات  
دینییه یی سومانکه برابر باقیکز نه دییور : « هرکس ایچون  
فائده بخش اولابیاه جاک بر معبدک موجودیتنی



آ کلايه بيليرم . بوراسی اويله بر معبد اوله جقدر که  
 دروننده هر هفته اجرا ایدیلان آیینلر الیهاته متعلق مهم  
 جمله لره دکل؛ طوغرو، پاک ونجیب بر حیاتک بدیعہ خیالیه سنی  
 توسیعه حصر اوله جقدر . بوراسی اويله بر یر اوله جقدر که غوائل  
 یومیه لرینک بار ثقیلی آلتنده ازیلان کیمسه لر حیات علویه نک تأمل  
 وملاحظه سیله بر لحظه اولسون استراحت ایده جکلر؛ او حیات  
 علویه که، هر کسک واصل اوله بیله جکی بر شی اولدیغی حالد  
 بونختیار لغه نائل اولانلر آزدر . ینه اوراده — قازانچ ایچون  
 اوغراشان و چالیشان — انسان آرادینگی مکافاتلرک وفاق  
 وشفقته نسبتله نه قدر عادی اولدیغی کوره جکدر . امین  
 اولیکز : اکر دنیا یوزنده بویله بر معبد بولونسه  
 ایدی بونک اورته دن قالدیغنی هیچ کیمسه ایسته مزدی . «  
 الیهون هر کسک آ کلايه بیله جکی بر لسان قوللانمغه بالمجبوریه  
 چالیشیرلر . استعمال ایتدکلری کلماتدن طولای بونلری مؤاخذه ایتک  
 حقسنر لقدر . شاعر لر طلو عدن بحث ایتدکلری زمان علم هیئت بیلیمورلر  
 دییه کندیلرینی اتهم ایده مه یز . ارضک اطرافنده دونن کونش  
 اولمیوب کونشک اطرافنده دونن ارض اولدیغنی سویلر ایسه ک  
 بونکله ( شکسپیر ) و ( تیسون ) ک ضلالته صاپدقلرینی ادعا  
 ایتمش اولما یز . کشفیات فنیه آیری بر لسان قوللانمغنی ایجاب  
 ایدر . مادامکه بر چیچک یاخود بر طاشی یکی کله لر ایجاد  
 ایتکسنرین تعریف ایده میورز ؛ لایتناهیتی لسان عادی ایله هیچ

تعریف ایده میز . او حالده امراض عصبیه دن تولد ایدن بعض  
 حادثاتک ، اسکیدن ، ارواحه اسناد اولنمسنه نهدن شاشیورز ؛  
 ایضاح ایده مدیککز یاخود آ کلايه مدیفکر بر شیئه  
 اینانمهنک هیچ بر قیمتی یوقدر . یقین کافی اولمقسنرین اینانمقده  
 واکلامدیغمز بر شیئه اینانمغه قانع اولمقلمزده دخی بر قیمت  
 موجود دکدر .

هیچ بر دلیله مستند اولمیان شیئه اینانمق غیر قابلدر .  
 طوغری اولدیغنی یقیناً بیلدیکمز شیلره اینانوب دیکرلری ایچون  
 حکممزی تاخیر ایتک عادتاً بر وظیفه در . پک چوق آدملر  
 هر شیئه اینانمغه یاخود اینانمغه مجبور ایشلرکی کوزو کورلر .  
 بونکله برابر چوق دفعه لر اعتقاد یاخود عدم اعتقادیمزی بیانه  
 حقمز یوقدر .

ایمان حقیقی اصلا فکری برشی دکدر . او ، یاشایان برشی  
 اولمیدر ؛ فقط اعمالسنر ایمان یاشماز . ( سهلدهن ) ایمان و اعمالی  
 ضیا و حرارته تشبیه ایله « آره لرنده ذهنه بر فرق بولا بیلیرم  
 وبیلیرم که بر مومک آلونده هم ضیا همده حرارت واردر .  
 فقط آلوی اوفله ییکز ایکسی ده عین زمانده غائب اولور . »  
 دیور . عبرانی سورة توراتک اون برنجی صحیفه عالیهنک  
 کتابه لری اعمال ایله مناسبتداردر . نوحک کیسنی یامه سنه ، ( ابراهیم ) ک  
 مسقط رأسنی ترک ایتمه سنه سبب ایماندر . بو ذواتک یاپدقلرینی کمال خلوصله  
 اجرا ایتهلری ایچون بر سبب کافی بولنمسی و هیچ اولماز سه بویله بر



سبب موجود اولدیغنه معتقد اولملری لازم کلیلر . بونلر قارشیسنده بولونقلری مشکل و مشقت آور وظیفه بی بلاتردد ایفا ایتشلردر . چونکه اونکله مکلف اولدقلرینه ( ایمان ) ایدیورلر ایدی ؛ بوجهته شایسته ثنا و ستایشدرلر . فی الحقیقه وظائفمزدن بری - که پک زور برشی دکلدلر - یقین حاصل ایتدیکمز شیلر حقنده حکمیزی تأخیر ایلکدر . حتی پک چوق احوالده شبهه ایتک ساده بر وظیفه دکل بلکه بر فضیلت اولور . «بزم کوچوک مذهبلمیزک کسب شهرت ایتدیکی زمانلر واردلر . بونلر بر زمان بویله اعتبار قازانیر و صوکره اونودیلیلر . بونلر حقیقتک ضعیف ضیالرندن باشقه برشی دکلدلر . سن ایسه یاربلی ! اونلرک هپسندن بویوکسک . ( تهنیسون ) »

حقیقتی ستر ایدن اورتو یاواش یاواش قالمقمقدهدر . فقط شمدیلک پک چوق مسئلهلر حقنده جاهل قالمق لازم کلیور . « مادام که انسانز ؛ بختیار اولمقلغمز بعض شیلری حتی پک یاقینمزده کیلری بیله حقیله بیلمامکه متوقفدر . حیاته کی سونجلمز و قطعیتله حرکت ایده بیلمه مز غیر شفاف بر بولوط ایچنده یاشایوب تنفس ایده بیلمک اقتدارینه باغلیدر . بولوطک بعضیرلرندن آچیلمه سی ایله اکتفا ایدوب دلیکلری آرمسندن آرده بر حقیقت ثابته بی کورمکدن ممنون اولم . و آکلایه لم که بزی احاطه ایدن قارا کلقلرده بر علویت و بر لطافت واردلر . اطرافیزی قاپایان بو اورتو اولمامش اولسه ایدی

شدید بر ضیا بزی شاشیرته حق و یاقه جقدی . (۱) »  
 پروفیسور ( هوکسلی ) بونی پک کوزل ایضاح ایتشدلر :  
 « خریستیانلغک پارلاق طرفی دییه یاد ایتدیکم شیئی در خاطر ایدن وارمی ؟ خریستیانلغک فدا کارلق حقنده کی بدیعه خیالی قوت ، صبر ، عدالت ، انسانلرک ضعفنه قارشلی مرحمت ، نفسی فدا ایتک درجه سنه قدر سائرلرینه یاردیم ایتکی ، صفوت و اصالت اخلاقیه بی حصوله کتیریر . پیغمبرلرک بزه توصیف ایتدیکی او بدیعه خیاله ، ایمانی ناقابل تزلزل اولان ، بریغین شهدا اردوسی قوشوشمش ؛ ( جون قونوقس ) و ( قاتهرین دوسیهن ) کی ، هرکسجه طاینمامش عائلهلردن ، بر طاقم ارکک وقادینلر او خیالک شوقیله پایلر و قرالره آجی سوزلر سویلکده صوک درجه جسارت کوسترمشدرلر . او بدیعه خیالی ، دیدیکم کی ، تخطر ایدن کیمسه خریستیانلق اعتقادینک تاریخ بشرک تکاملنده کی اهمیتنی ، اصلا قیمتندن دون اوله رق ، تقدیر اتمیه جکدر . »

( سهن مارق ) حکایه ایدیورکه : برکون حضرت عیسیاه موسویلرک بر خاخمی کلهرک بوتون اوامرک اک بویوکی نه در دییه صورار . حضرت عیسا جواب ویرر : « برنجی امر ایشه بودر ، دیکله : یا اسرائیل جناب حقندن باشقه تکرری یوقدر . اونی بوتون قلبک ، بوتون روحک ، بوتون دوشونجهک



وبوتون قوتك ايله سوه جكسك» ايكنجيسى ده بو: باشقه لرینی ده كندك كبی سوه جكسك. بوندن دها بویوك بر امر یوقدر. خام جواب ویردی: ای معلم! چوق طوغری سویله دك. حقیقتده بر الله واردر. واونی بوتون قلبمز، بوتون ذکامز وبوتون قوتمز ايله سومك و قومشولریمزده كندی نفسمز اولدیغی كبی محبت ایلک بوتون قربانلرك اك مقبولیدر. حضرت عیسی قارشیسنده كنك عقللی بر آدم اولدیغی كورمرك اوكا «جناب حقدن اوزاق دكاسك» دیدی.

## اونه دردیجی فصل

### امید

امیدك ایمان و مرحمت ايله عین مرتبهده عدايداسنه قارشى بعض كیمسه لرك بیان تعجب ایلدكارینی ایشیدیورم. ایمانك بر فضیلت اولسی اكلاشیلیر یاخود قبول ایدیله بیلیر. مرحمتده فضائلدن اولدیغی میدانده؛ فقط امید؟... شوقدر واركه مادام امیدسنلك فنا برشیدر اوحالده امید بر فضیلتدر؛ ثبات و متانت امیدده دلالت ایدر. متانت ایسه بر سبجیه ممتازه نك علامتیدر. احوال ووقایعدن چوق متأثر اولمیگز. اكر مأیوس اولسه مغلوب اوله جق هیچ کیمسه یوقدر.

(سیدنه ی سمیت) پك كوزل سویلیور. بو عالمده ایلك یامق ایستیور ایسه ك « ساحل بحرده تیره یهرك تهلكه و صوئوغی دوشونمكدن ایسه جسارته آتلا یوب ای کوتو دكزی كچملى. » غریب شیدر، انسانلر حقیقی تهلكه لرده نادرآ متردد بولنورلر؛ خیالی تهلكه لردن دها زیاده قورقارلر. كولج شیلردن بهوده صورتده قورقدقلى كبی.

نامعقول خجالتلره قابلمیگز (سن پیه ر) فارسیه ن لره (۱) وعسکرلره مقاومت ایتدی؛ فقط بیوك راهبك خدمتكارلرینك استهزاسنه قارشو كری چکیلدی.

(۱) بر مذهب اسرائیلی منسوبینی.



« قورقانلر اولمزدن اول برچوق دفعه لر اولورلر. جسور کیمسه لر ایسه آجی بی بردفعه طادار (۱). »  
ایله اخورک پنجره سنه آصیلیمش اولان ( دون کیشوت )  
کندیسنی قورقونج بر اوچوروم اوزرنده ظن ایدیوردی ؛  
فقط ( ماریتون ) ایپی کسینجه کوردیکه انجق طوپراقدن برقاچ  
پوس یوقاریده ایمش !

( حاجینک ترقیبی ) نامنده کی اثرده ( ده فییان ) و ( تیموره ) بی  
قورقوتان ارسلانلر زینجیرله باغلی ایدی . ( قره نیهن ) جسارتله  
یانلرینه یاقلاشمنجه بونی کوردی .

کوندوز مظفر اولان نیجه اردولر ناکهانی خوف وتلاش  
ایله فرار ایتشلردر ! حتی کوندوز بیلک چوق قورقو وتلاشلر  
اساسسزیره واقع اولور .

مختمندن شکایت ایدن کیمسه طالعنی کیمک طالعی ایله  
دکیشدیره جکنی دوشونمایدیر . برندن صحت ، اوته کندن ثروت ،  
بر دیگرندن ده رفاه عائله بی آلمق ممکن اولماز . اگر حیاتندن  
منمون دکاسه اونی یابسبتون تبدیل ایتک یاخو و دهیچ برشی  
یاپماق لازم کلیر .

بدبختلق بارثقیلی آلتنده ازیلمش اولان ( قوله ریدج ) ،  
سیر ( هومفری داوی ) یه شویله یازیور ایدی : « بوتحولات ،  
بومذللر و مخوف واقعه لر آرمسنده جناب حق حقنده کی حسیاتم

باقیدر ؛ اوغرا دیغم بتون صدماته قارشو ، آلامک بنم ایچون  
موجب سعادت اولدیغی اعتقاد قویسنی بنده محافظه ایتکده در . «  
اصلا امیدسنزلکه دوشمیکنز . هرشیئک یرینه برشی  
قونور . امیدسنزلکک قونماز . سیرا قک اوغلی ژمزو « قلبنده  
قورقو اولان کیمسه نک وای حاله ! » دییور .

« اگر جسارت محو اولور ایسه هرشی محو اولمش دیمکدر : بویله  
اوله جغنه هیچ دنیایه کلامک اولادر (۱) »

« طالع مزه تحمل ایتک اوکاغلبه ایتمکدر (۲) »  
« غایت قارا کلق کونلریکزده مایوسانه قرارلردن اجتناب  
ایدیکز ، اگر یارینه قدر یاشامق غیرتنی کوسستر ایسه کز  
بدبختلغکز زائل اوله جقدر . » (۳) »

دنیا ده آلدانمیان کیمسه اوله مز . هیچ الدانمایان هیچ برشی  
یاپامشدر دنیلیمشدر که بوسوز پک طوغریدر . فقط عین خطایه ایکی کره  
دوشماملیدر . خطا لریکز سنک ایچون درس یرینه کچمش ؛  
وبوصورتله طرز حیاتیکزده برترقی حصولانی تأمین ایتمش  
اولسون .

( ژوزف هوم ) « نشئه لی بر طبیعته مالک اولمغی ایکی یوز  
اللی بیک فرانق ایراده ترجیح ایده رم » دییور .



ایش نقطه نظرندن هرشی حال حاضر دن عبارتدر . بعض نقاط نظر دن ایسه ماضی و مستقباده یا شامق دهها عاقلانه دهرا دکر لیدر . بدبختلقلرک چوغی مستقبلی حال حاضره ، کله جک سنه لرک مسعودیتنی بر دقیقه لک ذوقه فدا ایدیشمزدن ایلرو کلمکده در . واقعا « بر ( الله ایت ) سوزی ، ایکی ( سن اوکا مالک اوله جقسک ) خطابندن دهها قیمتدار » ایسه دهه مستقبلک بزم ایچون نه صاقلادیغی اصلا بیلده من و آره مزده اک زیاده مسعود کیمسه لر سمواتده کی نعمتله طمع ایتک و اونلری خاطر دن چیقار ماقده ذوق طویانلردر .

متمادیا مستقبلی دوشونمکده اصلا الدامایز . زیرا انسان « حیات حقیقه ایله قطعیا امتزاج ایده میجک ، کلوبچن وفانی ، شیلری ترک ایدر ، ابدیت و کافه فوائدی اونک اوزرینه نازل اولور و اونده برطوتار . »

سویلمکده جرأت ایدیورمکه « انسان هرشیدن اول مرد بر مخلوق اولمی و فعال برارادهیه ، جرأتکار بر روحه مالک اولمیدر . (۲) » زیرا ؛

شبهه لریمز بزه خیانت ایدرلر ؛ کوزیمزک اوکنده بولنان نعمتلی اکثریا بزه غائب ایتدیریر و طالعمری دهنه مک جرأتی بزدن نزع ایدرلر (۳) .

(۱) روسکین

(۲) سقوت .

(۳) شکسپیر .

جسارت یالکز بر فضیلت دکلدر : مرد بر طبیعتک اساسلرننددر . تام بر ارکک جسور اولمیدر ؛ نته کیم دکرلی قادین ده نازک اولمق ایجاب ایدر . شوراسنی ده ایضاحه حاجت یوقدرکه ؛ ارکک جسور اولدیغی قدر ملایم ، وقادین نازک اولدیغی قدر جسور اولمق ده لازمدر .

تاملسر جسارت یعنی جرأت ، جسارتدن معدود دکلدر . وجسارت تهلکه کی استحقار ایتمکدن عبارت دکل ؛ اونک قارشوسنده متانتله نظر انداز اولمقده در . لزومسز تهلکه یه آتیلقمده ، جسارت یوقدر ؛ فقط تهلکه نک موجود اولدیغی یرده قورققلق تهلکه کی آرتیریر : سکونت و جسارتله تهلکه نک قارشیسنده طورمق اوندن قورتولمق ایچون اک امین بر چاره اولدیغی کی بردشمنک اوکنده قاقچق ده مقتول اولمق ایچون اک ای بر واسطه در ، هله انسان (آشیل) کی هیچ بریرندن دکل یالکز ارکجه سندن قابل جرح اولور ایسه .

مجهول اولان شیلر ، عمومیتی اعتباریله ، تماماً مدهش بر شکل آلیر . تهلکه نک وسعت کامله سنی کورن کوزلریمز اوکا آلیشیمنجه قورقورلریمزک بیوک بر قسمی زائل اولور . دائما سکونت پرور و جسور اوله لم .

چوق امیده دوشمیکز . کوته دیور که « آزا میدایدوب چوق استفاده ایتک حیاتک حقیقی بر سریدر . » چوق



امید ایتمه یکنز ، صبرلی اولکنز . بکلمکی بیلن ایچون هرشی حصول بولور . تصادف ایتمه یکنز اک شدید ظلمات یاس بالذات طرفزدن وجوده کتریلانلردر سوزی پک طوغریدر . واقعا غم وغصه ییده اکاه اولمی ؛ فقط اوکا جسارتله متحمل اولمی ده بیلملی یز .

(ریخته ر) پک زیاده کدرلی اولدیغکنز زمانلرده مسعود زمانلریکنزی تخطر ایدیکنز دیور .

« بیلکیزکه ، آلامه قارشلی ابراز متانت ایتک عالی برشیدر . »

بوندن بشقه بز دائما شونی بیلیمکه متسللی یز :  
زمان وفرصت اک فورطنه لی کونلرک آره سندن کچر (۱)  
قیشدن صکره یاز ، کیجه دن صکره کوندوز کلیر . فورطنه یی بیوک بر سکونت تعقیب ایدر . (۲)

حیاتمز نه قدر مظلم کورونور ایسه کورونسون زمانک اک فاما کدرلری تعدیل ایده جکنی خاطر لایه لم . « کار بر کیجه دوام ایده بیلیر ؛ فقط صباح ایله برابر مسرت ده کلیر . »  
محزون کوکل ! سکوت ایت ، شکایتی براق ؛ کونش بلوطلرک آرقه سنده ده نشر انوار ایدر . سنک بختک ده هر کسک بختی کییدر ؛ هر حیاته ده فورطنه ساعتلری ، بعض کدرلی مظالم کونلر اولمق کرک . (۳)

(۱) شکیسپیر .

L'imitation (۲)

(۳) لونغه لو

بدبختلق کبی کورونن بعض وقایع باشکزه کلیر ایسه تمامیه اوکا اینانمادن بر کره تدقیق ایدیکنز . ظواهر اکثریا مغفلدر . بز اويله بر عالمده یشامایورزکه اوراده اهمیتسنز شیلر ایله مایوس اولمق مناسب اولسون . تجربه ایتزدن اول نه کبی ایشلره مقتدر اولدیغمزلی اصلا بیه میز . کدر و بدبختلاق بعض کره تبدیل قیافت ایتش دوستلردر . (نه لسون) غائب ایتدیکی کوزندن استفاده ایتک چاره سنی ، ونی هیچ کورمک ایستمدیکی رجعت اشارتی طرفه چویردبکی زمان ، بولدی . (سیر . ا . م غرانت دوف) « ره نانک حیاتی » نامنده کی لطیف اثرنده شویله دیور : بعض آدمیر وارکه بز اونلرکی یشامغی ایستمز ؛ فقط اونلرکی اولمکی آرزو ایدرز . تاریخده دار اغاجی حکمدار تختلری قدر ابقای نامه سبب اولمشدر . بزم چکدیکنز آلام یا کندی خطالرمز نتیجه سی یا خود باشقه لرینک اییلکی ایچوندر .

« عاقل فریاد وفغان ایتک ایچون اوطورمز ؛ بلکه فمالنی تعمیر ایچون کمال مسرتله ایشه قویولور (۱) . »  
حیاتک نعم وفوائد لاتحصا سندن کمال شکرانله مستفید اولمق لازم کلمکه برابر آلام واکداریمزی فلاکت مطلقه عد ایتک ده ایجاب ایلز . هیچ کیمسه ایچون ثابت و متمادی بر موفقیت احرازینی تصور ممکن دکدر : موفقیاتک اخلاقی افساد ایتدیکنی

(۱) شکیسپیر .



قبول ایتسهك بيله اونى عصبيلشدیرمك و ضعيفلشدیرمكدن  
خالی قالمیور آنجق كافه مشكلانه غلبه بتون هجوملره مقاومت  
وهردرلو آلامه جسارتله تحمل ایدهر کدرکه اخلاقی تصفیه ،  
تقویه واعلا ایتمك میسر اولور . « مادامکه بز ابدیت  
قارشوسنده یز ؛ اصیلانه برمشی ایلله اوکا طوغری یورومه من  
ایجاب ایدر (۱) »

یاز کونشك ضیاسندن ونسیم لطافتنشارك هبوبندن  
مستفید اولغله برابر اونوتما ملی یز که طبیعتك کوزللكلری  
وصفوتندن بر چوغی قیشك قار وفورطنه لری سایه سنده در .  
بدبختلق سرت برروزکار کبیدر ، فقط قوتبخشدر ، اخلاقك  
تکملی ایچون لزوملیدر .

( ایتقهت ) دییور که : « اله کچوروب یر یوزینی  
مضروحو دلرندن تطهیرایتدیکی اومشهور ییلان ، اژدرها ،  
طوموزلر وبتون انصافسزوظلمکارانسانلر اولمسه ایدی (هر کول)  
نه اوله بیلیردی ؛ بودرلو مخلوقات مضره اولمسه ایدی اونه ایش  
کوره بیلیردی ؟ شبهه یوق که مانتوسنه بورونوب اویویاجق  
ایدی . (هر کول) حیاتی مدتیجه عطالت و استراحتده  
اویویه ایدی نهیه خدمت ایده جك ایدی ، قولی وبتون قوتی ،  
صبر وجسارتی ایچون ، بونلری تحریك وادمان ایده جك ، بومثالو  
احوال وفرصتلر خارجنده نه ایش بوله جق ایدی .

وقتاکه (سوقراط) محکوم اولدی ؛ (آپلودور) اونك بغیرحق  
وقوعبولان محکومیتندن طولایی اشتکک ایتمش ایدی حکیم بوکا جواباً  
دیدى که : « بنم بحق محکوم اولمهی دهاموافقمی کوره جکدیکنز . »  
(سهن پیه ر) « انسانك برسبب وجدانیدن طولایی بغیرحق  
المدیده اوله رق ، فنا معامله لره تحمل ایتمی عنداه مقبول  
برایشدر ؛ اگر سز براییلك یاپارکن فنا معامله لره هدف اولور  
وبوکا قارشو صبر وتحمل کوسترر ایشه کنز جناب حق بوندن  
ممنون اولور . » دییور .



کیمسه اولاً کندینی اضرار ایدر. نته کیم آری زیاده حدتله ایکنه سنی  
صوقوب ایصیرمق ایسترایسه هلاک اولور.

آق بابا جیفه دن باشقه برشیئک قوقوسنی طویماز دیرلر.  
برطاقم آدملر، هریرده قصور، خطا بولمقدن باشقه

برشی دوشونمیه رک امرار حیات ایدیورلر. تحسین ایسه  
تنقیددن زیاده عاقلانه برایشدر و بدخواهانه تنقیدلر اهمیتدن  
عاریدر. تنقید طوغرو اوله بیلیر؛ فقط تمامیه حقیقت اوله من.

اک ایسی صحنه نك آرقه سنده بولونمق ایسه ده تیاترونك تمثیلاتی  
اورادن ابی کورولمز. اشخاص واشیاده کی فناقلردن زیاده  
اییلکلری کورمکه چالیشیکز: دائماً کورمکه موفق اوبیلیرسکز.

دائماً صبرلی اولیکز. معلومدرکه چوجوغک اغلامسی

یوزده طقسان وجودجه بر اضطراب طویمسندن ایلرو کلیر.

بویوک آدملره کلنجه، اونلرده بو وسائر برجوق نقاط نظرندن

برر بویوک چوجوقدر. برجوق احوالده، اگر هرشیئی

اوکره نسه ک، خویسنلق آثاری کوسترن کیمسه لرک بوتون

حسیاتنه آگاه اوله رق اونلره طارلمقدن زیاده آجیرز.

برینک خسته، مضطرب اولدیغنی خبر آلسه ق در حال اوکا

ترحم ایدیور، اونک ایچون هیچ برشیئی اسیرکه میور، اوکا

هر صورتله معاونت ایدمک هیچ بر وجهله برنجیده اولمامسینه

چالیشیورز: عجبا بوایلکلری نه دن یالکز بوزمانه حصر ایدیورز؟

انسان دائماً خیرخواه و مشفق اولمق لازم دکلیدر؟

## ارنه بشقی فصل

### مرحمت

باشقه لرینک حقمنزده ایفا ایتملرینی ایستدیکمز شیلری کندیمزده  
اونلر حقمنده اجرا ایتمک لازم اولمغله برابر یالکز بو کافی دکلدر؛  
بلکه، اونلرک خیر خواهمز اولملرینی ا آرزو ایدیورایسه ک  
بزده اونلرک خیرخواهی اولملی یز. طرفزدن دریغ اولونان  
محبت و مرحمتی باشقه لرندن ناصل بکله رز؟ مع مافیه بوکون اک زیاده  
تأسسه استعداد کوسترن فکرک افکار انسانیت پرورانه اولدیغنی عمومیتله  
ثابت اولویور.

« بعض کیمسه لر وارددرکه: مشکلات حیاته آنیبالک آلپ  
طاغلرینی سیرکه ایله صولایه رق کچدیکی کی، غلبه ایده جکلرینی  
ظن ایدرلر. (۱) » بعضلری ده پک بویوک فدا کارلقلره حاضردر؛  
فقط حیاتک مسعود و لطیف بر شکل اکتسابنه تأثیر کلیسی اولان  
اوافق تفک اثار محبت و خیرخواهی بی اهل ایدرلر.

شکایت ایتدیکمز حقسنزلقلرک درجه سی اکثریتله فرض  
و تخمینمزدن ده اهمیتسنز اولمغله برابر بونلرک اونودلمامسی اعظام  
ایدلمسینه سبب اولییور. ذاتاً هیچ بر حقسنزلق ارزوی انتقامدن  
زیاده بزه ایراث حضرت ایده مز باشقه برینی اضرار ایتمک ایستیان



باشقه لرینک آلام واضطربات قلبیه سنه تماماً وقوفه قادر دکلز  
بناء علیه کر بریسندن اشتکایه حقکیز اولسه بیله ینه منصف اولیکیز.  
انسانلری ای طرفندن کوریکیز. (De mortuis nil nisi bonum)  
اک مکمل بر قاعده در؛ فقط نیچون بونی یالکیز اولولر حقنده تطبیق ایتلی؛  
ناصل اولور که : مودتکارانه برسوز، بر امر خیر ایچون او قدر  
اسف انکیز واقعه لر حدوث ایتسون یا خود شدتلی تنقیدلر  
یابیلسون؟ بر حیات اولانلرک موتالرکی خیرایله یاد ایدلما سی  
پک آجینه جق برشیدر!

اعطای حکمه استعجال ایتیکیز و ممکن اولدینی قدر آز حکم  
ایدیکیز.

«قارداشک حقنده اعطای حکم ایتمه! سن اونک قلب و دماغنک  
کافه خفایاسنه اصلا نفوذ ایده مزسک. سنک قارار مش کوزلرینه  
لکه کورونان شی، انوار صفو و تمدار الهی اوکنده؛ اونک مظفرأ  
اتمام ایتدیکی بعض هو الیاک جهادلرک آلینی اوزرنده بر اقدینی  
یاره لردن باشقه برشی دکلدر، که سن او مجاهده لری دو چار ضعف اوله رق  
ترک ایتشیدک. (پروقت)»

بعض دقیقه اولور : اونده عدم تصویبی اظهار ایجاب ایدر.  
فقط عمومی بر بحثده خیر خواهانه و مشفقانه سوز سویله یه مز-  
ایسه کیز هیچ سویله مامکیز ده موافقدر. (سیدنه ی سمیث)  
آرقه سندن سوز سویلیان بردوستنه، حاضر بولمادیغی یرده  
کندیسنه تکه ایله اورمسی ایچون مساعده ایتدیکنی، مکتوبله

بلدیرمش دیرلر. مع مافیه عمومیت اعتباریله حقمزده  
سویله نه جک سوزلرک یوزیمزه سویلنمسی ده ازیاده ایستیور  
وکندیغیزی مدافعه ایچون حاضر بولمادیغیمز یرده، آرقه مزدن  
سویلنمسی قبول ایتیه یورز. انسانلر اوتیه کی بریکمک علیه نه سویلنن  
سوزلره کولرلر و بونلری دیکله مکدن خوشلانیرکی کورونورلر،  
فقط امین اولیکیز سوزلریکزه کولر ایکن کندی حقلرنده  
دخی بویولده حرکت ایده جککیزی استنتاج ایده رک، صوکره سزه  
منیت ایتمز اولورلر.

«قارداشکیز اولان ارککلر حقنده مرحمتکارانه حکملر  
ویریکر؛ همشیره لریکیز اولان قادینلر حقنده دخی مرحمتی فضله سیله  
بذل ایدیکیز، هر نه قدر بونلرک بیلهرک طوغری یولدن ایرلش  
اولملری ممکن برشی ایسه ده خطا ایتک انسانک شانندنر. او یله  
ایسه ترازونک اوکنده ابکم اوله لم؛ اونی دوزه لیمکه اصلا قادر  
دکلز. یاپیلان ایشلری بعض مرتبه طارته بیلیرز؛ فقط زجر  
و تنکیلی موجب اولانلری اصلا بیله مین. (۱)»

برازده حیواناتی التزام و مدافعه ایتیکلیمه مساعده ایدیکیز.  
(سهنه ک) پک حقلی اوله رق دیورکه: «بونجه اولطه ایکنه لریمز،  
طوز اقلریمز، آغلریمز و کوپکلریمزله (بوکون توفکلر ده بوکا  
علاوه ایدیله بیلیر) بوتون ذی حیات مخلوقات ایله محاربه ایتکده یز.»  
واقعا دیکر مخلوقات حیوانیه نک قسماً ضررینه اوله رق یا شامقدن



قورتولامیور کی یز . فقط بوش یره اولسون اونلره زحمت ویرماملی یز .

ذوقمزی ، نخوتمزی صاحب حس مخلوقاتک اک اهمیتسز .  
لرینک بیله آلامیله تأمیننه قالدشماملی یز . (۱)

واکر قلبک صاف ایسه کافه مخلوقات سنک ایچون بر آیینه حیات ، مقدس بر مذهبک کتابی اوله جقدر . (۲) »

بز بوکون حیواناتک روحه مالک اولدقلرینه قانع دکلز ؛  
مع مافیله (بودا) دن (که نغسله ی) ه قدر انسانلرک اکثریتی بویله ظن ایدیورلردی .

خصوصیله قوشلر بعض سماوی شیلره مالکدرلر . « (سهن فرانسوا داسیس) کندیسنک روحه مالک اولدیغنه امین بولونمقله برابر قوشلرکده ، برلحم فانی دروننده تمثیل ایتمش ، عینی بر روحه مالکیتلری ممکن اولدیغنی ظن ایدیور ؛ (قدما پرورانه اولان صاف درونلغیله) اورمانلرده کوکده کی ملکدر کی جناب حقه تحمید ایتدکلرینی ظن ایلدیکی اوقدر کوزل وغریب مخلوقات ایله قربت محبتکارانه سنی اعلان ایتدکه انسانک تنزیل قیمتنی موجب اوله جق برشی کورمیور ایدی . (۳) »

اک ای شیلری آلان بویوک کوچوک هر مخلوقی اک زیاده

(۱) ووردس وورس

L'Imitation (۲)

(۳) که نغسله ی .

سوهن کیمسه در . زیرا بزی سوهن و صاحب حسنات اولان جناب حق او مخلوقاتی یاراتمش و اونلرده محبت ایتشد .

شکیسپیرک کوزل عبارلری ایچنده شوشعر ، اک عالی قسمنی تشکیل ایدر :

«مرحمتک خالصی زورله اولمیانیدر . او ، سمانک لطیف شبنملری کی آچاق یرلره دوشر ، کرک آلان و کرک ویرن ایچون خیرلیدر .

خصوصیله مرحمت بوتون قدرتی ایله قویلدده تجلی ایدر . او ، جالس سریر سلطت اولان حکمدارلره تاجلرندن دهها زیاده لایقدر . عصای سلطت حاکمیت موقتته نک حشمت وعظمتنه علامت فارقه در ، خلاصه حکمداراندن قورقولمسنی موجب اولان شیدر .

فقط مرحمت ؛ حاکمیت سریرک فوقنده بر شیدر .

اونک تختی حکمدارلرک قلبنده در .

او ، الوهیتک اوصافندن بریدر ؛

حاکمیت الوهیهیه اک زیاده تقرب ایدن حاکمیت ارضیه ایسه مرحمت ایله تعدیل ایدلمش عدالتدر . «

اکثریا مرحمت ، صدقه ایله متجانس عد اولونور ؛

وشبهه سز صدقه ، نه قدر آز اولورسه اولسون لطیف بر شیدر .

فقط صدقه مرحمتک بر شکل دیکری اولمقله برابر اک عالی

شکلی ده دکلدر . تفریق وتمیز ایدلمکسزین اجرا اولونورسه



ایسلکدن زیاده کوتولک یاپایلیر .

محبت ایسه باشقه بر اهمیتی حائزدر . باشقهلرینک آلامنه  
ترحم ایتکی کوردیکم خطالری ستر ایلکی بکا اوکره تیکز ؛  
بنم دیکرلری حقنده کوستردیکم مرحمتی سزده بنم خطالرمه  
قارشى کوستریکز (۱)

کوتولکی اونودیکز ؛ فقط ایسلکی اصلا اونوتیمیکز .

بر چوجوغک نانکورلکی ییلانک ایصیرمه سندن دها  
مؤثردر (۲) .

« کونشک ضیاسنی کورمکه غیر مستحق بر چوق کیمسه لر  
ارض اوزرنده موجود اولدیغی حالده او،ینه هرکون طوغمقدمه  
در . (۳) »

فرض ایدلمکه : آخرتک موقع دهشتنا کنده بولونیورسک ؛  
همجوارک اولان کیمسه لر حقنده کی معاملاتکدن طولایی  
حساب ویرمک اوزره ، هویتکی کیزله مک ایچون هیچ بر  
واسطه یه مالک اولقمیزین چپلاق بر حالده ، حاکم حقیقینک  
حضورنده اثبات موجود ایتک اوزره سک : اوساعتده قورتولمق  
ایچون امید یکانه اولان عفو فکرنندن وقتیه تجرد ایدهرک  
متجاوزلریکه قارشى بی امان و مروت کوروندیکنی تحطراتک

(۱) پوپ .

(۲) شکیسپیر .

(۳) سهنه ک .

قدر ، خوف ودهشتی آرتیره جق نه اوله بیلیر ؛ حضرت عیسی  
دیورکه : « اکر سز انسانلرک حقسنزلقلرینی عفو ایتمز ایسه کز  
جناب حقده سزککیلری عفو ایتیه جکدر . »

حقسنزلقلری عفو ایتیه نک ، دشمنلری سومه نک ، کتاب  
مقدس ، کراتله اهمیتندن بحث ایدر ؛ « زیرا سز انسانلرک  
حقسنزلقلرینی عفو ایده جک اولورسه کز جناب حقده  
سزککیلری عفو ایدر و اکر سز عفو ایتیه جک اولورسه کز اوده  
عفو ایتمز . » فضله اوله رق ، عفودخی کافی دکلدز ؛ بونک دها  
ایلروسنه وارملیدر . « بن سزه دیورم که : دشمنلریکزی  
سویکز . سزی اضرار ایدنلره خیردها ایدیکز . سزه بعض  
وعداوت ایدنلره ایسلک یاپیکز و حقک ای قوللری اولمه کز  
ایچون ، سزی تحقیر و تضییق ایدنلره دعالر ایدیکز ؛ زیرا او،  
طوغرو و کوتو آدملرک اوزرینه متساویاً کونشنک انوارینی  
نشر ایدر و حقلی حقسنز هرکسک اوزرینه یاغمورینی یاغدیریر .  
( سهن پول ) دیورکه : « مرحمت ، صبور و خیر

خواهدر ؛ کستاخ دکلدز ؛ ایسلکی دریغ ایتمز ، مغرور اولمز ؛  
نزا کتسنز ، منفعت پرست دکلدز ؛ اصلا حدت ایتمز ،  
سوء ظننده بولونمز ؛ حقسنزلقدن دکل ، طوغرولقدن متلذذ  
اولور ؛ هرشیئی عفو ، هرشیئه اعتماد ، هرشیئی امید ایدر و هر  
شیئه تحمل ایلر . . . . . مرحمت اصلا محو اولمز ؛ کهانت بوشدر ،  
لسانک تأمین ایتدیکی فوائد توکه نیر و معلومات نابود اولور .



اعتقاد، امید و مرحمت باقیدر : وبونلرك اك بويوكى ايسه  
مرحمتدر . (۱) «

### اوره التجبى فصل

سجيه ( caractère )

حياتده موفق اولق اچون ، ايش بيلمكدن زياده سجيه يه  
وانتظامه احتياج واردر . معاملاتده موفقيتى تايمين ايتديكندن  
طولايى سجيه يه مالكيتهك اهميتنده شبهه يوقدر ديمك ايستهمم ؛  
ملاحظه نك اهميتى ده بوندن آشاغى دكلدر . ايسلكى بايغفه مقتدر  
اولديغمزى بيلمكدن زياده اجرايتمه نك اهميتى واردر . و كرك  
فضيلتمند ، كركسه موفقيتله مسعود اولق اچون دائما بويولده  
حركت ايتلى يز .

حياتك قيمتى قيمت اخلاقيه سييله اولچولمليدر .  
اصلامتردد بولونماق قرارىنى بر كره ويرديكزده وجدانكز  
سنزه نه ياپيلمق لازم كله جكنى سويلديمى ؛ موفقيت مفتاحنى  
الده ايتمش اولورسكز .

وظيفه كزى ترك يا خود ستر ايدرك مسعوديتكزه بر شى  
علاوه يه موفق اولامازسكز . وظيفه يى طاميق عاقل و فضيلتمند  
كيمسه لرك اوصاف مميزه سننددر .

«وظيفه نك كنديسى چاغيرديغى يره ، انسانه ياقينشيمان  
خوف ايله هيچ بر سوز ايتكسزىن كمال امنيتله توجه ايدر .  
وظيفه سى ايجاب ايدر ايسه بيكلرجه تهلكيه ميدان اوقور .



واللهنه توکل ایدم رک تهلهکه لرک کافه سنه غلبه ایدر. (۱)»

حیاتده موفقیت ایچون نه لازمدر؟ یالکز برشی! پاره نك اهمیت آز؛ قوت، ذکا، شهرت بونلر لازم دکل؛ سربستی بوده بی لزوم؛ صحت بیه لزومی اولان یکانه برشی دکل؛ بلکه لازم اولان ساجیه و مر نقطه نظر دن تنیه ایدلش بر اراده در. ایشته بزی قورتاره جق یالکز بودر. اکر بونکله خلاص یاب اوله من ایسه که شبهه سز که عذاب واضطرابه دوچار اولورز.

ناصل یایمق ایستر سه کز ساجیه کزده او یله اولور. هپمز شاعر و یا موسیقی شناس، بویوک صنعتکار یا خودمتمن اولامیز. فقط «باشقه بر چوق شیلر واردر که اونلرک اهلی دکل دییه مزسکز. او حالده تمامیه مقتدر اولدیغک شیئی یاپ. صمیمی، وقور، غیور، قضایه راضی، آزه قانع، خیرخواه، حر اول وزینته، واهی، عبث شیلره، حشمته محبت ایتمه. دوشونمز میسک که عدم استعداد و عدم کفایت ادعا ایده. میه جکک بر چوق شیلری ایفایه بوکون مقتدر اولدیغک حالده اختیاریکله وظائفکی ترک ایدیورسک. صیزیلدانمغه، تنبلک کوسترمکه، سفیل وجودکه مساعدده ایله اوئی معذور کورم رک هواسنه ترک ایتمکه، بوش شیلرله اشتغاله طالمغه و بر چوق اغفالانده بولونمغه سنی مجبور ایدن طبیعی بر حماقت میدر؟

خیر والله خیر! بو خطالردن قورتولمق چوقدن بری سنک الکه در. شو قدر وارکه اکر حقیقه عاقل و آز نافذ بر فکر ایله طوغمش بولونور ایسه که بو عطالت فکریه بی خوش کورمیه رک و نظر دقتدن دور طوتمیه رق بالذات اونک اصلاحیه مشغول اولمیسک.

محجوبیتکزی موجب اوله جق برشیئی اصلا یایمکز. (سهنه ک) «مستریخ بر وجدان بر عید دائمدر» دیور.

مصلحانه بر چوق نصایحندن طولای کن دیسنه مدیون شکران اولدیغمز (فرانقلن) بر خط حرکت تعقیب ایدیور که بن بونی اصلا تصدیق ایدم. وضوح و قطعیتله فضائی تعداد ایتدکن صوکره شویله سویله یور: «بو فضائلک کافه سنی اکتسابی ارزو ایتدیکم جهته، هپسیله بردن اوغراشه رق فکری یورماز ایسه ای یایاجغمی دوشوندم. برنجیسنی اله ایدنجه ایکنجیسنه کچور و بو صورتله شو اون اوج فضیلتی قازانجه یه قدر دوام ایدیور ایدم؛ (اعتدال، سکوت، انتظام، متانت، قناعت، سعی، صمیمیت، عدل، انصاف، نظافت استراحت وجدان، تواضع و عفت.

فرانقلن ک بو اصولی تعقیب ایتدیکنه اینامق بنم ایچون متعسر کورونیور. زیرا: «شیطانک افراد عائله سندن برینی مسافر ایتدکن صوکره دیگر لری ده اوئی تعقیب ایدر» راهب (ویاسون) دیور که: «برینک دیگر بر آدمه صدقه



ویریرکن بونی آل دده میخانه یه، او یونلره او یونجاقلره ویریرسک دیدیکنی ایشیتسه ک شاشاریز. او حالدده باشقه لری ایچون صرف ایدلمسنى مناسبستسز عدايتدیککز پاره لری نه ایچون بالذات صرف ایدیورسکز ؟ »

یورورکن باشیکزی اشاغی ا کیمیکز، یوقاری قالدیریکز. (بیقونسفیلد) دیورکه : « باشنی یوقاری قالدیرمیان یالکز یرده کی شیلری کورور . سمواته طوغرو یوکسه میان فکر یرده سوزونمکه محکومدر . »

اگر اشیانک اساسی نظردقته آلمیرسه عامیانه احتراصاتک محقر اولسی ایجاب ایدر . وشکسپیر ، میلتون ، نیوتون ، داروین کی اک بویوک آدم لریمز حکومتلرک ویردیکی مراتب وشرفه اصلا عرض افتقار ایتمدیلر .

احتراصات عامیانه نک اک بویوک مضرتی ، هیچ برشیله ممنون اوله مامقدر . طاغه چیقار ایکن بر تپه یه وصولم زده آرقه سندن دیکر بر تپه نک اوکزه چیق-دیغنی کورورز . اسکندر ، ناپولیون کی اک بویوک محاربیلر حاللرندن اصلا ممنون اولمدیلر . مفرط بر حرصک اسیری اولدقلری جهتله « استراحت ایتمکه ومسعودیتلرندن ممنون ومتشکر قالمغه مقتدر اولمدیلر . » باقون « دائماً موفق اولدیغی حالدده بر زمان صوکره موفقیاتنی توقفه اوغرایان کیمسه حالندن ممنون اولمدیغی کی او حالی ده محافظه ایدمیز . » دیور .

شاعرک سویلیدیکی ایسه ایشک پک ایلر یسنه کیتمکدر : « پارلاق بر حیاتک دغدغه لی بر ساعتی شهرتسز بر عصره بدلدر . (۱) »

احتراصات خودپسندانه بطاقلقلرده کورونن آلوی بخار کی پارلاق بر خیالدر .

پایه یالکز باشینه نه ایش کوره بیلیر ؟ قرالیچه و صوکره فرانسه نائبه حکومتی اولان ، فرانسه قرالنک ، اسپانیا وانکلاتره قرالیچه لرینک ، دوشس دوساوانک والده سی (ماری دومه دیچی) اوغللری اولان حکمدارلر طرفندن ترک ایدلدی ، اونى اراضیلری داخلنه دخی قبول ایتمدیلر واون سنه مدتله چکدیکی صیقتیلردن صوکره قولونیا ده سفالت ایچنده ترک حیات ایتدی . هر تاج آز چوق دیکمیدر . بوکا مالک اولان بر آدم اصیل و وجدانلی اولدیغی نسبتده حاکمیتک بار مسئولیتی آلتنده ازیلیر . بر یاکاش حکم بیکلرجه انسانک بدبختیسنه سبب اولوردیه اندیشه ناک اولماق قابل دکلدر . انسان اولدیغی یرده قالمق ایچون دکل ، ایلروله مک ایچون یارادلمشدر ؛ بر چوقلریمز یرنده طورامیور ، یا ایلروله یه لم یاخود اوله لم . مقصد و وسائطمزی وجداناً تمیز ایتملی یز ؛ ظاهری بر رفعت ، غیر لایق وسائطله استحصال اولونور ایسه ، تدنیدن باشقه برشی اوله مز .



او حالده ، طبیعتتمزك يكدیكرینه ضد بو ایکی احتیاجنی ،  
 ناصل تألیف ایده بیلیرز؟ املمز روحمزی اداره ایتك اولمایدیر. ترقی  
 حقیقی دائماً فضله او کره نمك ، دائماً تکمل ایتك و کیتدکجه فضله ایشله  
 مقتدر اولمقدیر . بو ترقی توقف ندر بیلمز ؛ هر آیدمه ده  
 تهلكلی دکل ، کیتدکجه ده از یاده امنیت بخش اولور . برانسانك  
 مالك اوله بیه چکی اك برنجی و اك عالی امل وظیفه سنی ایفا  
 ایتمکدر . مرویدرکه ( دوق دو وهلینگتون ) ك محرراتنده بر  
 دفعه بیه شان و شرف کله سی کورولما مشدر . وظیفه ، ایشته  
 بو کله ، حیاتنك ناظمی ایدی .

« مفخرت و غرور بیه ؛ حریص اولدیغی شهرته وصول  
 ایچون اك امین یولی ، بر عاقلك اون بیك محاربه بدل  
 اولدیغنی تاریخ صحیفه لرند کوستره رک ، ده ائی  
 او کره ته بیلیر . »

یوز سنه صو کره ، سنك زنکین ویا فقیر ، اصیل یا خود  
 کویلی اولمه کزك نه اهمیتی قالیر ؟ فقط ای ویا فنا بر ایش  
 کورمه کزك اهمیتی اولابیلیر . . . « دوشوندیگمز ، بیلدیگمز  
 یا خود ظن ایتدیگمز شیلر عند الحساب آز اهمیتی حائر در .  
 یکانه حائر اهمیت اولان شی ایسه یاپدیغمز شیلر در . ( ۱ )  
 « فقط عقلی نروده بولمی ؛ و ذکاتک یری نروده در ؛ انسان  
 اونك قیمتنی بیلمیور . ارضك اوچور و ملری دیرکه ؛ « او بنده یوق . »

دکز دیرکه : « او بنله برابر دکل . » او ، پارلاق آلتونلر مقابلنده  
 ویرلمز ؛ کوموش آغیر لغیله صاتون آلینه مز ؛ اوکا قیاساً مرجان  
 و کوك زمردك سوزی اولمز . عقالك قیمتی اینجونک کندن  
 فضله در . عقل حقیقی مخافه ادر . و ذکاتک قندن احتراز دده در . ( ۱ )  
 صاف و صادق اولیکز . ( ژان پول ریخته ) دیورکه : « دنیاده  
 ارتکاب اولونان ایلک قباحندن شیطانك مسئول اولدیغی حقنده کی  
 فکر بریالاندن عبارتدر . »

( شوسهر ) « حقیقت ، انسانلرک مالک اوله بیلدیکی شیلرک  
 اك کوزلیدر » دیور .

( قلاراندون ) ؛ ( فالقلان ) ك حقیقته پک زیاده پرستش  
 ایتدیگنی ، یالانچیاقله خرسزلغی بر طوتدیغنی و بونك کی یالانچیلغده  
 مساعدده ایتدیگنی سویله یور .

( پلوتارک ) دیورکه ؛ « یالان سویله مک اول باول جناب حق  
 اهمیت ویرمامک دیمکدر ؛ چونکه انساندن قورقق یالانچیان  
 موجب اولیور . »

انسان حقسنزلغندن اوتانمایدیر ؛ یوقسه قصورینی اعترافدن  
 دکل . « انسانلغی وجوده کتیرمن و انسانك ساحه حیاته یامغه مجبور  
 اولدیغی ایشلری ایفایه اونی مستعد قیلان نیجه اوصاف واردر .  
 فقط بروصف اساسی واردرکه اونسز برانسان انسان اوله مز ،  
 اونسز هیچ بر بویوک حیات یا شانما مشدر ، اونسز جدا بویوک بر اثر



وجودپذیر اوله مز. بوده حقیقت، حقیقت صرفه در. بویوک  
وفضیلت پرور ذواتی کوزدن کچیریکز؛ نه ایچون بزبونلره بویوک  
یاخود صاحب فضیلت دیوروز؟. زیرا بونلر بالذات کنندی  
نفسلرینه صداقت ایتک، یارادلدقلری کی اولمق ایچون جرئتکار  
درلر.

«خصوصیله شونی ایی بلله ییکز: بالذات نفسکه صادق اول.  
بوندن قطعی بر نتیجه حاصل اولورکه اوده نفسکه صادق اولونجه  
آرتق هیچ کیمسه یه قارشى عکسی بروضعیتده بولونه مزسک (۱)»  
(ووردس وورس) دیورکه: شو ایکی شی نه قدر یکدیگرینه  
ضد کورونسه بربرندن آیرلمق امکافی یوقدر: مردجه بر مربوطیت  
واستقلال مردانه، مردجه بر امنیت و نفسندن باشقه سنه  
استناد ایتماک عادت مردانه سی.»

اطاعت ایتکی اوکره نیرسه کز امرایده بیلیرسکز. فنا برنذر  
اصلا ای بر قوماندان اوله مز.

«موفقیاتکز یکدیگرینی متعاقباً تجلی ایدرایسه کندیگری  
کبر وعظمته قایدرمایکز» «کبر، انسانی از دیریر. فکر  
مغرورانه ایسه خرابی یه سوق ایدر. (۲)»

افکاریمزده حرصله فعالیت، صبرایله عطالتی برلشدیریوروز.

(۱) شکسپیر

(۲) ضرب مثل.

فقط بو برخطادر. صبرقوت قلابی موجب اولور، حرص ایسه  
علامت ضعفدر و نفسه عدم حاکمیتدن منبعتدر.

بر موقع اشغال ایده جک اولورسه کز؛ کمال دقت  
واعتنایله طوغرو و نزا کتپرور اولیکز. (سعدی) شرق  
پادشاهلرندن برینه اعدامی امرایتدیکی بر آدم طرفندن شویله  
خطاب ایدلمش اولدیغنی روایت ایدر: «ای پادشاه! کندیکی  
کوزمت. بن بردقیقه مضطرب اوله جغم، سنک خطاک ایسه  
دائمی اوله جقدر.» قدرت حکومت مسئولیت دائمی موجبدر.  
یاغمه هوس ایتدییکز شیلری دکل، ایفاسی وظائفکز داخلده  
اولانلری دوشونیکز. مسعودیتی الده ایتنهک یکانه و حقیقی  
چاره سی بودر.

ایکی وظیفه آره سننده متردد بولونورسه کز اک یاقیننی اختیار  
ایدیکز. بر طاقم آدملر وحشیلرک اصلاح احوالیه مشغول  
اولمق ایچون کنندی عائله سنی براقیر. حال بوکه انسان اولا کنندی  
چولوق چو جو غنه محبت و مرحمت ایتلیدر.

بو عالمده هر شی اییلکه خادمدر. بز بوکا قولایجه  
قناعت حاصل ایده بیلیرز. بر جرمک انتاج ایتدیکی  
جزای هیمنز بیلیرز. پکاعلا، بوجزا نرمدن کلیور؟ بالذات  
کندییمزدن. فضیلتک مانع مسرت اولمسی، فنا لک اضطراب  
تولید ایتمی بوعالمک ایجابات حیاتیه سننددر. بر قصور نتیجه سننده  
الم طویماق قوانین طبیعیه یه مخالفدر.



بر قباحتك كچشدیرلسی ، عفوی بزم جزا کورمیه جلمزی  
اشراب ایتمز بو ، یالکیز غیر ممکن دکل ؛ بر بدبختلقدیر .  
فنالق یاهر ق نائل دولت و اقبال اولمق قدر ، حقیقت حالده  
بویوک بدبختلق اوله مز . اکر فنالق یاپارایسه کز خاطرات ماضیه  
تمامیه استقبالکزی تسمیم ایدر . تجاوز ایتدی کز کیمسه لر بلکه  
سزی عفوی ایدر ؛ فقط بوصور تله « باشیکزه قیزغین کور لر  
یغمش اولور لر . » زیرا اونلرک لطفکارلغی افعالکزی دها مظلم  
بر حاله قویار .

خط حرکت ، حیاتی تقرر ایتدیریر ؛ اقبال وسعادت بوندن  
نشأت ایدر . وقوعات خارجیه بالنسبه اهمیت قلیله یی حائزدر .  
اطرافزده کی شیلرک یاپدیغمز ایشلر قدر اهمیتی اوله مز . هر کون  
نفسکزی محاسبه ایدیکز ؛ اعتیاد طبیعت ثانیه در .

« برایش زرع ایدر سه کز براعتیاد ، بر اعتیاددن بر سجیه ،  
و بر سجیه دن بر طالع اقتطاف ایدر سکز » هر کون ، بزم ایچون  
ایلاک ویا فنالق نقطه نظرندن بر ترقی تولید ایدر . هراقشام ،  
نرمده بولونه جغمزی کندیمزه سؤال ایتک مفید برشیدر .

( امرسون ) دیورکه : « بشریت ایکی صنفه منقسمدر . ایلاک  
یاپانلر ، فنالق یاپانلر . » بوایکنجی صنفه منسوب اوله جق  
اولور سه کز دوستلریکزی دشمنه ، خاطراتکزی آلامه ،  
حیاتکزی حزنه ، عالمی بر محبسه ، اولومی بر خوف و دهشته  
قلب ایتش اولور سکز .

بالعکس بر قلبی - تسلیت آور و محبت آمیز تک برسوزی  
اسبر که میهرک - بر ساعتک مسعودیتله معمور ایده جک اولور سه کز  
ملائکه حسناتک آثار خیریه سندن برایش کورمش اولور سکز .  
هر شخص ایچون کونده بر ساعتی ، حتی یارم ساعتی  
بیله تفکراته حصر ایتک پک عالی بر ایشدر . ناصل  
اولسه بوقدر بروقت بولونه بیلیر . ( سیررو بهر په نه ل ) هراقشام  
عوام قارده سندن چیقنجه کتاب مقدسندن بر فصل قرائت ایدر  
ایدی . واقعا قاره شیمدیکی کی کچ وقت قدر انعقاد ایتیمور ایدی .  
ای شیلری تفکر ایدر سه کز فنا شیلری یامز سکز .  
اولومی ، سموات و جحیمده ویریه جک حکملری اکثریتله  
تفکر ایدن کیمسه حسن حال و حرکت ابرازنده قصور ایتمز .  
وبونک مکافاتی ده بویوک اولور :

« او غلم ! بنم درس لریمی اونوتمه ؛ قلبک او امریمی محافظه  
ایتسون ، زیرا اونلر سکا اوزون کونلر ، اوزون عمر و اقبال  
کتیره جکدر . »

بونکله برابر ، زمان غائب ایتیکز ؛  
« ایام شبابتکنده حالقکی تخطر ایت ؛ »  
ایستدیکمز کی اولمک ایچون لایقی وجهله یاشامق لغمز لازمدر .  
بر انسانک اولومدن قورقوسی اولمز .

راهب ( تیرل وال ) صوک خسته لغنده شو جمله لری یدی لسانه  
ترجه ایتکده باشلامش ایدی : « اویقو ، اولومک قارداشی اولدینی



جهتله، سنی اویقونك اولومندن واولومك اویقوسندن اویانديره جق اولان ذاته كندیكى تودیغ ایتكه لازمدر .

( چیچهره رون ) سوقراطدن بحث ایدرکن دییورکه : « او، حقنده اعطای حکم ایدنلر قارشیسینده اعداده محکوم اولان دکل ؛ بلکه طوغروجه سمایه چکیلان برکیمسه کی سوز سویله یوردی . »

هرکیم ایسترسه اصیلانه یاشایه بیلیر . او حالده ، حیات حاضره کزدن دهاعالی برموجودیت خیالی دائمی صورتده کوزلریکزك اوکنده بولوندریکز .

« هویتندن یوکسك مراتبه ترفع ایتزایسه انسان اهمیتسز

برشیدر ! »

ایشته انجق بویله جه کندیکی ترییه ایده بیلیرسکز ؛ شوصورتله که برکون سنك حقکزدهده ( مارس ائتوان ) ك ( بروتوس ) ایچون سویلدیکی شوسوزلر سویلنه بیلسون :

اونك حیاتی اصیلانه ایدی ونفسنده کافه عناصر او درجه امتزاج ایتمش ایدی که دنیانك هر طرفنده ، طبیعت ، : بو بر آدم ایدی دییه شهادت ایده بیلیر . (۱)

واکر اثریمزی اوقویان برقادین ایسه اوزمان شویله توصیف

اولونه بیلیر :

« بو ، اصیل طبیعتلی ، تکمل ایتمش برقادیندر ، ونصیحت ایتك ، معاونت ایتك ، امر ایتك ایچون یارادلمشدر ؛ بو ، برملکك آلهی انواریلله تنور ایتمش برز کادر . (۱)

( سیرو . سقوت ) ك اولوم دوشکنده ( لوقارت ) .

سویلدیکی صوك سوزی شوایدی : « فضیلت پرور ، دیندار و صاحب خیر اولیکز . بنم حاله کلدیککز وقت باشقه هیچ برشی سزی تسلیه ایده میه جکدر . »

( بالا آم ) دخی « حقپرست انسانلر ك اولدیکی کی اولمکی وعاقبتم اونلر ك عاقبتده بکزه مسنی ایسترم » دیمشدر .



## استراحت وجدان و سعادت

اقبال ایله سعادت برابر کیده مز . چوق کیمسه لر بختیار اولمق ایچون لازم کلان هر شیئه مالک کی کوروندکاری جالده مسعود دکدر لر . طبیعت ، معلم « هو کسه له ی » ک تعبیری وجهله ، « اقویای مرجه سینه » لطفی حسابسز ایثار ایدر ؛ بواوکا خاص برایشدر . بودنیاده حیات موفقیت کارانه تهلمکه واندیشه لرله محاطدر . عناصر سعادت کی کندی نفسنده بولامیان کیمسه اوئی نه کوزللكده ، نه تجددده ، نه ذوقده ونه ده منافع دنیویه ده بولابیلر . (شوپنهاور) ک دیدیکی کی بر طاقم انسانلر ایچون دنیا یا بر چولدن عبارت ، جان صیقیجی و معانی دقیقه دن عاریدر . دیگرلری نظرنده ایسه زنکین ، مفیددر و بر چوق معانی پی احتوا ایدر . « اکر بز الده ایتسنی بیلیرایسه ک سعادت کند . یلکندن ایاغمز کایر ؛ فقط پک زیاده شوق ایله اونک آرقه سندن قوشماملی یز . اک بویوک مسرتمز ، ( اورفه ) کی دونوب آرقه مزه باقه جق اولورایسه ک ، نارجه حیمه اینهر . » (۱) اذواقدن قاجیکز ؛ اونک آرقه کزدن کلدیکنی کوره جکسکز . دائما یالکز کندیکزی دوشونمیکز ؛ دنیا ده یالکز دکلز .

( روسکین ) ک دیدیکی کی اکلنجه آرامیکز ؛ فقط دائما اویالانمغه مهیا اولیکز . حیاتی ، ولوکه اهمیت قلیل اذواق متعاقبه حاله قویق بویوک برشیدر .

شطارت طبع ؛ انسانه خاص بر موهبه در . واقعا حیواناتک دوشونوب دوشونمکلی موضوع بحث اوله بیلر . شوقدر وارکه ظواهره نظر حیوانات کولمک نه در بیلمز لر . (شامفورت) دییورکه : « اک زیاده غائب ایدیلا ن کون ، کولمکمزین کچیز . یلاندر . » . نشئه لی برکولوشی ایشیتمک ، خوشدر ؛ هرکی محظوظ ایدر .

« نشئه لی برقلب هرکون یورور ، محزون کولک ایسه بر میل کیدیجه یورغون دوشر »

پسقیوسلردن بری دییورکه نشئه ، خریستیانلق فکرینک اونده طوقوزیدر . واکر حدت ایدرسه کز « کونش حدتکز اوزرنده اصلا غروب ایتاملیدر . » بوزوشمق ایچون ایکی کیشینک وجودی لازمدر . سز بوایکدن بریسی اولماییکز .

بعض کیمسه لر واردرکه دائما حاللرندن اشتکا ایدر لر ؛ جنتده دخی طوغمش اولسه لر شکایت ایده جک وسیله لر بولور لر . بعض کیمسه لر ده بالعکس هریرده مسعوددر لر ؛ کندیلرینی محیط اولان هرشیده کوزلک ولطافت بولور لر .

اکر قورقو ابدیا دفن ایدیلر ، امید دواملی ، محبت ابدی اولورایسه دنیا نه کوزل جنتدر . (۱)



نشئه اك بويوك مقوى اخلاقدر . كوش چيچكلرى  
آچديغى، يمشلى كاله ايرديرديكى كى نشئه ونشاط ، حس حيات  
واحتساسات حريرورانهده ايلك تخملىرىنك كافه سنى و بزرده  
موجود اولان كافه حسناتى تميه ايدر .

نشئه باشقه لرينه قارشى انسانك بروظيفه سـيدر . عنعنات  
ماضيهدن برينك ( الكم صاغمه ) نك تصادف ايتـديكى محله  
التون پارچه لرى بولونه جنى ادعا ايتـمى كى ؛ بعض كيمسه لركده  
تبسملى ، سسلرى حتى بريرده حضورلرى بيايه كوشك  
شعاعاتى كى طوقوندىلرى هرشيئى التونه تحويل ايدر .

نشئه سنى محافظه ايدن كيمسه اصلا مغلوب اولماز . «نشئه لى  
كوكل كرك كنديسى كركسه سائلرى ايچون برعيد دائمدر»  
( فلورانس نيكتيغال ) ك كوكلهسى خسته لرينه علاجلرندن  
زياده برء وعافيت بخش ايدر ايدى . واكر بز باشقه لرينك  
يوكلرينه يارديم ايدرايسه ك كنديمز ككفى ده تخفيف ايتـمش اولورز .  
بعض كيمسه لر نشئه ، مبالا تـسزلغى موجب اولور ظن  
ايدرلر ؛ حالبوكه بونلرك آره سنده هيچ بر مناسبت يوقدر .  
دوقتور ( آرنولد ) ديووركه : نعم بشريه نك اك بويوكلرندن  
برينى تشكيل ايدن نشئه ونشاط ، اكثرثيا اك عميق فكرلر واك  
صميمى محبتلر ايله مترافق اولور . «

بك چوق آدملىر اشغال شاقهيه محكوم اوله رق

طوغمشلردر . فقط بو يالكنز فقرايه مخصوص دكلدر .  
بوكون زنكىنلرده بك چوق چاليشيورلر . فضله اوله رق پاره  
سبيله بدبخت اولان وحياتى سكون وسلامتدن محروم قالان  
نجه آدملىر واردر . بو عالمده آلامدن قورتولماق ممكن دكلدر ؛  
شوقدر واركه اكر ايتـر ايسه ك آلامك فوقه يوكسه بيليرز .  
بوكا موفق اولماق ايچون حافظه مزى افكار و تصورات حسنه  
وخاطرات مسعوده ايله تزئين ايتـملىز .

هر كس اكلنجه ايله وقت كچيرمكى آرزو ايدر ؛ فقط  
بوندن استفاده ايتـمك يولنى بيلن آزدرد . انسانلر حياتك  
كافه اهميت وسعادتنى تقدير ايدميورلر .

حياتك بر طاقم كوچوك تاثرلرني بويوك بر فلاكت درجه  
سده اعظام ايتـمكـز . چيچهرون شويله سويليور « هانكى مزاحم  
واردركه دنيا نك اوزون بر مدت دوامنى ووسعتنى بيلن  
انسانك نظرند بويوسون ؛ زيرا انسانك بيلديكى شيلر ايچنده  
ياخود بوحياتك قيصه مسافهسى داخلنده عاقله بيوك  
كورونه جك برشى اوله مز . اونك فكرى دائما اودرجهده  
اطرافنى قوللاركه كنديسى ايچون هيچ برشى غيرمنتظر دكلدر .  
بعض كره اوله بيلير وجوديمزده بر طرناق يارهسى  
بولنور . بز بوندن طولايى كنديمزى تهلكلى صورته  
ياره لانمش فرض ايدورز . ( فوللهر ) شويله بر حكايه نقل  
ايدر : « اهميتسز برياره يى تداوى ايچون دعوت اولنان



بر طبیب در حال بر یاقی ایصهارلار . خسته صورار  
« یارم پک زیاده تهلکلی دکللی دوقتور ؟ »

— « خیر ؛ هیچ بر تهلکه یوق . حتی یاقی کلزدن اول  
ای اوله جق .

ایشته زمان سیئاتمزی ده یارم لریمز کبی بویله اصلاح ایدر .  
( میل ) دیور که عرفانله حرائت ایدلمش بر دماغ ،  
بر حکیمدن بحث ایتک ایستمیورم ، فقط منابع معلوت کندیلری  
ایچون کشاد اولان وهرهانیکی بر درجه یه قدر اولورسه اولسون  
ملکاتی ادمان ایتک طریق کندیلرینه اوکره دلمش اولونان  
دماغلر محیطک هر نقطه سندن بیتمز توکنمز فوائد اقتطاف  
ایدر : طبیعتک اشیای موجوده سنده ، آثار صنعیه ده ،  
شاعرلرک تفکراتنده ، وقایع تاریخیه ده بشریتک ماضی و حالده کی  
طریقلرنده و مناظر مستقبله سنده . واقعا بواشیایه ، اک کوزل  
اقسامنی اکمال ایتزدن اول بویه اهمیت ویرلماک ممکندر .  
شوقدر وارکه بوتقدیرده بدایتدن اعتبارآ ، مطالعه ایدیلان  
شیلردن بر فائده اخلاقیه و انسانییه دکل ؛ یالکنز اونلرک  
غرابتندن متلذذ اولق جهتی آراشدیرلمش دیمکدر .

بز چیچکلر ، آغاجلر و اوترلر ، ایرماقلر ، کوللر و دکلزلر ،  
طاغلر و پارلاق کونش عالمنده یاشیورز . طبیعت ممنون اولانلر  
ایچون نشئه ایدر ، قبول ایتسنی بیلنلر ایچون تسلیمت بخشدر .  
« صباح مشمس ، ساکن و کوزل ؛ معطر برسیس هوای

نسیمی بی املایتمش اورته لقدمه اویله بر لطافت وار ، صانکه عالمی  
پوسه لریله بر رؤیای سعاده ایصال ایچون ربیع عودت ایلش .  
(۱) « فقط تقدیر بدایع ایچون فکر بدایعه مالک اولمق لازمدر .  
کوپکک وفیلک ذکاسندن پک چوق بحث اولنیور ؛ شوقدر  
وارکه دنیانک اک کوزل مناظر طبیعیه سنک بولنره ذوق بخش  
اولدینی ظنی تولید ایده جک بر دلیل بوله میورز .

بر طاقم آدملر کوره جک ایش بولامامقدن طولایی حان  
صیقنتیسندن شکایت ایدرلر ؛ فقط صیقنتینک کندی نفسلرندن  
تولد ایتدیکندن بی خبردرلر .

« تحصیل کورمش بر آدمکه کوزی کورر والی طوتار  
کندیسنک بوش وقتی بولونورده حیاتنده برغایه بولامازسه  
جناب قادر مطلق بوتون بوفوائدی مستحق اولمیان بر کیمسه یه  
ویرمش دیمکدر . « نه ثروت نه ده منصب بزه سعادت تامین  
ایده مز . محبت ، مرحمتسز و استراحت وجدانسز بویوک و مقتدر  
اوله بیلیرسکنز ؛ فقط بختیار اوله ماسکنز . بر عجم حکایه سنده :  
« بر بویوک حکمدار وار ایش ، بدبختلغنی حس ایدره رک  
منجملرینه طانیشمش اوکا دیمشلر که بختیار اوله نیک  
یکانه چاره سی ، تمامیه بختیار بر آدمک کوملکنی کینمکدر .  
سرایده و مملکتک بوتون زنکین صنوفی آره سنده بویله بر آدم  
آرانمش ، قابل دکل ، بولنه مامش . نهایت ایشدن عودتنده



بر چفتجی به راست کلیرلر؛ بو آدم شرائط مطلوبه بی حائز، تمامیه  
بختیار. فقط مع التأسف علاجی بولمق غیر قابل، چونکه  
آدمجگزك آرقه سنده کوملك یوق!

عاقل کیمسه لرك مدرک اولدقلری وجهله مسعودیتك پاره  
ایله اشترا اولنه مدیغنی، قدرت مادیه ایله ده تدارک اولنه مدیغنی  
آنفا ارانه ایتمش ایدم. بوبر حقیقتدر. قرالارک تاجلری  
بیله اکثریا دیکنلر ایله طونامشدر.

(هیهرون) بآنکه نام اثرنده سیمونیده دییورکه:  
«اکثریت خلق مستبدلرک حیات خارجیه سنه آلدانیرلر؛ بن  
بوکا تعجب ایتیم؛ زیرا انسانلر هرکسک سفالت وسعادتیه  
کوزلریله حکم ایدیورلر. استبداد انظار ناسه بیوک بر قیمتی  
حائز فائده لی کی کورونن بعض شیلر غرض ایدر. بریاندن  
بویله کوستریشلر یاپان مستبدلرک آلامی قلابلرینک اعماقده  
مدفوندر؛ زیرا انسانلرک سعادت و بدبختیسنک محل سکونی  
اوراسیدر. بکا قالیر ایسه «سیمونید! تجربه م کوستریور  
وسکاده ایشته سویلیورمکه؛ ظالملر اک بویوک اییلکلرک پک  
آزینه، اک بیوک فناقلرکده پک بیوک بر قسمنه حصه دارلر.»  
اگر بدبخت ایسه کز (ماسیون) ک شوسوزلریله متسلی  
اوله بیلیرسکز. «ای انسان؛ بونرهدن کلیر؟ بو، اصلا  
اوله مز. سن بوراده یرینی دکیشدیرمش بر آدمسک. سن  
سموات ایچون یاراداشسک؛ ارض سنک وطنک دکلدر.

والوهیتدن عبارت اولمیان هرشی سنک ایچون هیچدر؟  
«اذواقک بیکلرجه آباتندن، فضیلتک انواع عدیده سندن  
بحث ایتک اقتدارمزاك خارجنده در. اک عالی فضیلت حقنده کی  
سوزیمزک خلاصه سی، اونک بیتمز توکنمز بر حسنه، غیر قابل  
تعریف بر لطافته مالک اولمسندن عبارتدر. (۱)

اگر بزاشیانی لایقی وجهله نظردقته آلیرایسهک (دانتیه)  
ایله برابر شویله سویلهیه بیلیرز:

بنم کوردیکم شی بر سعادت عمومی؛ تعریفک خارجنده  
بر مسرت؛ بیتمز، توکنمز بر حیات عشق وسکون، لایفنامال  
ومنال و بر سعادت بی حدود ایدی.

طبیعتده هرشی خیرخواه ومعقول بر قانون ایله تنظیم  
اولنمش، هپسی اییلکه مربوط واونک حصوله خادمدر.  
آلامز یاکندی خطامزدن یاخود همجنسلریمزک تامین سعادت  
خصوصنده کی غیرتمزدن نشئات ایتمکده در.

چیچهرونه کوره: «آپیکور انسانک حرص وطمعنی  
اوچ قسمه آیریور: بری، طبیعی دکلدر، فقط لازمدر.  
دیگری طبیعیدر، لازم دکلدر. اوچنجیسی ده نه طبیعیدر،  
نده لازمدر. لازم اولان ایچون، اونک فکرینه کوره، برشی  
یایمق ایجاب ایتمز. خزائن طبیعت هریرده مبدولدر. ایکنجی  
صنف ایچون اجرا ایتک یاخود وازچمک قولایدن ظن ایدیور.



اوچنجیسی ده نه لزوم تحتنددر ، نه ده طبیعتك ايجاب ايتدیکی برشیدر .

حياتدن تماميله استفاده ايتك ايجون جاذبه دار برچوق اذواقدن کنديمزی محروم ايتمکه مهيا اولملي يز . احتراصاتی يرينه کتيرمکدن زياده آرزولردن وازچمکدن قازانيلىر . حواس ، هر نه قدر بزم ايجون اذواق صافيه حصوله کتيرير ايسه ده اگر کنديلرينه تابع اولور ايسه ك بزی ، اساطيرك دکنر پریلری کبی ، حياتك قیالق و کردبادلرينه سوق ایدر لر .

عصریمزك بدبختلقلردن بری ده بزه پك آذربوش زمان براقسیدر ؛ بر کردباد دائمی ايجنده ياشايورز . نه قدر قادین حتی ارکك ( پورتیا ) نك شو سوزلرینی حس ايتمشدر : « بزم کوچوك وجودم بوبویوك عالمك مزاحمندن یورغون دوشدی » . ( که نغسله ی ) دییورکه : « بن بیلیمورم ، هیمزده اكسيك اولان شی حضور قلب و وجداندر ؛ سکونتپرور ، متین بر سجیه متوکلدر . قناعتکاردر ، شوقه احتیاجی یوقدر - زیر اياس وفتور ، موجب کلال اولان شیلر نه در بیلیمز - حماوی تهيجاندن بی خبر اولدیغی ايجون منومه ده محتاج دکلدر کشيشلرك وجودلرينه ياپدقلری اذالردن بی خبردر چونکه جناب حقك موهبه لرینی حسن استعماله مقتدردر . خلاصه يالكز ما کولات و مشروباته دکل ؛ کافه آمال ، افکار و افعالنده جداً اعدالتپرور اولوب حیات و سعادت و سائط ممنوعه

ایله الده ايتمکه چالیشه رق مصائب و اولومدن باشقه برشی بولامیان ابوالبشرك تابع اولدیغی طمع و احتراصاتدن قور تولمش بر سجیه دن محرومز . اوت ؛ بن بونی واستراحتك بولدیغکز یردن باشقه سنده بولونمیه جغنی بیلیمورم . »

( نه یقته ت ) دییورکه : « ژوپيترك اراده سنی تعقیب ایدیگز اگر بونی یاپمزه کز اطاعتسزلکککزك نتایجنه دوچار اولورسکز . و وظیفه کزی ایفا ایتدیگکزدن طولانی دوچار اوله جغکز جزا نه دن عبارتدر بیلیمیسکز ؛ تواضع و اطاعتی حصوله کتیرن شیئی و اشیانك معانی حقیقیه سنی غائب ایتمه کز : بوندن بویوك جزا وار میدر ؟ » ( روسکین ) دییورکه : « برچوق شیلره ؛ انتخاب حقنه ،

حریته ، اکلنجیه یه ، پاره یه مالک اولمديغمزدن طولانی شکایت ایدیورز . ايجیمزده کیم وارکه سکون و حضوره محتاج اولدیغنی بیلیر ؛ بونی الده ایتمه نك ایکی چاره سی واردر ؛ برنجیسی تماميله یداقنداریمزده اولوب دماغمزده کوزل فکر لر بسلامککزدن عبارتدر . هنوز هیچ بریمز ، کنجلیکمزده اوکره تلدیکی جهته له ، کوزل دوشونجه لرله هر درلو نکبت وادباردن آزاده سرایلر بنا ایدیله بیله جکنی بیلیمورز . کوزل تصورات ، سکون پرور خاطرات ، اصیلانه سرگذشتلر ، صمیمی سوزلر ، اندیشه ایله قاریشماز ، آلام ایله لکه لیمز و سـفـالته نزع اولونمز قیمتدار و اساسلی خزائن افکار ؛ ایشته روحلریمزه مقرأولمق اوزره الك یاردیمنه مراجعت



ایدلمکسزین انشا اولنان مسکنلر . «

(طوماس) « املی ترک ایت ، صلح و سکونی بولورسک »

دیور .

بز مدت حیاتم زده بویوک مصیبتلرله دردناک اولدیغمز قدره کوچوک شیرله ده راحتسز اولورز .

بشریتک دوچار اولدیغی فناقلرک اک کوتوسی شبهه سز نشئه سز لکدر .

مسعودیتی خار جده دکل ؛ کندیم زده ، کندی قلبم زده آراملی یز .  
بو دنیاده بختیار اوله من ايسه ک دیگرنده بختیار اولمغی ناصل امید  
ایده بیلیرز . جناب حق بزى آخرتده بوراده کندن زیاده می  
کوزمه جک ؛ مسعودیتی یر یوزنده اله کچیره من ايسه ک کوکده  
ناصل بولایله جکزر !

هرنه قدر ، امید ، نائلیت و تخطرایله ، سعادتدن ، ایکی اوچ قات  
فضله مستفید اولابیلیر ايسه کده استقباله نکران اوله بیلیمک ، سودیکمز  
وغائب ایتدیکمز شیلری تکرار رؤیتی امید ایتک ونظریمزدن  
کیزلی قالان شیلری اوکرنمک ده بویوک بر منبع سعادتدر .

بو منبع سعادت قارشى سويله یه جک هیج بر سوزم  
یوقدر . شو قدر وارکه دنیاده مالک اولدیغمز شیلری محقر  
کورمکده وسیله اولمالیدر .

مسعود و سکون پرور بر حیات ایله یاشامق ایچون دماغمزی  
افکار علویه و معقوله ایله تزین ایتلی یز . افلاطون ( فهدون )

نام اثرنده دیورکه : « الهی اولان شیلر ، کوزل ، حقیقی ،  
ای و بوکا نماثل اولانلردر و بونلردرکه روحک جناحلرینی  
تغذیه و تقویه ایدر ؛ بو حسناته مخالف اولانلر ايسه او جناحلری  
بوزار ، قیرار .

خلاصه : سیقراطک دیدیکی کبی اک زیاده فضیلت صاحبی  
اولان انسان ، تکمله غیرت ایدن کیمسه در ؛ واک بختیار  
جداً تکمل ایتمکده اولدیغی حس ایدندر .



ایتمایسکیز. بکا قالیر ایسه؛ بوتون عالمک کندیسنه ادراک اولونه منظر یله باقمه سی لازم کلان ذات اجلاک حقیقته دائر فضله مراقله معلومات اکتسابنه قانغشمق سزین الوهیت مسئله سنده، بیان ایتدی کمز در جه ده، توقف ایتک عموم انسانلر ایچون پک موافقدر؛ زیرا نیجه آدم لر وارد رکه، آ کلایه بیله جکلری شی ایله قوای عقلیه لری فوقنده بولنانلری یکدی کندن فرق و تمیز ایچون نه کافی قوته نه ده سلامت افکاره مالک اولم دقلرندن جناب حق یا کندیلرینه مماثل عد ایتمکدن باشقه دورلو آ کلامغه مقتدر اولامایه رق یاخود اون ی هیج آ کلامایه رق یا کلش بر مراق ایله اوهامه یاخود الحاده گرفتار اولور لر.»

(لووهل)؛ (جونسون) ک شوسو زلرینی تقدیرات مخصوصه ایله حکایه ایدیور: «بزی حسیاتمزک قدرتی فوقنده بولوندیران، ماضی یی، مستقبل یی و اشیای بعیده یی حال حاضر دن دهامهم کوسترن هرشی حیثیت تفکریمزی آرتیر.»

(دین)، بعض مرتبه، فکرله اوغراشدیغی قدر وجود ایلده مشغول اولمالیدر. هر ایکسینک عین اعتبار ایله مظهر تقید و اهتمام اولمسی اهمیت مخصوصه یی حائزدر.

الهیات و عقاید دینییه بر فندر، دینک اساسی دکل. دین حیات یومیه ده بر خط حرکت، اقبالده بر حامی، فلاکتده بر تسلی، مشقت زمانلرنده معین، تهلیکیه قارشی ملجأ، کدرلی زمانلرده استنادگاه و امین بر التجا کاهدر.

## ادیه سکزیجی فصل

### دین

(دین الیهیات) اک بویوک عالمدر ایچون هنوز اسرار قبیلمدن اولدیغی حالده (دین وظیفه) بر چوجوق ایچون بیله قابل تفهمدر. (لوق) ک چوجوقلر ایچون سویلدیکی شو سوزلر اکثر بویوک آدم لر حقنده ده قابل تطبیقدر: «اکمل واحسن اولان ذات الوهیت قارشی اونلرده محبت و حرمت او یاندر ملیدر. اولا بو ذات ابدی یی طانیتمق ایچون سویله نه جک سوزلرک ناموسم اوله رق صرفیله چوجوقلرده یا کلش و غیر قابل تفهم افکار حصوله کتیرمکدن احترازاً فضله ایضاحات ویرمک سزین مختصر تعریفات ایله اکتفا ایتلیدر. چوجوقلره جناب حقندن بحث ایتک ایستدی ککیز زمان اونلره جناب حقک کافه موجوداتی خلق و اداره ایتدی ککی، هر شی کوروب ایشیتدی ککی و کندیسنی سووب اوامرینه اطاعت ایدنلره هر دورلو اییلکلری ایثار ایلدی ککی سویله ییکیز.» جناب حقه دائر چوجوقلری کزده بویولده بر فکر حاصل اولونجه کوره. جکسکیز که، اونلر اولدجه ایرکندن بو ذات اقدس حقنده افکار جدیدیه مالک اولمش بولونه جقلردر. اکر بو افکار جدیدنه ک تمامیه طوغرو اولدیغنی کورور ایسه کز در حال بونلری تصحیح



(فیخته) دیورکه : « ( دین ) سببسنز وکندی باشنه ،  
کندیسی ایچون موجود برشی دکلدرکه بوکا مخصوص وظائف  
سائر مشاغل خارجنده معین ساعتلرده ، بعض کونلرده ایفا  
ایدلسون . بالعکس بو ، کافه تفکراتمزه ، کافه اعمالمزه نافذ  
وهر طرفه منتشر بر روح صمیمیدر . »

کتب مقدسه بزی تعریفات مظلومه ایله باغلاماز ، بالعکس  
بوکی شیلردن افکار مزى چویریر .

« زیرا بو کون سکا ویردیکم بو اوامر سنک پک زیاده  
فوقنده وسندن پک اوزاق دکلدر . »

« زیرا بو سوزلر سکا پک یاقیندر : اونى ایفا ایده بیلمهک  
ایچون آغزکده وقلبدکزه یر طوتمشدر . »

حضرت عیسی کندیسنه قانونی سؤال ایدن کیمسه یه شویله  
جواب ویردی : « ربک اولان جناب حقى بوتون قلبک ،  
روحک و فکرکه سوه جکسک »

« ایشته بوده ایکنجی امرکه اولکنه مشاهددر : ( قومشوکی  
کندک کی سوه جکسک . هر قانون وهر پیغمبر بو ایکی شیئی  
امر ایتمشدر . (۱) »

سهن ژاق دیورکه « حضور الهیده صافی ولکسز دین ؛  
دم فلاکتلرنده ایتم واراملی زیارتله دنیا نکل تویشاتنه قارشى اونلری  
حمایه ایلکدن عبارتدر »

بزم نرهدن کلوب نرهبه کیتدی کمزى بیلما مکلکمز ممکن  
اولدیغی کی افکار و اعتقاداتمزه شبهه لی اوله بیلیر . فقط اجراسی  
وظائفمز داخلنده اولان شیلری قلبمزدنما بیلیر . قومشو مزه  
قارشى وظیفه من جناب حق قارشى اولان وظیفه منک بر قسمیدر .  
قرون وسطاده بر شقى ( اللهک دوستى ، انسانلرک دشمنى )  
نامنى طاقنمش ایدی . باقیلیرسه بو آدم ، افکار حقیقیه خریستیانیه یی  
اکلامقده ، خطالری معذور کور یله میه جک ، نیجه کیمسه لردن ده  
فضله الدانما مشدر . جناب حق اولان محبت همجنسه اولان محبتله  
دها ای ابراز اولور . بعض کره باشقه لردن شکایت ایده رز ؛  
خاطر لاملی یزکه « کندی مزی اینستدی کمز کی یاپاماز ایسه ک باشقه لری نکل  
هر نقطه نظر دن آرزولری مزه موافق حرکت ایتلرینی ناصل امید  
ایده رز ؟ »

حقى اشتکامزده حقلى اولسه ق دخی کندى عفوی مزی  
بکلدی کمز کی بزده باشقه لری نی - سهن پیهرک دیدیکی کی یدی  
دفعه یه قدر دکل : فقط یتمش کره یدی دفعه یه قدر - عفوا یتملی یز .  
پک چوق کیمسه لره اضطراب قور قوسی امید سعادتدن زیاده  
تأثیر ایدر .

( فاوهر سهام ) کلیسا سنده کی اسکی بر کتابة سنک مزارده  
شویله یازیلیور :

یاتاقدن جهنمه ، جهنمدن ؛ آردی آره سی کی سلیمان عذابه  
انتقال ایتمه مک نه قدر مشقتلی اولدیغی کمال جدیتله دوشونن کیمسه



بوتون دنیایی قازانه جق بیله اولسه برکنه ایشله مز .

کړك مواعد وکړکسه تبلیغات لاهوتیه یی نظر لاقیدی ایله  
کورمک موافق دکدر . « نور پک آز بر زمان سزکله برابر در ؛  
او، الکزده ایکن، ظلماتک استیلا سندن احترازاً ، یورویکیز  
زیرا ظلمات ایچریسندن یوروین کیمسه نره یه کیتدیکنی  
بیلمز . (۱) » هرکیم که سویلدیکم بوسوزلری ایشیدیرده اونکله  
عمل ایتمز ایسه او آدم اوینی قوملرک اوستنه بنا ایدن عقلسز  
کیمسه یه بکزمز : یاغور یاغوب سیلار طاشه جق، بریاندن ده  
روزکارلر اسهرک بواوک تمللرینی آچاقق ، نتیجه ده ایسه  
بنا چوکه جک و عظیم بر خرابی حصوله کله جکدر «  
فقط دیگر جهتدن « سویلدیکم سوزلری ایشیدوب موجبنه  
عمل ایدن کیمسه یی اوینی بر قیا اوزرینه بنا ایدن عاقل بر آدم  
تشیه ایدرم که یاغورلر یاغدیغی، سیلار طاشدیغی و روزکارلر  
اسبوب بو او ییقمغه چالیشدیغی حالد اصلا منهدم اولماز ؛  
زیرا قایا اوستنه بنا اولونمشدر . (۲) »

خصوصیه یازیق او کیمسه یه که باشقه لرینی ، باخصوص  
کنجلی خطایه سوق ایدر . « بویله کوچوک شیلرله  
رزیل اوله دن ایسه بو آدمک بوینه بر دکرمن طاشی باغلا یوب  
کندی دکره آتمق اولادر . (۳) » - « زیرا بر آدم کندی روحنی

(۱) سه نژان .

(۲) سه ن ماتیو .

(۳) سه ن لوك .

غائب ایدرایسه بوتون عالمی قازانمش اولسه نه یه یارار ؛ یاخود  
روحنی نه ایله مبادلله ایده جکدر ؟ (۱) .

بز (راله یغ) ک دیدیکی کبی فکریمزده امید ایله خوفی تمامیه جمع  
وتالیف ایده جکیز :

« اولومی، سموات وجیمده کی محاکمه عقبایی اکثریا  
دوشونه ن کیمسه حسن حال و حرکتده قصور ایله مز . »  
انسانلری رفیق وملا یتمه اداره ایتک شدتله اداره دن ده  
قولایدر . بو خصوصده مثاللرک وصایا و دستورلردن زیاده  
قیمتی واردر . انکیزیسیون مظالمی تقبیح ایدن بر چوق کیمسه لر  
( دروموند ) شو بیاناننده کی حقایقی درک ایدرلر . « حضرت  
عیسانک مجلس مصاحبه سنده هر کون کچن اون دقیقه، نه سویله یورم  
اون دکل ؛ حتی ایکی دقیقه ، - اکر کندیسیله قارشو قارشویه  
دیگر روح بولونیله جق اولورایسه - حیاتی تمامیه تبدل ایدر  
ایدی . »

ای شیلری دوشونیکیز ؛ فنا برشی یاپامز سکر : « حقیقی،  
ناموسکارانه، شهرت حسنه یه مالک، کندیسنده بعض فضائل  
بولونان ومدحه لایق اولان شیلر افکار یگری اشغال ایتسون . »  
( سه نه ک ) ک دیدیکی کبی « انسانلرک بیلمسنی ایستدیککیز  
شیئی جناب حقدن ، واوندن کیزله مک ایستدیککیز شیئی ده  
انسانلردن طلب ایتیکیز . »

(۱) سه ن ماتیو .



زمان و مسافه نك لايتناهي تي اچنده بزم نه درجه لرده اهميت سر  
وفاني بر مخلوق اولديغمزي نظردقته آلا جق اولور ايسه  
(سپنسر) ايله برابر، كندی كنديمه، شوسؤالی ايراد  
ايد بيليرز :

«سمواتده بزم ايله اشتغال اولونيورمى؟ اوراده كي  
ارواح عاليه ده بوقدر حقير بر مخلوقه قارشى محبت وارميدر؟»  
(بزوم) مؤلفي شويله سويله مكده حقليدر: اثر دست قدرتك  
اولان سمواتكه، ترتيب وتنظيم ايلديكك آيه، ييلديزلره  
باقيورمده دييورمكه: اونو تيموب در خاطر ايتديكك فاني انسان  
وتفتيش ايتديكك اوغوللري نه در؟

فقط (قولور دج)ك جوابي بزي شو صورتله تامين ايد ييور:  
«انسان اكر چاغير ايسه عزيزلر يارديمه كليرلر. زيراقبه  
لاجورد فام سما هر كس اوزرينه مساوي اوله رق آچيلمشدر.»  
بزه «ايستر ايسه كزويريلير؛ آراييكز، بواورسكز؛ چاليكز  
آچيلير.» دنيلم ييورمى؟

بوندن باشقه «نه وقتكه بندين برشي طلب ايدرسه كز او ني  
اجرا ايدرم.» و «بوتون قلبلر، بوتون آرزولر جناب حقه  
قارشى آچيقتدر» كه: او، صيقينتميده اولان بر قلبك شهيقني  
ومحزونلرك آمالني محقر كورمز؛ بز او كا بوتون قوتمزله خدمت  
ايد بيليرز، چونكه اوده بزه خدمت ايد ييور. (۱)

تبل او طور و بده حقدن معاونت ايسته مك طوغرو برشي  
دكلدر. واقعا بزه ياردم وعدا اولنيور؛ ياكيز ياردم دكل، شويله  
بر خطاب دخي ايد ييلور: «اكر الله اوي بنا ايتمز ايسه  
باشقه لري بوشنه چاليشيرلر. اكر الله شهرى محافظه ايتمز ايسه  
باشقه لري بوشنه كوزه تيرلر.» - «اك كوزل يارديم اك مكمل  
عطيه يوقارودن كلير و كنديسند تبدال وظل تحول اصلا موجود  
اولمايان اب انواردن نزول ايدر. (۲)»

دين بزه، عالم عقبايي قزانق ايجون بو عالمي تركي امر  
ايتيور، بالعكس «امر اولونان شيلري سومك، وعدا اولونانلري  
آرزو ايتك» آخرتده اولديني كي دنيا ده ده سعادت مزي آرتيرر.  
سعادت اخرويه ايله سعادت دنويه آرمسند فرق يوقدر (۳).  
زيرا دين معيشت يوميه يي مبارك قيلمشدر.  
«مناستر حياتي ايجون قوم شولريمزي، مساعيمزي ترك ايلك  
احجاب ايتمز.

وظيفة يوميه مز بزه هر فرصتي تدارك ايدر.

(۲) سه ن ژاق

(۳) بوفكر اسلاميتمده عنيله در. امام غزالي احياء العلوم ده  
(الدنيا مزرعة الآخرة) بي بوصورتله شرح ايتديكي كي «اخرت لدنيا كانه ك  
تعيش ابدا الخ» (سن ابد يا شايه جق كي دنيا ايجون ويارين اوله جك كي  
آخرته چاليشن) معنا سنده كي حديث شريفده نظر اسلامده فعاليت حياتيه به  
وپريلان اهميتي بك واضح كوسترپر.



فضاه اوله رق دائماً باشقهاری ایچون چالشمقده آرزو  
ایتملی یز. (۱)»

حضرت عیسی حواریوندن بحث ایدرکن شویله نیاز  
ایدیوردی. «یاربی! سندن اونلری بوعالمدن رفع ایتمه کی دکل؛  
فنالقدن محافظه بویورمکی رجا ایدیورم»

حضرت عیسا بویوریورکه: «بن سزه یکی بر قانون  
ویریورم؛ یکدیگریکزی. بنم سزی سودیکم کی، سوه سکز. «  
«بن سزه بوسوزلری، کندی مسرتم سزه انتقال  
ایله سزک مسرتکزی ده اتمام ایتسون، دییه سویله یورم.  
ایشته بوقانونم بنم سزی سودیکم کی سزک ده یکدیگریکزی  
سومه کزی آمردر. حیاتی دوستلری ایچون فدا ایدن کیسه نك  
محبتنه هیج بر محبت مقیس اوله مز. امرایتدیکم شیلرک کافه سنی  
ایفا ایدرسه کز بنم دوستلرم اولورسکز. (۲)»

حضرت عیسا دشمنلریمزک حقنده بیله مکرراً عفو  
و محبت امر ایدر. «یاقینه که محبت دشمنکه عداوت  
ایده جکسک؛ دنیلدیکنی ایشتدیکز. فقط بن سزه شویله دییورم  
دشمنکزی سویکز سزی اضرار ایدنلری خیرله یاد ایدیکز،  
سزه بغض عداوت ایدنلره ایلك ایدیکز و سزی تحقیر و تضیق  
ایدنلر ایچون دعالر ایدیکز، زیرا ربمز فنا واییلر اوزرینه

(۱) که بهل

(۲) سه نژان

متساویاً کونشی طوغدیریر، وطوغریلرکده حقسزلرکده  
اوزرینه یاغمورینی یاغدیریر.

«زیرا یالکز سزی سونلره محبت ایده جک اولورسه کز  
بوندن نه مکافات آلیرسکز؟» واکر سز یالکز قارداشکزه  
اکرام ایدرسه کز فوق العاده برایش یامش اولورمیسکز؟  
آلام واکدار نه در بونلری ده بیلملی یز. حتی «کدرله  
تفاخر ایده بیلیرز؛ کدر صبری، صبرامتحانی، امتحانده تجربیه بی  
انتاج ایدر.» و بزه تأمین اولنیورکه: «جناب حقک  
کندیسنی سوه نلر ایچون حاضر لادیغی نعمتلر، کوزک کورمدیکی  
قولاغک ایشتمدیکی و انسانک خاطرینه اصلا کلیان شیلردر. (۱)»  
(آبقتت) دییورکه: «جناب حقه اطاعت ایتدیگیزی  
فضیلتمند و عاقل بر کیسه یه یاقیشان ایشلری ایفا ایلدیگیزی  
بیلمکی هرذوقک یزینه قوییکز. (۲)»

طوماسک دیدیکی کی «آز قازانمق ایچون اوزون  
سیاحتلره تشبث اولنور؛ فقط بر حیات دائمی الده ایتک ایچون  
یرندن هیج قیمیدامیانلر واردر.» و کذا «یازیکز، او قوییکز  
فریاد ایدیکز، سکوت ایلییکز، رجا ایدیکز، مردجه  
صیقنتی چکیکز؛ حیات ابدی بونلر و دها فنا لریله  
مضطرب اولمغه دکر.» بونکله برابر حقیقت حالدیه بزدن

(۱) سه ن ماتییو.

(۲) سه ن پول.



نه قدر آرز برشی طلب اولنیور! زیرا: «جناب لم یزل طوغریلقدن، مرحمتی سومکدن، ربکه قارشى مطیع اولمقدن بشقه سندن نه ایستیور؟» بزدن پک بیوک فداکارلق بو عالمده کی ماملکمزک ترکی طلب اولنان احوالده ایسه بونلری ده ایفا ایده بیلیرز: مدت حیاتمز قیصه در.

وینه «جناب حق رحیمدر؛ وسعکزک فوقنده ایشره قالقیشمکزه مساعدده ایتمز واکر تشبث ایده جک اولورسه کز تحملکزی آرتیره رق موفقیت یوللرینی سزه کوستیر (۲)» فقط انسانک نه درجه ده ضعیف اولدیغنی ده بزه بیلدیریلیور «هوا وهوسه دوشماک ایچون رجا وتمنی ایدیکز؛ زیرا فکر سریع فقط وجود ضعیفدر (۳)».

تکمله نصب نظر ایتمک ده لازمدر مکافات عاجل وبی حدوددر.

دین بو عالم دنیاده دخی بزه راحت وسکون، استراحت وجدان، آلامزی تسلیه یی وعد ایدیور. جنت یالکز عقباده دکلدر؛ بلکه او، سزک نفسکزده موجوددر.

اکر یورولورسه کز سزه «ای چالیشان، تحمل ایدن کیمسه لر، بکا کلیمز، سزه یاریم ایده یم» دنیلمیورمی! (۴)

(۲) سهن پول.

(۳) سهن ماتییو.

(۴) سهن ماتییو.

خوف وانديشه ایچون حقیقی برسبب موجود اولمادیغنی ده بزه تأمین اولونیور: «قوشلره باقیکز؛ اونلر نهاکر، نه ده حصا ایدرلر، نه ده انبارلرده غدالرینی جمع ایدرلر؛ رب کریم اونلری بسیلر. سزاونلردن پک چوق عالی دکلمیسکز؛ لباسه تعلق ایدن شیلرده دخی نه ایچون اندیشه یه دوشیورسکز؟ تارلا زنباغی ناصل بویودیکنی اوکره نیکز؛ او، نه چالیشیر نه ده برشی اوردر. بونکله برابر، سزه سویلیه یه یم که، سلیمان بیله اوشان وشهرتیه برابر اونلردن بریسی قدر اصلا کینه مامشدر.

«ایمدی؛ جناب حق بوکون یارین ناصل اولسه فرونه آتیه جق اولان برتارلا اوتنی بویله کیمدیریر ایسه سزی دها زیاده الباس ایتمزی ای ایمانی ضعیف کیمسه لر؟ (۲)»

«ایمدی ما کولات، مشروباتکز ایچون زحمت چکمییکز واصلانديشه ایتمییکز. ربکز سزک بوناره محتاج اولدیغکزی بیلیر. او حالده عالم آله یی دها زیاده آراییکز که بونعمتلرک کافه سی سزه زیاده مبدولیتله احسان اولونسون (۳)» بزه ایدیلان بومثلاو وعدلر یکدیگرینی ولی وتعتیب ایدیور:

خزائن ارضیه یی جمع ایتمییکز: اوراده قوردوپاص هرشیئی

(۲) سهن ماتییو.

(۳) سهن لوق.



بوزار ، خرسنزلر آشیریر . خزائن سهاویه یی طوبالاییکزر که ؛  
اوراده قوردو یاص نهده خیرسنز واردر . « زیرا خزینه کز  
زدهده ایسه قلبیکزده اورادهدر . » و براز ایلروده شو یله  
بیوریلیور « ثروت تراید ایدرایسه قلبیکزی اوکاباغلامیکزر . »  
ثروت ، حقیقت حاده ، فقر و ضرورتدن زیاده بزی اندیشه ناک  
ایدر . « ثروته اعتماد ایدنلر ایچون عالم آلهییه دخول مشکلدر . »  
موعظه جبلده آخرت رحیم ، مطیع ، صالح و سکونه  
محب و قلبلری صاف اولان کیمسه ره وعد اولونیور .

بزانه اندن قورقماز : « بن جناب حقه کوه نیورم ، بکا  
انسانک یاپه جنی شیدن اصلا قورقمایه جنم (۱) »

حقیقت حاده هیچ برشی بزه مضرت ایراث ایده من :  
« بزبیلیرز که هرشی ، جناب حتی سوهن کیمسه ناک اییلکنه ،  
مجتهماً یار دیم ایدر . »

ینه بزه مکرراً شو یولده بیاناتده بولنیلیور که کافه مزاحم ،  
مشکلات و اندیشه لریکزر آرمه سنده : « جناب حتی  
طایفه کز و محبت ایتمه کز یولنده سنزک فکرو وجدانکزه عقلک  
خارجنده اولان ، حضور و سکون آلهی اثبار اوله جقدر  
ولطف آلهی سنزه یتیشه جک و ابدیاً هر ایشک زده رفیق  
اوله جقدر . »

وبومواعد متساویاً هرکس حقنهدر ؛ یالکزر زنکینلره ؛

اکبره ، علمایه ، عقلایه دکل ؛ زیرا « جناب حق مخلوقاتی  
یکدیگرنندن آیرد ایتمز . »

« کوچوک چوجقلری براقیکز ، اولنلرک بکا کملرینه مانع  
اولیکز ؛ زیرا عالم سموات کنیدیسنه بکزه یانلرایچوندر ! »  
« معصومیتی محافظه ایدیکز و ای شیلری آرزو ایدیکز ؛  
زیرا انسانی سلامته ایصال ایدن بودر . »

« و کتاب حیاته اسملری تسجیل اولنان کیمسه لر میاننه  
داخل اولمغه انجق بوصورتله موفق اولورسکزر »

خلاصه ؛ طالعکزر مرتبه ثروتکزر نه اولورسه اولسون ،  
انجق بوصورتله بختیار اولمغه امیدوار اوله بیلیرسکزر .

زیر اسمانی کورن محللرک کافه سی عاقل ایچون ابواب سعادت  
والتجاکاه بختیاریدر . ای بر آدم اولیکز . ( که نفسله ی ) نه کوزل  
سویلر :

باشقلری ایسترلرایسه بویوک موقعلر طوتسونلر . سن ،  
هر کون او یله اولمغی تخیل ایده جکنه ، ای شیلر یاپ که  
حیات ، ممات و فضای استقباله انجق بوصورتله قوی ، لطیف  
بر آهنگ واطراد بخش ایده بیلیرسک .